



ଆଜ୍ଞା ।



ଆଲମା ।

ଶ୍ରୀମତୀ ରାମୀ ଜ୍ୟୋତିଷ୍ଠତୀ ଦେବ

ପ୍ରଣୀତ ।

୧୭୨୨ ।

প্রকাশক—

শ্রীগোপাল চন্দ্র মুখোপাধ্যায়

১০৬১ নং গ্রে স্ট্রীট্

কলিকাতা।



প্রিন্টার---

শ্রীরাধাশ্যাম দাস।

ভিক্টোরিয়া প্রেস।

২নং গোয়াবাগান স্ট্রীট্,

কলিকাতা।



রাজা বিনয়কৃষ্ণ দত্ত দাসগুপ্ত



বানী জ্যোতিষ্মতী দেব

পূর্বাভাষ ।

পরম-স্নেহাস্পদ শ্রীমান্ কুমার প্রমোদকুমার দেব---

তুমি আমাকে তোমার জননী-দেবী-গ্রথিত “মালা” র একটি ভূমিকা লিখিয়া দিবার জন্য অনুরোধ করিয়াছ। আমি সাদরে সে অনুরোধ রক্ষা করিতে অঙ্গীকার করিয়াছিলাম। কিন্তু গ্রন্থ পাঠ করিয়া সে সঙ্কল্প ত্যাগ করিয়াছি। গ্রন্থকত্রী আপনার হৃদয়সমুদ্র আলোড়িত করিয়া এক একটি মুক্তাফল তুলিয়া এই “মালা” গাঁথিয়াছেন, জীবন দেবতার চরণোপাশ্বে উপহার দিবার জন্য। স্বর্গে মর্ত্যে সম্বন্ধ আছে; আমার বিশ্বাস, যাহার উদ্দেশ্যে “মালা” গ্রথিত তাঁহার নিকট ইহা পৌঁছিয়াছে। এ কাব্যের ইহা অপেক্ষা আর কি সার্থকতা হইতে পারে? তোমার পুণাশীলা পতিগতপ্রাণা জননীর হৃদয়ে যে দারুণ শেলাঘাত হইয়াছে, তাহার যন্ত্রণায় তিনি এখনও মুহূমানা রহিয়াছেন। আর আমিও তুর্কিবহ বন্ধু-বিয়োগ-যন্ত্রণা এ পর্য্যন্ত ভুলিতে পারি নাই। তাই বলিতে-ছিলাম, ইহা এখনও কাঁদিবার সময়, সমালোচনার সময় নহে। স্বর্গগত পতি-দেবতার কণ্ঠে তাঁহার সযত্নরচিত “মালা” স্থান পাইয়াছে জানিয়া গ্রন্থকত্রী হৃদয়ে শান্তিলাভ করিয়া ভাবি মিলনের জন্য প্রস্তুত হইতে থাকুন, ইহাই আমার একান্ত কামনা। ইতি—

কলিকাতা,
১০, ভারক চাটুয্যের লেন,
১লা আষাঢ়, ১৩২২।

আশীর্ব্বাদক
শ্রীরাজেন্দ্রচন্দ্র শাস্ত্রী ।

সূচী

বিষয় ।			পৃষ্ঠা ।
প্রার্থনা	১
উপহার	৩
আবাতন	৪
অদর্শন	৮
শমনের প্রতি	১৬
অনুেষণ	১৯
তুমি যে আমার	২১
বিভূচরণে	২৭
তাপিতা	৩৪
অনুরাগ	৩৫
জীবনের সেই দিন	৪৫
বাসর	৫২
সম্প্রদান	৫৯
ফুলশয্যা	৬৫
কাতরতা	৭০
বিলাপ	৭৫
প্রাণের বেদন	৮১
কার তরে	৮৪

বিষয় ।	পৃষ্ঠা ।
তুমি সুন্দর	৮৮
নাহি কৃষ্ণ বঠ	৯৪
উদ্ভ্রান্তা	৯৬
নলিনীর প্রতি	১০০
অঁধার রজনী	১০৭
না পোহাল আর	১১৫
শশধরের প্রতি	১২০
নদীর প্রতি	১২৭
নিদ্রার প্রতি	১৩১
স্বপ্নাস্তে	১৩৫
বাসনা-শ্রোত	১৪০
ধ্রুবতারা	১৪৩
জীবন-তরি	১৪৬
সঙ্গী-হারা	১৫০
সে কি গো আসিবে ফিরে	১৫২
জানাব হৃদয়-যাতনা .	১৫৫
কাহার লাগিয়া	১৫৮
পরাণ উঠিছে কাঁদিয়া	১৬০
আকুলতা	১৬৩
কেন এত	১৭০
উদ্ভান-স্মৃতি	১৭৬

বিষয়				।
কোজাগর	১৮০
হিমালয়	১৮৪
বাসনা ত্যাগ	১৯০
পরাজয়	১৯৬
শুনেছি	২০২
মন-বীণা	২০৪
হৃদয় শ্মশান	২০৬
ভৎসনা	২০৭
কোথায় হে	২০৯
নীরবতা	২১০
দয়াময় নাম	২২১
আলেখ্য-দর্শনে	২২৪
নিদাঘে	২৩০
বরষায়	২৩৫
শরদাগমে	২৪৪
হেমন্তে হেরিয়া	২৫১
শীতারন্তে	২৫৮
বসন্তে	২৬৫

.

মালা

প্রার্থনা ।

ললিত ত্রিভঙ্গ আহা ! মোহন মুরারি,
বামে রাখা জ্যোতির্ময়ী নবীনা কিশোরী ।
অঙ্গ অঙ্গ পড়ে চলি, জলদে যেন বিজলী
বামে চূড়া আছে হেলি, শ্যাম বংশীধারী ।
আহা মরি কি মাধুরি !
বৃন্দাবন শূন্য ক'রে, শোভিছ শোভাবাজারে,
হেরিব যুগল শোভা সদা প্রাণ ভরি ।
কিবা ত্রিভঙ্গিম রূপ লয় মন হরি ।
এ দাসী বিনয়ে বলে, রাখ তারে পদতলে,
মিলাইয়া রাখ জ্যোতি করুণা বিতরি ।
ও রাজ্ঞা চরণ-জ্যোতি এ দেহে আবরি ।
মিলাও বিনয়ে বলি, ও চরণে বনমালি !
কমলা-সেবিত পদে এ মন আমারি ।
ও যুগল রূপ যেন সতত নিহারি ।

মরি কি বিমল শোভা, মন-ভৃঙ্গ-অঁথি-লোভা,
 ব্রজরাজ সনে রাজে ব্রজের কিশোরী ।
 রাজিছে হৃদয়-মাঝে ও রূপ আনারি ।

• হৃদি পদ্মে হের সদা যুগল মিলন ।
 সুললিত রূপ কিবা মুরলী-বদন !

জ্যোতির্ময়ী রাধা বামে, হেলিয়া ত্রিভঙ্গ ঠামে,
 শিখি-পুচ্ছ শোভে শিরে বন্ধিম নয়ন ।

বন ফুল গুঞ্জমালা, শ্যামাঙ্গ করে উজলা,
 ভজরে চিকণ কালা সদা মম মন !

হৃদি শতদলোপরি, সহ রাধা ব্রজেশ্বরী,
 বিরাজ হে গোপীনাথ ! ব্রজের রতন ।

পীতাম্বর কটি বেড়া, পৃষ্ঠে শোভে পীতধড়া.
 বামেতে মোহন চূড়া ঈষৎ হেলন ।

দাসীর হৃদি-বিপিনে, বিরাজ হে নিশি দিনে,
 যুগল মিলনে দেহ মোরে দরশন ।

ছুখিনী কাঁদিয়া কয়, রাখ তারে দয়াময়,
 বিনয়ে এ দাসী চায় ও তব চরণ ।

সুশীতল হবে মোর তাপিত জীবন ।



উপহার ।

ধর দেব ! হৃদয়ের ক্ষুদ্র উপহার—

মানস কুসুমের আমি গাঁথিয়াছি হার ।

ছিন্ন করি হৃদি তারে, গাঁথিয়াছি এ মালারে,

আদরে ধারবে করে এ আশা আমার ।

ধর—ধর প্রাণাধার !

ফুটন্তু ও ঝরা ফুলে, মিশারে সহ মুকুলে,

শ্রীতির চন্দন গুলে মাখি সহ তার ।

ঝরা ঝরা ফুলগুলি, কাতরে করি অঞ্জলি,

ভক্তিভরে দিনু নাথ ! চরণে তোমার ।

ঢালিয়া নয়ন বারি, অভিবিক্ত কুসুমেরি,

হের নাথ ! করি গেছে মলিনতা তার !

মন্দার কুসুম রাশি, আছে পাশে রাশি রাশি,

পারিজাত-মালা শোভে গলেতে তোমার ।

আমার মানস ফুলে, ফেলোনা চরণে দলে,

হৃদয়ের ছিন্নতারে গাঁথা এই হার ।

ভক্তিভরে তব করে দিই উপহার ।



আবাহন ।

এস প্রিয়তম ! এস একবার,
আকুল হৃদয়ে ডাকি অনিবার ;
জীবন-সর্বস্ব এসহে আমার,

আরাধ্য দেবতা এসহে মম ।

পাতিয়া রেখেছি হৃদয়-আসন,
হৃদি বস্তু-পুষ্প ক'রেছি চয়ন,
মাথারে তাহাতে আবেগ-চন্দন,

পূজিব তোমারে হে প্রিয়তম !

এস এস ওহে জীবনবল্লভ,
এস ডাকি আমি ওহে প্রাণধব,
শূন্য এ জীবন, শূন্য যে হে সব,

এ শূন্য ভবনে এস হে নাথ !

দিবানিশি আমি তোমার লাগিয়া,
হৃদয়-দুয়ার উন্মুক্ত করিয়া,
ব্যাকুল অন্তরে র'হেছি বসিয়া,

চাহিয়া তোমার আশার পথ !

এস একবার এস প্রাণাধিক,
অনিমেষ-অঁাখি হেরিব ক্ষণিক,
চাহিনা এখন ইহার অধিক,
নিমেষের তরে দেখিতে সাধ ।

এস এস নাথ গৃহেতে তোমার,
এ শূন্য আগারে এস প্রাণাধার !
সবই অঁাধার বিহনে তোমার,
সাধিয়াছে বিধি দারুণ বাদ ।

সারানিশি দিন ব্যাকুল হইয়া,
নীরবেতে রহি বিরলে বসিয়া,
আসিবে হে তুমি এ আশা করিয়া,
কাতর হইয়া সতত ডাকি ।

এস এস দেব ! এ মনোমন্দিরে,
বসায়ে যতনে পূজিব সাদরে,
জীবন উৎসর্গ করি ভক্তি-ভরে,
নীরবে রহিব মুদিয়া অঁাখি ।

এস এস নাথ, হে হৃদয়-স্বামি,
তুমিই দেবতা এই জানি আমি,
তুমিই আরাধ্য পূজনীয় তুমি,
তুমি প্রেমময় গুরু প্রেমের ।

তব ধ্যানে ভোর রহি প্রাণেশ্বর,
 তব গুণ গান করি নিরন্তর,
 এস হে ললিত, এস হে সুন্দর,
 হেরিয়া জুড়াই জ্বালা প্রাণের ।

এস এস ফিরে এস মম স্মৃতি,
 এস হে উদ্যম উৎসাহ প্রবৃত্তি,
 এস আকিঞ্চন ধৃতি মেধা শক্তি,
 এস হে আমার কাম কামনা ।

এস শান্তি মম, এস প্রাণসখা,
 এস সুখ মম, দিবে না কি দেখা ?
 ডাকে তব সখী এস প্রাণসখা,
 এস আশা, এস সাধ-বাসনা ।

ধর্ম্য অর্থ মোক্ষ এসহে আমার,
 এস সৌম্য এস মাধুর্য্য-আকার,
 এস সর্ববিধ গুণের আধার,
 এস প্রাণময় প্রাণের প্রিয় ।

এস এস মম শয়নে স্বপন,
 এস অঙ্গ-রাগে নয়ন-অঞ্জন,
 এস শিরোপরে হে শিরোভূষণ,
 স্মৃষ্টি বচন এস অমিয় ।

এসহে বিনয়, এস গো মধুর,
এস কমনীয় শৌর্য্য বীর্য্য শূর,
রূপেতে কন্দর্প মোহে তিনপুর,

যশোতে যশস্বী এস প্রাণেশ !

এস নিষ্কলঙ্ক সরল-চরিত্র,
সমুজ্জ্বল-ভাতি এস গো পবিত্র,
কলঙ্ক-কালিমা স্পর্শে নাই গাত্র,

নাহিক হৃদয়ে খলতা লেশ ।

সে উচ্চ অমর ভবন হইতে,
এস মম কাছে এস হে ভরিতে,
পিয়সী প্রাণের পিপাসা মিটাতে,

কাতরে আহ্বান করি তোমারে ।

শুনিয়া আমার আকুল আহ্বান,
কাঁদে নাকি নাথ ! কাঁদে নাকি প্রাণ ?

অথবা এ ডাক না যায় সে স্থান,

না পশে তোমার শ্রুতি-বিবরে ?

ত্যজিয়া সে স্থান এস প্রাণপতি !

বিনয়ে আহ্বান করে তব জ্যোতি,

প্রত্যাখ্যান তারে কোরনা মিনতি,

মরম বেদনা ঘুচাও আসি ।

এস প্রভু এস, এস হে বাঞ্ছিত,
 এস গো পূজিত, এস গো দয়িত,
 উন্মাদিনী হোয়ে ডাকি অবিরত,
 এস হে বারেক মধুর হাসি ।

এস বঁধু এস হৃদয়-রাজন,
 পাতিয়া রেখেছি হৃদি সিংহাসন,
 প্রেমমালা গলে প্রণয় চন্দন,
 অভিষেক হবে অঁখির নীরে ।

অনুগতা দাসী আমি হে তোমার,
 সকাতরে তাই ডাকি অনিবার,
 সজ্জিত রয়েছে ষোড়শোপচার,
 এস নাথ মম মনোমন্দিরে ।

আদর্শন ।

হায় কি ভীষণ দৃশ্য !—ভীষণ সময় !—
 বলিতে সে কথা যে গো বুক বিদরয় !
 নিদারুণ হেমন্তের কি দারুণ দিন,
 হরিল তোমারে, নাথ, হইয়া কঠিন !

কি অগ্রহায়ণ মাস এসেছিল হায় !
আমারে কাঁদাতে বুঝি আঁঠল ধরায় !
হায়রে, দারুণ বিধি ! এই ছিল মনে,
অকালে হরিলি মম হৃদয়-রতনে !
ওরে হায় ! একি তব একি আচরণ ?
কি কাজ করিলি ওরে নিষ্ঠুর শমন !
হায় হায় ! কি হইল—কি হইল মোর—
চুপে চুপে গৃহে আসি প্রবেশিল চোর ;
সবার অলক্ষ্যে আসি চুরি সে করিল ।
আমার প্রাণের নিধি হায় হ'রে নিল !

ছিলাম অনন্যমনে নিকটে তোমার,
ভাবি নাই এই কথা ভ্রমে একবার ।
আশার কুহকে মুগ্ধ হ'য়ে সর্বক্ষণ,
রাখিতাম দিবানিশি স্থির করি মন ।
অকস্মাৎ বজ্রাঘাত পড়িল মাথায়,
নিমেঘে ফিরায়ে অঁাখি একি দেখি হায় !
কহিতে কহিতে কথা উচ্ছা-মৃত্যু সম,
জীবন ত্যজিলে তুমি ওহে প্রিয়তম !

পিপাসিত শুষ্ক কণ্ঠ হইত সদাই,
চাহিলে পিপাসা বলি জল মম ঠাঁই ।

আদরেতে ধরি হাত বলিলে তখন—
 দাও জল তুমি আনি, তৃপ্ত হোক্ মন ।
 নিকটেতে প্রিয়পুত্র ছিল দাঁড়াইয়া,
 ঈষৎ হাসিয়া তারে বলিলে ডাকিয়া,—
 'বুঝিতে না পারে তাকু, মাতা কিছু তোর,
 আছে সে মোহের ঘোরে হইয়া বিভোর ।'

গ্রীষ্ম-তাপ অনুভব করিয়া শরীরে,
 ব্যজন করিতে নাথ ! কহিলে আমারে ।
 কর্তব্যের নির্ভরতা শিখায়ে আমায়,
 চাহিলে আকুল নেত্র মুখ পানে হয় !
 মোর মুখ পানে অঁাখি করিয়া স্থাপিত,
 উজ্জ্বল সে অঁাখি তারা হোল নিমীলিত !
 হয় হয় ! কি করিয়া হেরিলাম তাহা,
 ভ্রমেও স্বপনে কভু ভাবি নাই যাহা !
 মুদিত হইল অঁাখি !—বিগত জীবন !—
 আহা কি লাষণ্যময় শরীর তখন !
 হেন জ্ঞান হয় মনে নিদ্রিতের প্রায় ।
 সমুজ্জ্বল অঙ্গ-জ্যোতি মলিন না হয় ।
 শিরিষ কুসুম সম অধর বাকুলি,
 কনক চম্পক সম সকল অঙ্গুলি ;

শতগুণ কান্তি যেন হইল বিকাশ,
কণামাত্র সৌন্দর্যের না হইল হ্রাস।
উপাধানে রাখি শির করিয়া শয়ন,
মুদিত রহিল মাত্র যুগল নয়ন।
হায় ! সেই মহানিদ্রা না ভাঙ্গিল আর !
কাতরে ডাকিনু আমি কতশত বার।
কোন মতে জাগাইতে নারিনু তোমারে,
ভাসিতে লাগিনু তবে নয়ন-আসারে।
অন্য কোন সময়েতে ডাকিতাম যদি,
হাসিয়া কহিতে কথা ওহে গুণনিধি !
সুবিশাল বক্ষঃস্থলে পড়িনু ঢলিয়া,
আমার সে নিরাপদ আশ্রয় জানিয়া।
চিরবাঞ্ছনীয় স্থল আমার যথায়,
রহিবারে তথা মোরে নাহি দিল হায় !
উঠ উঠ যাও চল বলিল যে সবে,
এ কথা কি রূপে তুমি শুনিলে নীরবে ?
তোমা ছাড়া করে মোরে ছিল সাধ্য কার ?
এখন এ কথা কেন শুনি বার বার ?
করিয়াছ কেন, নাথ, এই অভিমান,
কেন বা আমারে ডাকি লয় অন্য স্থান ?

কেন এবে চিরপ্রিয় এ ভাব তোমার ?
 কোন্ দোষে দোষী আমি বল গুণাধার ?
 চিরসঙ্গিনীরে কেন একাকিনী ফেলি,
 মর্ত্য পরিহরি গেলে সুর-পুরি চলি ?
 হায় হায় কি হইল আমার এখন !
 অসময়ে কেন বিধি করিলে এমন ?
 বিশ্রামের দিনে বৃষ্টি লভিলে বিশ্রাম,
 শান্তিময় শান্ত মনে গেলে শান্তিধাম ।
 ক্ষণমাত্র অদর্শন হইলে আমার,
 ব্যথিত হইতে কত সীমা নাহি তার ।
 চির অদর্শনে কেন রাখিয়া আমারে,
 ছাড়ি গেলে মোরে নাথ নির্দয় অন্তরে ?
 হে নিষ্ঠুর ! হে নির্দয় ! দেখ একবার,
 তোমার বিহনে আজি কি দশা আমার ।
 না, না, তুমি প্রেমময় প্রেমের আকর,
 স্নেহ করুণায় ভরা স্নেহের সাগর ।
 নিশ্চয় কঠিন প্রাণ নহ তুমি, জানি,
 কেন যে কঠিন হ'লে নাহি অনুমানি ।
 কাঁদাইয়া চিরতরে তব সঙ্গিনীরে,
 ডুবায়ে অতলে হায়, মহা শোক নীরে,

কেন গেলে মোরে ফেলে ? হ'ল নাকি মনে,
কিরূপে রহিব আমি তোমার বিহনে ?
বাঁধিয়া আমারে দৃঢ় কর্তব্যের ফাঁসে,
ছাড়িয়া চলিয়া হায় গেলে অনায়াসে !

কিরূপে রহিব আমি তোমারে ছাড়িয়া ?
কিরূপে জীবন ধরি বল বিবরিয়া ?
কিরূপে রহিব আমি এ শূন্য আগারে ?
সর্বত্র ব্যাপ্ত তুমি বিশ্ব চরাচরে ।
কোথা যাও, কোথা যাও, করিগো বারণ,
ক্ষণতরে ফিরে চাও মেলিয়া নয়ন ।
উঠি বস শয্যা 'পরে, ক'র না শয়ন :
হাসিয়া করিগো কথা তুলিয়া বদন ।
আহা সেই সুধামাথা মধুময় স্বরে,
ব্যজন করিতে মোরে বল ধীরে ধীরে ।
যেওনা ফেলিয়া মোরে করি অনাথিনী ;
আমি যে তোমার নাথ আদরের রাণী ।
সঙ্গের সঙ্গিনী সঙ্গে লহ প্রাণসখা,
তাজিয়া আমারে তুমি যেওনা হে একা ।
আতপ-তাপেতে তনু হইলে তাপিত,
করিব যতনে তব শ্রম বিদূরিত ।

হইবে যখন, নাথ, দারুণ পিপাসা,
 স্নশীতল বারি ল'য়ে মিটাইব তৃষা ।
 ল'য়ে যাও দুখিনীরে আমি তব দাসী,
 নিকটে রহিব সেবা করি দিবানিশি ।

হায়রে দারুণ বিধি ! একি বিধি তোঁর !
 কেন রে কাড়িয়া নিলি হেন নিধি মোঁর ?
 বৈজয়ন্তু-ধামে বুঝি নন্দন-কাননে,
 সুরম্য সে হর্ষ্মাতলে রাজ-সিংহাসনে,
 বসাইয়া সম্ভাষণ করি সমাদরে,
 দেববালাগণ বুঝি ঢাঁড়াইবে ঘিরে ?
 মন্দার-কুমুমমালা যতনে গাঁথিয়া,
 সুরভি চন্দন ল'য়ে তাহে মাখাইয়া,
 পরাইয়া দিবে বুঝি গলদেশে হার,
 হৃদয়ের প্রীতি ল'য়ে দিবে উপহার ?
 বহিবে মূঢ়ল ভাবে সুরভি পবন,
 শরীরের শ্রান্তি নাশ করি অনুক্ষণ ।
 মুখরিত করি সেই নন্দন-কানন,
 স্ত-স্বরেতে গুণ গান গাবে পাখিগণ ।
 বনস্পতি ধরিবেক রাজছত্র শিরে ;
 পিপাসা করিবে দূর মন্দাকিনী-নীরে ।

কেশববাসনাবাণী স্বাগত সস্তাষি ।
রমারে লইয়া পাশে দাঁড়াবেন আসি ।
অনুচর হবে যত দেব-দূতগণ,
যোড়করে নত শিরে রবে অনুক্ষণ ।
মর্ত্যভূমি পরিহরি তাই কিহে নাথ !
তথায় যাইতে সাধ হ'ল অকস্মাৎ ?
না হইল মনোমত এই ধরাধাম,
শান্তিধামে গিয়া তাই লভিছ বিশ্রাম ?
যাব আমি তব কাছে আছি অপেক্ষায়,
ডাকিবে—“এসগো রাণী”—ছুটে যাব হায় !
ডাকিবে উচ্ছ্বাসভরে আকুল আহ্বানে,
নিবারিব এই জ্বালা সে চির মিলনে ।
এস, এস, এস, কাছে মম অঙ্গ-জ্যোতি ।
তোমারে ছাড়িয়া মম মলিন-মূর্তি ।
শুনিয়া সে ডাক আমি যাইব সেখানে,
মিলাইবে এই জ্যোতি তব শ্রীচরণে ।



শমনের প্রতি ।

শুনঃর শমন, করি নিবেদন, মম প্রাণধন দেহ আমারে ;
করি যোড় কর, হইয়া কাতর, প্রাণেশেরে রাখি যাওগো ফিরে ।
তঙ্করের বেশে, গৃহেতে প্রবেশে, হ'ল নাকি শঙ্কা তোমার মনে ?
আসি চুপে চুপে, বলনা কি রূপে, হ'রে নিলে মম হৃদয়-ধনে ।
হায় রে কৃতান্ত, মম প্রাণকান্ত, কদাচ তোমারে দিবনা আমি ;
তাহার বিহনে, রহিব কেমনে, হৃদয়ে রাখিব হৃদয়-স্বামী ।
ওরেরে নির্দয়, রবির তনয়, এই কিরে হয় তোমার বিধি ?—
আসি ধরণীতে, কাড়িয়া লইতে, আমার সর্বস্ব অমূল্য নিধি ?
ওরে ও তঙ্কর, একি ভয়ঙ্কর, অহো কি ভীষণ করিস্ কাজ !
করি চুরমার, হৃদয় সবার, শিরে হান হায় দারুণ বাজ ।
ওহে মহাকাল, বদন করাল, কোরনা ব্যাদান মুদিত কর :
করিওনা গ্রাস, ওহে মহেশ্বাস, নাথের জীবন প্রদান কর ।
করি ছিন্ন ভিন্ন, হৃদয় বিদীর্ণ, এ জীবন শূন্য করিলি হায় !
আসিলি লইতে, হায় আচম্বিতে, সহসা একিরে বুঝা না যায় ।
হায়রে দারুণ, তুই নিদারুণ, নাহি তোর মনে দয়ার লেশ ;
শোভিত সংসার, করি ছারখার, ল'য়ে যাও কোন্ অজানা দেশ ।
কোন্ মহাদূরে, বল কি নগরে, কোথায় তোমার বসতি হয় :
যাইয়া তথায়, বিস্মরি সবায়, আপন জনেরে ভুলিয়া রয় ।

নাহি পড়ে মনে, প্রিয় পরিজনে, নাহি পড়ে মনে অর্দ্ধাঙ্গী জায়া ।
না হয় স্বরণ, পুত্র কন্যাগণ, এ মর ভুবন—এ ঘোর মায়া ।
ধন্য ওরে কাল, তোর কুহজাল, করিয়া আবদ্ধ রাখ সবারে ।
আহা কি কুহকে, ভুলাইয়া লোকে, চিরতরে রাখ সে পরপারে ।
নিশ্চয় নিষ্ঠুর, করিলিরে চুর, হৃদয় আমার শতধা করি ।
করি উৎপাটিত, করিলি দলিত, জীবনের গ্রন্থি দিলিরে ছিঁড়ি ।
কেন রে অকালে, হরিয়াল হইলে, ওরে কাল একি বিষম গতি !
আম্মার এ ধন, করিতে হরণ, কেন বা তইল তোমার মতি ?
জান না কি তুমি, স্ত্রীলোকের স্বামী, জীবন-সর্বস্ব শরীরে প্রাণ ।
প্রাণ তাজি কায়া, রহে কিরে ছায়া, নাহি তোর দয়া নাহিরে জ্ঞান ?
মম প্রাণনাথে, এসেছ লইতে, কাহার আদেশে বলনা শুনি ?
নহে এ সময়, যাইতে তথায়, অসময়ে কেন ল ওরে টানি ?
জরাজীর্ণময়, এই তনু নয়, নাহিক ইতানে বান্ধিকা-লেশ ।
নহে বলহীন, লাবণ্যবিহীন, কন্দর্প জিনিয়া মোহন বেশ ।
হায় হায় হায়, কেন রে হেথায়, করিলি প্রবেশ নীরবে আসি ?
চির অন্ধকারে, রাখিয়া আমারে, মাথাটয়া দিলি তামসরাশি ।
জীবনের বাতি, ওরে প্রেতপতি, নিভাইয়া দিলি হইয়া বাদী ।
ও উজ্জ্বল আলো, দেরে মহাকাল, চরণে তোমার ধরিয়া সাধি ।
জীব-ধ্বংসকারি ! রে বিমানচারি ! পবনের বেগে আসিয়া হরা ।
ডুবাইলি হায়, তরি দরিয়ায়, সুখের পশরা ছিল যে ভরা ।

অকুল পাথারে, ডুবাঠিলি মোরে, ছুঃখ-পারাবারে না হেরি কুল ।
 শোভিত উদ্গানে, অনল প্রদানে, শুকাইলি হায় অকালে ফুল ।
 বিদরে হৃদয়, হেরি শূন্যময়, জীবন করিলি সাহারা মরু ।
 ছিন্ন করি লতা, করিলি দলিতা, ভাঙ্গিলি আমার সুখের তরু ।
 কি কহিব হায়, কথা নাহি যায়, প্রাণের জ্বালায় মরি যে জ্বলি ।
 অমৃত-ভাণ্ডার, শূন্য সে আধার, তাহাতে গরল ঢালিয়া দিলি ।
 শুন প্রেতপতি, করি এ মিনতি, আমারে সংহতি করিয়া লহ ।
 নতুবা নাথেরে, তুমি ল' ওনারে, মম প্রাণপতি ফিরায়ে দেহ ।
 হইব সঙ্গিনী, কেন একাকিনী, রহিব বহিব জীবন-ভার ?
 নাথ সহ মোরে, লও ত্বরা করে, সহিতে না পারি এ জ্বালা আর ।
 তুমি ধর্মরাজ, কর গায় কাজ, আমারে যাইতে কোরনা মানা ।
 তোমার সদনে, যাব ছুই জনে, একাকী নাথেরে কভু দিবনা ।
 তিষ্ঠ ক্ষণকাল, ওহে মহাকাল, তব সাথে যাব শুন শমন !
 যাব তব পাছে, মম পতি কাছে, কিবা ক্ষতি আছে কর বারণ ?
 সে চির মিলনে, লহরে দুজনে, নাথের বিরহে রহিতে নারি ।
 উন্মাদিনী হোয়ে, যাইব ছুটিয়ে, তব পাছে পাছে তোমার পুরী ।



অন্বেষণ ।

কোথা মম হৃদয়েশ বল সমীরণ !

অন্বেষিব তারে আমি করি প্রাণপণ ।

হে সমীর ! বল মোরে কোথায় দেখেছ তারে

মিলাটিয়া রেখেছ কি তোমাতে এখন,

প্রাণ-বায়ু সহ বায়ু করি সংমিলন ?

সুনীল নভোমণ্ডল ! জিজ্ঞাসি তোমারে—

আবরিয়া রেখেছ কি মম প্রাণাধারে ?

খোল খোল আবরণ হেরি সে জীবন-ধন

আবরিয়া রেখ না হে মম প্রিয়বরে ।

খোল আবরণ, আমি হেরি অাখি ভরে ।

বল দেখি সুধাকর ! সুধাটী তোমায়—

কোমুদী অমিয়রাশি মাখাটিয়া গায়,

রাখিয়াছ লুকাটিয়া সমরূপ নিরখিয়া

সুস্নাত করিয়া সদা অমিয়-ধারায়,

মিলিত করেছ কিহে ও উজ্জল ভায় ?

সুধাটী মিনতি করি সবে তারামালা !

বলিয়া নিবার মম প্রাণের এ জ্বালা—

রাগিয়া যতন করে রহিয়াছ সবে ঘিরে
 দাও ঘিরে নাথে সব দক্ষরাজ-বালা !
 আমারে বঞ্চনা করি ক'রনাক হেলা ।
 সর্বচক্ষুস্মান্ ওহে দেব দিবাকর !
 অবশ্য হেরেছ তুমি মোর প্রাণেশ্বর ।

তব চক্ষু এড়াইতে নারে কেহ কোনমতে
 জ্যোতিস্মান্ মৃতি সেই দীপ্ত তেজস্বর,
 অশ্বেষি নাথেরে আমি ভ্রমি চরাচর ।

গিরি-গুহা-নদ-নদী-বন-উপবন,
 তড়াগ-সরসী-নীরধারা-প্রশ্রবণ,
 নরভূমে কি প্রান্তরে নিভতে কিম্বা নগরে
 ভ্রমিব যে চরাচরে সদা সর্বক্ষণ,
 দেখি কেবা লুকাইতে পারে সে রতন ।

দেখিব তটিনী-তটে, বেলা-ভ্রমি পরে,
 ডুবিব জলধি-জলে খুঁজিতে নাথেরে,
 ফল, ফুলে, তরুবরে জিজ্ঞাসিব যোড়করে
 সুধাইব জনে জনে ধীরে, উচ্চস্বরে,
 অশ্বেষিব গিয়া শেষে অমর-নগরে ।

তুমি যে আমার ।

কেমনে রয়েছ ভলে ?—তুমি যে আমার ?

তুমি যে আমার প্রাণ জানত হে গুণবান !

জীবনসর্বস্ব তুমি, তুমি প্রাণাধার ।

তোমার বিহনে হায় হেরি যে অঁধারময়

দশ দিক্ শূন্য যে গে; তোমার বিহনে ।

কর পূর্ণ শৃঙ্গার দেখা দাও গুণাধার !

তুমি জীবনের সার—তুমি দেব ধানে ।

আকুল হ'তেছে মন কারে সদা ছনয়ন

বৈখ্য আর নাহি পারি করিতে পারণ ।

বারেক হেরিতে সাধ আমার হৃদয়-টাঁদ

বিপি কি সাধিয়া বাদ হরিল এ বন ?

দেখা দাও প্রাণসখা ! হৃদয়ে মূর্তি অঁকা

ক্ষণতরে দিয়ে দেখা জুড়াও জীবন ।

তোমার বিরহানলে সদা মম প্রাণ জ্বলে

নিভাঠির সে অনলে হেরি ও বদন ।

দেখা দাও প্রাণপতি কোরনা আর ছুর্গতি

এ দারুণ আলা প্রাণে কত দিবে আর ?

শুধু তব নাম স্মরি কাটি দিবা বিভাবরী
 ধ্যান জ্ঞান জপ তপ তুমি যে আমার ।

তুমি প্রাণ তুমি মুক্তি তুমি যে হৃদয়ে ভক্তি
 তুমি মম দেহে শক্তি তুমি সর্বময় ।

তুমি গুরু তুমি পূজ্য তুমি রাজা—হৃদিরাজা-
 আরাধ্য দেবতা তুমি, তুমি প্রেমময় ।

তোমা বিনা কি প্রকারে রহিব জীবন ধ'রে
 রাখিব এ ছার প্রাণ বল কি আশায় ?

আসিবে—এ আশা প্রাণে কে যেন এখনও কাণে
 বলে আসি ধীরে ধীরে আসিবে ভরায় ।

উন্মুক্ত হৃদয় দ্বার করি চাহি অনিবার
 আকুল নয়নে সদা চাহি অন্মনে ।

হ'য়ে নাথ উন্মাদিনী তব আশে গুণমণি
 ব্যাকুল অন্তরে বসি রহি শূন্যপ্রাণে ।

নিরাশায় অধোমুখে বসিয়া মনের দুখে
 উদ্বেগ উদ্ভ্রান্ত মনে হইয়া উন্মনা ।

অঁখি জলে গুণনিধি ভাসিতেছি নিরবধি
 বিবশা বিহ্বলা হ'য়ে সদাই বিমনা ।

কেন হ'য়ে বিস্মরণ হ'য়েছ কঠিন-মন
 তুমি স্নেহ-প্রশ্রবণ প্রেম-পারাবার ।

মালা

তুমি যে আমার

প্রাণ ভরা মমতায় করুণা উছলে তায়
 প্রেমের নিলয় তুমি, দয়ার ভাণ্ডার ।

হ'য়ে অঁাখি অনিমিত্ত হেরিতে চাহি ক্ষণিক
 হৃদয়ে মিলন-তৃষা জাগে অনুক্ষণ ।

মুখ-পানে চাহি রব অঁাখি নাহি পালটিব
 আর না ছাড়িয়া দিব মম প্রাণধন ।

হাসিয়া মধুর হাসি ছড়ায়ে অমৃতরাশি
 দেখা দাও গুণনিধি সরল সুন্দার

বীণার বঙ্কত সুরে কহি কথা ধীরে ধীরে
 তুলিয়া ললিত তানে সুধার লহর ।

আমার হৃদয়-বীণা বাজিতে সুর মূর্চ্ছনা
 বাজিতে পরাণে মোর সাতানার সুরে ।

বেহাগ বসন্ত রাগে সদা এ হৃদয়ে জেগে
 বাজাতে মোহন বাঁশী তুমি যে সুস্বরে ।

উচ্ছ্বসিত হ'ত প্রাণ শুনি সে ললিত তান
 উছলিয়া বহাইতে সুখের নিব্বার ।

চপল সে অঁাখি তারা করিত পাগল পারা
 মরতে করিতে তুমি অমর-নগর ।

তুমি যে সুখের স্মৃতি স্মরি আমি দিবারাতি
 স্মরি সে সোহাগ-প্রীতি-প্রেম-আলাপন ।

তুমি জীবনের গতি তুমি সব প্রাণপতি
তোমা বিনা কি দুর্গতি কর দরশন ।

তুমি প্রাণ আমি কায়া তুমি মূর্তি আমি ছায়া
তুমি মন শিরোমণি, হে শিরো-ভূষণ !

জীবনের শান্তি-বারি তুমি যে ছিলে আমারি
ধরম করম তুমি ভজন পূজন ।

দারুণ আতপ-তাপে সুশীতল বারিরূপে
স্নিগ্ধ করি এ জীবন ছিলে তুমি নাথ !

না মিটিল মম ভ্রুবা না মিটিল কোন আশা
অকালে শুকাল নার হায় অকস্মাৎ !

যেরূপ অশ্বর পর শোভে নব জলধর
ঢালি বারি নিরন্তর ত্রিতায় মেদিনী ।

তুমি সে জলদ সম প্রেম-ধারা প্রিয়তম
ঢালিতে পরাণে মম দিবস রজনী ।

শারদ পূর্ণিমা নিশি হাসে যবে দশ দিশি
নালিম গগনোপরি শোভে সুধাকর ।

তুমি যে শরৎ চাঁদ ললিত মোহন ছাঁদ
ছড়াইতে প্রাণে মোর সুধার লহর ।

সাজিয়া মোহন সাজে বিরাজিতে হৃদি মাঝে
পূর্ণিমা নিশীথে তুমি শরতের শশী !

হেমন্তে বাঁশরী তানে বাজিতে আমার প্রাণে
ভাগ্যদোষে সে বাঁশরী হ'ল হায় অসি !

ছরন্ত শীতের কালে সুখ-রবি তুমি ছিলে
সেই রবি অস্তমিত হয়েছে আমার ।

অঁধার করিয়া ছাদি চলি গেছ গুণনিধি
পুনঃ কি সে সুখ-রবি ভাতিবে না আর ?

বসন্ত-মলয় মত বহিতে যে অবিরত
ছড়ায়ে সুরভি শ্বাস করিতে ভ্রমণ ।

কোকিলের কুন্তানে মাতাইতে মন প্রাণে
করি সে পঞ্চম তানে কাকলি কূজন ।

বাসন্তী মধুর নিশি পরাণে রহিতে মিশি
পাপিয়ার পিউতান বাঁশরী বাদন ।

বউ কথা কও স্বরে সাধিতে বিনয় করে
জাগাইয়া দিতে প্রাণে প্রেমের স্বপন ।

আমার মানসাকাশে প্রণয়-জ্যোতি বিকাশে
করিয়া উজল ছাদি রহিতে সদাই ।

তুমি রও সকলেতে সকলের সুখ হিতে
মধুর মিলন তুমি দম্পতির ঠাই ।

তুমি সুখ তুমি আশা তুমি প্রেম ভালবাসা
বাসনা কামনা তুমি, তুমি আকিঞ্চন ।

তুমি যে আমার ।

মালা

কুসুম তুমি কাননে ওয়েসিস্ মরুভূমে
সুবাস বিতর তুমি সুরভি চন্দন ।

তুমি সকলের মধু ছিলে তুমি প্রাণবঁধু
তুমি সকলের প্রাণ সবার জীবন ।

তুমি যে অঁখির তারা তোমাতে হইয়া হারা
উন্মাদ পাগল পারা হয়েছি এখন ।

এক সূত্রে দুই প্রাণ ছিল নাহে ব্যবধান
কেন সে মিলন-গ্রন্থি বিচ্ছিন্ন করিলে ?

হৃদি-গ্রন্থি ছিন্ন করি রয়েছ মোরে পাশরি
অজানা সে কোন্ দেশে গিয়াছ হে চলে ?

হইয়া পাষণ সম রহিয়াছ প্রিয়তম
পাশরিয়া সেই প্রেম রহিয়াছ ভুলে !

জীবনের পরপারে মিলিব দৌহে সহরে
রব তথা চিরতরে সে চির কুশলে ।



তথা প্রাণপতি করেন বসতি

তাঁহার সংহতি দেহ মিলায়ে ।

বিনা মম স্বামী ওহে অনুর্যামী

কেন বা হে আমি রব বাঁচিয়ে ?

বহুদিন মোরে পাঠায়ে সংসারে

বাঁধিয়াছ জোরে কি ঘোর ফাঁসে ।

সংসার কারায় রাখিয়াছ হায়

মায়ের মায়ায় স্নেহ পরশে ।

জননীর স্নেহ আবরিয়া দেহ

রাখে অহরহ একান্ত মনে ।

তথাপিও হরি ! দুখে না পাশরি

সদা জ্বলে মরি পতি বিহনে ।

দিছিলে স্বামীর প্রেম সুগভীর

স্নেহ ভালবাসা হৃদয় ভরি ।

তাহাতে ভুলিয়া বিভোর হইয়া

তোমারে ভুলিয়া ছিলাম হরি !

ক'রেছ চরণ সে সুখ এখন

তোমার চরণ হ'য়েছে সার ।

আর কেন তবে রাখ মোরে তবে

যাইব নীরবে সাধ আমার ।

নয়ন-রঞ্জন পুত্র কন্যাগণ
 তাগতে এ মন আকৃষ্ট নয় ।
 ল'য়ে ও পুতুল খেলিতে ব্যাকুল
 মোহেতে আকুল মন না হয় ।
 দুঃখেতে জড়িতা শোকে অভিভূতা
 আছে তব স্মৃতা সদাই শায় !
 এ দুঃখে পড়িয়ে অতলে ডুবিয়ে
 তোমারে ভুলিয়ে সতত রয় ।
 দাও দিব্য জ্ঞান কর পরিত্রাণ
 ও পাদেতে স্থান দাওহে মোরে ।
 সদা সর্বক্ষণ যেন মম মন
 তব ও চরণ ভজিতে পারে ।
 ওহে সারাৎসার এই যে সংসার
 সকলি অসার এ নাটালীলা ।
 তুমি মূলাধার তব পদ সার
 খেল অনিবার এ ভব-খেলা ।
 এ ভব সংসারে পাঠায়ে সবারে
 মোহে মত্ত ক'রে রাখহে ভবে ।
 ভুলি ও চরণ রহে সর্বক্ষণ
 জড় অচেতন যেন হে সবে

ভ্রমে একবার না ভাবে তোমার
এ বিশ্ব সংসার মায়া-কানন ।
লইতে পরীক্ষা দাও এই শিক্ষা
মায়া-মন্ত্রে দীক্ষা করছে দান ।

দাও বাঁধি ঘর রচিয়া সুন্দর
বাসনা বিস্তর তাহাতে রহে ।
করি খান খান সে সুখের স্থান
কর অবসান সে সুখ মোহে ।

যথা পক্ষিগণ হ'য়ে হৃষ্টমন
রজনী যাপন কাননে করে ।
সেই রূপ নরে রহে পরম্পরে
সুখে কাল করে ভব-কাস্তারে ।

হোয়ে অন্ধ নর রহে নিরন্তর
ভ্রম-অন্ধকার-কূপের মাঝে ।
কৃপা-রজ্জু দিয়ে লওহে তুলিয়ে
রেখোনা ফেলিয়ে এ হেন সাজে ।

পতিতপাবন ! এই নিবেদন
ও পদে এখন দাও হে স্থান ।
ওহে বিশ্বপতি ! করিহে মিনতি
করছে স্মৃতি আমারে দান ।

তাপিতা ।

দীনবন্ধু ! দীননাথ ! ডাকে দীনহীনা—
 জুড়াও এ তাপিতারে বিতরি করুণা ।
 জ্বলে প্রাণ নিশি দিন বিষম জ্বালায় ।
 আবদ্ধা রহিয়া সদা নিয়তি কারায় ।
 বিরহ-ব্যথিত প্রাণ বিকৃত বিরসে ।
 তোমারে না স্মরি কভু হয় ভ্রম-বশে ।
 ধ্যান জ্ঞান জপ তপ ভজন পূজন—
 হইয়াছে সার মম, নাথের চরণ ।
 ভরিয়া র'য়েছে প্রাণে তাঁহার মূর্তি ।
 তাহাতে তোমার স্থান নাহি জগ'পতি ।
 জ্ঞানজ্যোতি প্রদানিয়া এ অভাগী জনে ।
 বিদূরিত কর এই মোহ প্রলোভনে ।
 নাহি পারি ভুলিবারে সেই সুখ-স্মৃতি ।
 অভিনব বেশে দেখা দেয় দিবা রাতি ।
 একবার ভ্রমে কভু না ভাবি তোমারে ।
 সতত আকুল প্রাণ হেরিতে নাথেরে ।
 অনিত্য এ সংসারের নাট্য অভিনয়ে ।
 অভিভূত হ'য়ে প্রাণ রহে কি লাগিয়ে ?

শান্তিময় ! শান্তি বারি দন্ধ প্রাণে ঢালি,
জুড়াও এ আলা মম, কাতরেতে বলি ।

অনুরাগ ।

মনে পড়ে সেই দিন প্রথম তোমার
হেরিলাম আমি নাথ মোহন মূর্তি ।
জানিনাক করে বলে প্রেমের ব্যাপার,
তখন বালিকা আমি সুকোমলমতি ।

সবিস্ময়ে অনিমেবে চাহি মুখপানে,
ভাবিলাম যেন কোন দেবের কুমার ।
ঈশ্বর গড়েছে ইহা কোন্ উপাদানে ?
হয়নি তখন মনে প্রণয়সঞ্চার ।

জানিনাক করে বলে প্রেমের বন্ধন ;
পবিত্র দাম্পত্য বিধি হয় নাই জ্ঞান ।
বালিকা তখন আমি খেলাতে মগন,
জানিনা কাহারে বলে দান প্রতিদান ।

জানিনাক বিধাতার এ ঘোর চাতুরি,
জানিনা কাহারে বলে হারাণ হৃদয় ।
জানিনা তখন কোন কাজ লুকোচুরি,
• তথাপি অজ্ঞাতে হ'ল প্রাণ বিনিময় !

ভাবিলাম পরমেশ নিজ করে করি,
সযতনে লয়ে বুঝি উপাদান যত ;
প্রকাশিতে শিল্প নিজ করি কারিকুরি,
গড়েছেন তোমারে যে করি মনোমত ।

হেরিনু হইয়া আমি হরষে বিহ্বল,
রহিলাম স্থির ভাবে পুতুলের প্রায় ।
না হ'ল তখন মম নয়ন চঞ্চল ;
অনিমিষে হেরিলাম সাধ যত যায় ।

কি হেরিনু কি সুন্দর সে রূপ ললিত !
কি হেরিনু অপরূপ সৃষ্টি বিধাতার !
বালিকা-কোমল-মন হ'ল বিগলিত,
না ফেলি পলক অঁাখি চাহি অনিবার ।

তুমিও সতৃষ্ণনেত্রে মোর মুখ পানে,
চেয়ে ছিলে স্নেহ-ভরে হে সরলমতি !

মিলিল যে দোঁহাকার নয়নে নয়নে,
সে চাহনি আজো মনে পড়ে দিবারাতি ।

বালিকা সরলমতি তথাপি আমার
হঠল সে অঁখি হেরি আকুল এ মন !
কি যে কি সে মোহশক্তি নয়নে তোমার !
জানিনা কি শর প্রাণে বিঁধিল তখন ।

ফিরাইতে নারি অঁখি আর কোনমতে,
আসিতে চাহেনা ফিরে আর যে চরণ ।
ভাবিলাম হেন রূপ নাহিক জগতে ;
অপূর্ব এ দেবমূর্তি বিধির গঠন ।

মনে পড়ে সেই রূপ প্রতি পলে মোর ;
মনে পড়ে সেই তব সরল চাহনি ।
পড়ে মনে সেই রূপ নবীন কৈশোর,
অক্ষুট মুকুল সম সেই মুখখানি ।

ছিল না তখন মনে এ প্রেম-পিপাসা,
ছিল না তখন মনে প্রণয়ের জ্বালা ।
তথাপি আসিল যে গো প্রাণে ভালবাসা,
বাসিলাম ভাল আমি বালিকা সরলা ।

কি জানি কি ক্ষণে সেই প্রথম মিলন !
 কি জানি কি ক্ষণে আমি হেরিছু তোমায় !
 আজো মনে পড়ে সদা সেই শুভক্ষণ ।
 সে বাল্য প্রণয়-স্মৃতি অতি মধুময় ।

নবীন হৃদয়-ভূমি না ছিল খনন ;
 হইল যে ভালবাসা-বীজ অঙ্কুরিত ।
 আমার হৃদয়-ক্ষেত্রে করিলে বপন,
 করিলে যে তুমি নাথ সে ভূমি কষিত ।

শরৎ সে শুভ কাল, সারদীয়া পাশে,
 তোমাতে নিরখি আমি সেই শুভ ক্ষণে ।
 এসেছিছু পিতা সনে মনের উল্লাসে,
 প্রণাম করিতে দশভূজার চরণে ॥

স্নেহময় জনকের স্নেহ-তরুতলে,
 রাখিতেন সদা মোরে আদরে সাজায়ে ॥
 হরিতাম সুখে দিন জননীর কোলে,
 আজো মনে সুখ পাই সে দিন স্মরিয়ে ।

সাজিয়া পিতার সনে বালকের বেশে,
 ফিবিলাম নানা স্থানে সারি নিমন্ত্রণ—

আসিনু হেথায় আমি ঘুরি অবশেষে,
পরিবারে জীবনেতে এ চির বন্ধন ।

হেরিলাম দশভুজা বরাভয় করে,
বিরাজিতা র'য়েছেন রম্য হর্ষ্যোপর ।
পুরোহিত মন্ত্র পাঠ করে উচ্চৈঃস্বরে,
সবে তথা দাঁড়াইয়া রহে যুড়ি কর ।

বসি তথা একমনে স্তিমিত নয়নে,
বসিয়াছিলেন ধীর প্রশান্ত মূরতি ।
রাজচক্রবর্তী পিতা বিদিত ভুবনে,
ধানমগ্ন র'য়েছেন হৃদয়ে ভকতি ।

ক্ষণপরে চাহিলেন, বিশাল নয়ন
স্নেহভরে মম প্রতি উত্তোলন করি,
করিলেন মোর প্রতি স্নেহ সস্তাষণ,
বসালেন পিতৃদেব জানুর উপরি ।

বলিলেন “এস এস মা লক্ষ্মী আমার !
হবে মম পুত্রবধু আদরে গৃহীতা ।
শুধাইব কিবা ইচ্ছা পিতারে তোমার,
অমূল্য ভূষণে তোরে করিব ভূষিতা ।

বড় সাধ হ'ল মাগো হেরিয়া তোমারে ;
মনের বাসনা যত উঠিল জাগিয়া ।
পুত্রবধু করি তোরে আনিব মা ঘরে,
পুত্র সনে করি তোরে পরিণয়-ক্রিয়া ।

দেখ চেয়ে ওমা ফিরে দেখ তব বর ;
মনোমত হ'ল কিনা বল গো মা শুনি ।
শোভিত করিবে তুমি আসি মম ঘর,
আশীর্বাদ করি তুমি হও রাজরাণী ।”

মম পিতা কহিলেন “বাড়িল যে বেলা ;
গৃহে ফিরিবার কাল বহিয়া যে যায় ।
নবনীত দেহে ছুঃখ পাবে মম বালা,
আসিয়া কহিব কথা আমি পুনরায় ।”

কহিলেন বাধা দিয়া স্বশ্রীদেব মম :
“হয়নি কি মনোমত তনয়ে আমার ?
কেন বা যাইতে চাহ সোদরপ্রতিম ?
বিবাহ নাহি কি দিবে তব তনয়ার ?”

শুনিয়া এ বাণী পিতা কহিলেন হাসি—
“একি কথা মহারাজ ! ইহা কি সম্ভব ?

মনোমত ধন এই নিষ্কলঙ্ক শশী—
হইবে কুমার সহ বিবাহ উৎসব ।

মিলিয়াছে নাম সহ দেখি শিষ্টাচার,
বিনয় স্নেহ ধীর সুবোধ বালক ।
রূপে গুণে কুলে শীলে ভূষিত কুমার,
হইবে এ রাজকুল-ললাটে তিলক ।

বড় আদরের মম স্নেহের কলিকা
হৃদি বৃন্তে ফুটিয়াছে আলোকিত করে ;
ইহারে অর্পিব মম স্নেহের বালিকা
বরিব জামাত-পদে ইহারে সাদরে ।

হেরিয়াছি কত শত বালক কৈশোর,
হেরিয়াছি যুবা বৃদ্ধ কত বা না জানি ।
ইহারে হেরিয়া মন দ্রবীভূত মোর,
নেহারিয়া কুমারের সরল চাহনি ।

মানস উত্তানে মম ফুটিয়াছে ফুল,
সুসৌরভ বিতরিছে ভবনে আমার ;
মিলালেন বিধি আজি তার সমতুল,
এ তরু-তমালে শোভা হবে লতিকার ।

এক বৃন্তে দুটি ফুল ফুটিবে যখন,
মন্দার কুসুম সম ছুটিবে সৌরভ ।
স্বর্গীয় বন্ধনে বন্ধ হবে দুই জন,
মরতে অমরাপুরী হবে অনুভব ।

জীবন-খনিতে মোর তনয়া রতন,
করিতেছে আলোকিত সমুজ্জ্বলভাবে ।
মিলিবে তখন হ'তে যুগল রতন,
এক গ্রন্থি দুটি মণি গ্রথিত করিবে ।”

হাসিয়া কহেন তবে স্বর্গদেব মম—
“করে ধরি লয়ে যাও, অন্দরমহলে ।”
লাজভরে মম হাত ধরি প্রিয়তম !
পিতৃ আজ্ঞা শিরে ধরি আনন্দে চলিলে ।

হেরিলাম অন্তঃপুরে পুরবালাগণ,
আমা দোঁহাকারে হেরি হুলাহুলি করে ।
সবে বলে—দেখি ক'নে হ'য়েছে কেমন,
বসাইয়া দিল মোরে তব অঙ্কোপরে ।

রজত-আধারে রহি সে অমৃতাধার,
মনোরঞ্জনের রূপে সে মনোরঞ্জন,

কি মনোরঞ্জন তবে করি দৌহাকার
করিল সে সুখা চির পবিত্র জীবন ।

তাম্বুল লইয়া করে কহে সব নারী—
কর সবে সমাদরে ইহা বিনিময় ।
মনোহরা হরিয়াছে মন ছুজনারি,
রঞ্জিত তাম্বুল রাগে কর ওষ্ঠদ্বয় ।

কি জানি কি শুভক্ষণে সে অমৃত সহ,
লইলু অমৃতস্বাদ এ জনম লাগি ।
এখন অনল প্রাণে জ্বলে অহরহ,
আদরিণী হইয়াছে দুঃখিনী অভাগী ।

গৃহে ফিরি পিতাসনে, হারাটয়া মন,
বিকাইয়া এ হৃদয় নিকটে তোমার ;
অজ্ঞাতে তোমার করে সঁপিয়া জীবন,
শূন্য হৃদি লয়ে গৃহে ফিরি পুনর্ব্বার ।

সর্ব্বদাই উড়ু উড়ু করে যেন মন ;
খেলা ধূলা হাসি ভাল নাহি লাগে মনে ।
সদাই অশ্বেষি যেন চমকিত মন,
যেন কি অভীষ্ট-দ্রব্য মনোমত ধনে ।

খেলিবার সাথী যেন এসেছি ছাড়িয়া,
নাহি হয় খেলা শেষ সে সাথী বিহনে ।
আহারে বিহারে সুখ না পাই খুঁজিয়া,
না হয় সুস্থির চিত্ত রহি আন্মনে ।

বালিকা কোমলমতি তবু কেন হয়,
ব্যাকুলিত তব লাগি দিবানিশি মন ?
তোমারে হেরিতে যেন সদা আঁখি চায়,
তোমার বিহনে যেন নীরস জীবন ।

প্রজাপতি একি খেলা খেলেন নীরবে !—
কোমল হৃদয় বিদ্ধ করি তাঁর শরে,
নাহি জানে কোন জ্বালা যেই বালী ভবে,
তাহারে বধেন তিনি সে শর প্রহারে ।

কি মধুর সুখময় সে পবিত্র স্মৃতি !
সেই বাল্যসুখস্মৃতি অজানা প্রণয় !
যে অনলে দগ্ধ এবে হই দিবারাতি,
সে স্মৃতি স্মরণে কিছু প্রশমিত হয় ।

নাহি জানিতাম মনে ভাঙ্গিবে কপাল—
নাহি জানিতাম মনে হারাব এ নিধি—

জীবনের সঙ্গী মম হরিয়াছে কাল,
হায়রে দারুণ বিধি ! একি তব বিধি ?

জীবনের সেই দিন ।

জীবনের সেই দিন জাগে মনে পুনরায়,
যেই স্মৃতি রহিয়াছে ব্যাপি এ হৃদয় হায় !
যে শুভ মুহূর্ত্তে হায় জীবনের এ সংগ্রাম,
করিতে হ'য়েছি রত চলিতেছি অবিরাম ।
সন্ধিবিচ্ছেদের হায় মধ্যস্থলে দাড়াইয়া,
উৎসর্গ করিনু প্রাণ আপনারে বলি দিয়া ।
কর্তব্যের সে কঠিন শৃঙ্খল পরিয়া পায়,
করিলাম আত্মদান বিকাইনু আপনায় ।
পিতা-মাতা-হৃদয়ের কুসুম-কোরক প্রায়,
পড়িবে ঝরিয়া তাহা অকালে শুকাবে হায় !
নাহি জানি সেই দিন বহিব এ দুঃখ-ভার ;
দহিবেক সদা হৃদি হইবেক ছারখার !
হইবে যে এ জীবন শুষ্ক মরু সাহারার !
যাইবে সকল সাধ রবে শুধু হাহাকার !

জানি না তখন আমি জীবন বিষাদময় ;
 এত দুঃখ কাতরতা তাহাতে ভরিয়া রয় ।
 রহিবে অনল-রাশি ভস্ম-বিলেপিত কায়,
 দহিবে সে অবিরত এ সারা জীবন হায় !
 শুভ বিবাহের দিন উল্লাসে আকুল প্রাণ,
 নাহি জানি কোন দুঃখ সদা সুখ এই জ্ঞান ।
 নাহি জানি সংসারের দুঃখ জ্বালা অনুভব ;
 মধুর এ ধরাতল মধুর হেরিছু সব ।
 নব প্রাণে নব আশা করিলাম সংস্থাপন ;
 বিবাহ উৎসবে মগ্ন হইল যে মম মন ।
 নাহি জানি বিবাহের শুভাশুভ পরিণাম ;
 নাহি জানিতাম মনে বিধি মোরে হবে বাম ।
 জানিতাম রব সুখে সমভাবে চিরদিন ;
 রহিব ফুটিয়া সদা হব না কভু মলিন ।
 রাখিতাম হৃদয়েতে কত প্রেম কত আশা ;
 সমগ্র হৃদয় ভরি অফুরন্ত ভালবাসা ।
 বাসিতাম ভাল আমি প্রাণ ভরি সেই ক্ষণে,
 নিবেদিচু প্রাণ মন প্রাণেশের সে চরণে ।
 অতীতের সুখ স্মৃতি জাগে মনে পুনর্ব্বার ;—
 ফুলময় সেই বেশ গলদেশে ফুলহার ।

চন্দনচর্চিত ভালে মাথায় শোভে টোপর ;
গলে দোলে ফুলমালা পরিধান রক্তাশ্বর ।
প্রাক্‌গের মধ্যস্থলে দাঁড়াইয়া হ'য়ে স্থির,
অচঞ্চল আঁখি তারা অবনত করি শির ।
করিতেছে হ্রলুধ্বনি যত পুরনারীগণ ;
হইতেছে শঙ্খরব ভেদিত করি গগন ।
ঘোষিতেছে শুভ বার্তা-ধ্বনি দিক্‌ দিগন্তর,
মুখরিয়া অট্টালিকা উঠিতেছে সেই স্বর ।
বিজয়ের পাঞ্চজন্য যেন বাজে এ সময়,
অধিকার করিবারে বালিকার সে হৃদয় ।
শোভিতেছে চন্দ্রাতপ করিতেছে ঝলমল,
শত শত আলোকেতে করিছে পুরী উজ্জল
বাজিছে সাহানা সুরে নহবৎ আঙ্গিনায়,
সে সুর বাজিল তবে মম এ হৃদি-বীণায় ।
কহিতেছে রামাগণ আহা কি সুন্দর বর,
মিলিয়াছে মনোমত রূপে গুণে মনোহর ।
কত জন্ম জন্মান্তর পূজিয়া ভবানীপতি,
সাধনার এই ধন লভিয়াছে আজি জ্যোতি ।
নবীন কৈশোর রূপ বদনে মধুর হাসি,
গগন ত্যজিয়া যেন ভূতলে উদয় শশী ।

করে তবে স্ত্রী-আচার যত পুরবালাগণ,
 ভলাভুলি শঙ্খ-ধ্বনি করিতেছে ঘন ঘন ।
 বাজিল মঙ্গল বাজ গাইল মঙ্গল গীত,
 ঘোষিল মঙ্গল রোল করি দিক্ মুখরিত ।
 বাজিল সাহানা সুরে নহবৎ পুনরায় ;
 ক'নে আন বলে সবে সময় বহিয়া যায় ।
 আইলাম তব পাশে প্রীতি-প্রফুল্লিত মনে,
 আনমিত রহে অঁখি বদন ঢাকি বসনে ।
 ঝাঁপিল সে রক্তাস্বর ঢাকিয়া মোদের কায় :
 শুভক্ষণে দেখ দেখি কহে সব মহিলায় ।
 তখন হইল সেই চারি চোখে সম্মিলন ;
 কি শুভ মাহেন্দ্রক্ষণে হেরিলাম সে বদন ।
 মরি কি ললিত রূপ কমনীয় মনোহর !
 ভুলিলাম মজিলাম সঁপিলাম এ অন্তর ।
 বালিকা সরলমতি নাহি সরমের দায় :
 গোপন চাতুরি ছলা নাহি ছিল এ হিয়ায় ।
 কমনীয় বরবপু চিত্ত-উন্মাদনকর,
 হেরিলাম অনিমেঘে সেই রূপ মনোহর ।
 না পড়ে পলক অঁখি নাহি রহে বাহু জ্ঞান ;
 হারাইয়া আপনারে বিকাইলু মন প্রাণ ।

তুমিও মধুর হাসি হাসি তবে প্রাণময় !
চেয়েছিলে মুখপানে ঢালি প্রীতি সমুদয় ।
প্রেম অনুরাগ ভরে চাহিলে যে প্রাণাধার !
করিল সে অঁাখি ছুটি এ হৃদয় অধিকার ।
শত আকাজ্জ্কার ছবি ফুটে ছিল বদনেতে ।
প্রণয়ের শ্রোত যেন উছলিল নয়নেতে ।
হৃদয়েতে ভরা ছিল প্রীতি প্রেম ভালবাসা—
চাহিলে আমার পানে লয়ে প্রাণে কত আশা ।
ভাসিনু হরষে আমি লভি সেই প্রতিদান ।
হৃদয়ের বিনিময় করিনু হৃদয় দান ।
মানস দর্পণে হ'ল প্রতিবিশ্ব প্রতিভাত ।
সেইরূপ আজ মনে জাগিতেছে দিবারাত ।
সুমধুর মধুনিশি চন্দ্রালোকে উদ্ভাসিত ।
কলকণ্ঠে গাহে পিক্ করি দিক্ মুখরিত ।
বহিল যে য়ুছ য়ুছ মধুর দখিণা বায় ।
ফুটি' রহে নানা জাতি সুরভি কুসুমচয় ।
পুলকে পূর্ণিত প্রাণ হইল যে দৌহাকার ।
নয়ন নীরব ভাষা প্রকাশিল অনিবার ।
নয়নে নয়নে হ'ল এ হৃদয় বিনিময় ।
কত প্রেম ভালবাসা সে নয়নে ভরি রয় ।

অধরে মধুর হাসি ক্ষরিতেছে সুধা তায় ।
 কুন্দ পুষ্প দশনেতে রক্ত রাগ আভাময় ।
 হইয়া আপনা হারা হেরিলাম সে বদন ।
 সঁপিছু প্রাণেশ করে চির তরে এ জীবন ।
 ভাসিলাম সুখনীরে আনন্দে উৎফুল্ল কায় ।
 ভাসি আজি দুঃখনীরে করিতেছি হায় হায় !
 বাঁধিল সুদৃঢ় করি পবিত্র দাম্পত্য ডোর ।
 প্রণয় প্রেমের ফাঁসি হইল জীবনে মোর ।
 কোথা সেই হৃদয়েতে আনন্দ ভরা উচ্ছ্বাস ?
 হৃদয়েতে ভরা এবে রহে সদা শোকোচ্ছ্বাস !
 কোথা সেই সুখ সাধে পুলকে পূরিত প্রাণ ?
 কোথা হায় হৃদয়েতে শত আশা গাহে গান ?
 কোথা সেই নয়নেতে নব রাগ বিকশিত—
 অনুরাগে রহিত যে লাজ-ভরে আনমিত ?
 কোথা সেই জীবনের চিরস্মরণীয় ক্ষণ ?
 পরিলাম জীবনেতে এ দৃঢ় চির বন্ধন ।
 দিবানিশি করে হায় নয়নেতে অশ্রুজল !
 নিরাশার বিদ্রুপেতে দহে প্রাণ অবিরল—
 হইয়াছে এ জীবন নাথ বিনা অন্ধকার ।
 তাপিত এ প্রাণে সদা উঠিতেছে হাহাকার ।

কোথা সেই বিবাহের শুভ সে মঙ্গল গীত ।
মাঙ্গলিক শুভকার্য যাহা আছে প্রচলিত ।
অমঙ্গল অশুভের করি সদা আয়োজন—
অমঙ্গল সাধিবারে যাপিতেছি এ জীবন ।
অমঙ্গল হেতু নাথ ! হইলাম তব আমি—
তারাইলু অভাগিনী আরাধ্য-দেবতা স্বামী !
শত সাধনার ধন বাঞ্ছনীয় সে রতন—
নারিলাম রাখিবারে বৃথা মম এ জীবন ।
জ্বলে প্রাণ দিবাदिशि হৃদয় জ্বলিয়া যায়—
দহিতেছে মন মম—দহিতেছে সদা কায় ।
সহিতেছি যে যাতনা কহিব কাহারে হায় !
নিবেদিব নীরবেতে কাতরেতে বিভূ-পায় ।



বাসর ।

মিলন-রজনী সেই বিবাহ-বাসরে—
 প্রবাহিত সুখস্রোত কি উচ্ছ্বাস ভরে !
 জ্যোৎস্না-পুলকিত সেই বিমল যামিনী—
 পুলকিত দশদিশি হাসিছে ধরণী ।
 সুমন্দ মলয় তবে বহিল তখন ।
 কুমুম সুরভি ল'য়ে করি বিতরণ ।
 মুখরিয়া দশদিক্ কল কণ্ঠ তানে ।
 শুভগীত গাহে পিক আকুল পরাণে ।
 সুধাকর ঢালে সুধা যেন শতধারে—
 সুধাসিক্ত ধরাতল হেরি সুধাকরে ।
 রহিলাম তব পাশে হরিষ অন্তর—
 হেরি সে ললিত রূপ সূঠাম সুন্দর—
 হৃদয়ে বহিল হায় সুখের লহর ।
 লভিয়া বাঞ্ছিত ধন মনোমত বর ।
 বসিলাম তব পাশে প্রফুল্লিত মনে ।
 আনন্দ উচ্ছ্বাস যেন উছলে নয়নে ।
 রক্তবস্ত্রে আবরিয়া রাখিল বদন ।
 শোভে গায় মণিমুক্তা নানা আভরণ ।

গলদেশে ছিল মম কুসুমের হার ।
লইয়া পরিলে গলে ওহে প্রাণাধার !
কুসুমের হার সহ মম এ হৃদয়—
উৎসর্গ তোমার করে হ'ল প্রাণময় !
মধুর সে মধুনিশি মধুর মিলন—
হইল যে চির তরে এ চিরবন্ধন !
নাহি জ্ঞান ছিল মনে দাম্পত্য-প্রণয় ।
তথাপি হইল হায় প্রাণ-বিনিময় ।
নবীন কিশোর তুমি প্রেমে ভরা প্রাণ ।
করেছিলে প্রেম ভরে প্রাণ প্রতিদান ।
মৃদু মৃদু সুধারাশি অধরে বিকাশি ।
অনিমিশে মম প্রতি চেয়েছিলে হাসি ।
তুষিত আকুল নেত্রে উচ্ছ্বাস অন্তরে—
বালিকার সে হৃদয় অধিকার তরে ।
কহিলে যে নয়নের নীরব ভাষায়—
প্রতিদান তব প্রাণ করলো আমায় ।
আকুল হইল প্রাণ সে সঙ্কেত হেরি,
হৃদয়ে স্থাপিনু হায় মূরতি তোমারি ।
আমিও ঈঙ্গিতে তবে দিনু প্রত্যাত্তর—
এ হৃদয় প্রাণ মন লহ প্রাণেশ্বর !

সরলা বালিকা আমি কিছু নাহি জানি ।
 গোপন চাতুরি ছলা ওহে গুণমণি !
 পুলকেতে ভরা প্রাণ হৃদয়ে উচ্ছ্বাস ।
 পূরিল হৃদয়ে যাহা ছিল অভিলাষ ।
 কিছু দিন হতে হায় হৃদয়-মন্দিরে ।
 রেখেছিল তব মূর্তি প্রতিষ্ঠিত ক'রে ।
 মানস-দর্পণে লয়ে তব প্রতিকৃতি ।
 নীরবেতে পূজিতাম ওহে প্রাণপতি !
 হেরিয়া নিকটে সেই ঈঙ্গিত-রতন—
 যে মূর্তি হৃদয়েতে জাগে অনুক্ষণ ।
 হইলাম সুখনীরে হায় নিমজ্জিতা ।
 পাইয়া বাঞ্ছিতনিধি অভীষ্ট-দেবতা !
 সে সুখ বাসরসজ্জা আজ জাগে মনে ।
 সম্মিলিত হইলাম দৌহে প্রাণে প্রাণে ।
 কোথা সেই সুখ-দিন গিয়াছে চলিয়া !
 আছে সেই স্মৃতি সুধু হৃদয় ব্যাপিয়া ।
 কি সুখের সে রজনী বিবাহ-বাসর !
 পুরবালাগণ সবে হরিষ অন্তর ।
 জ্বলিতেছে শত বাতি রজত আধারে ।
 সুশোভিত সেই গৃহ আলোকিত করে ।

সুসজ্জিত স্তরে স্তরে কুসুম নিকর—
গন্ধবহ সে সুগন্ধ বহে নিরন্তর ।
সুবিস্তৃত চারি দিকে কুসুমের রাশি ।
ভ্রমিতেছে রামাগণ সৌন্দর্য্য বিকাশি ।
আনন্দেতে সকলের হৃদয় বিভোল ।
বহিতেছে ভবনেতে সুখের হিল্লোল ।
বসাইয়া বাসরেতে আমা দৌহাকারে ।
কৌতুক করিল কত রামাগণ ঘিরে ।
ধর ধর চরণেতে রসিক নাগর !
প্রণয়ের অভিনয় আরম্ভন কর ।
মানময়ী বসিবেক মানেতে মজিয়া ।
সাধিবেক তুমি তার চরণে ধরিয়া ।
শিখাইলু প্রণয়ের এই রীতি নীতি ।
এ সুখ বাসরে মোরা মিলনের দৃতী ।
রহ এ মিলন সুখে দৌহে চিরদিন ।
প্রস্ফুটিত রবে সদা না হবে মলিন ।
রহিয়াছে সুশোভিত নাসায় বেসর ।
লও খুলি সাবধানে তারে অতঃপর ।
মিলনের শুভ কাজে হ'য়ে প্রতিকূল ।
আবরিত রহিয়াছে করহ নির্মূল ।

এইরূপে সকলেতে কৌতুক করিয়া ।
 হাসি হাসি যায় তবে সকলে চলিয়া ।
 বিগত হইয়া প্রায় আইল যামিনী ।
 ক্ষীণ আভা দীপ-প্রভা মুদে কুমুদিনী ।
 ঢুল ঢুলু করে অঁাখি নিশি জাগরণে ।
 সোহাগে ধরিয়া কর কহিলে যতনে—
 আনমিত অঁাখি তব নিদ্রার পরশে ।
 করহ শয়ন প্রিয়ে মম বাহুপাশে ।
 হইতেছে দেখ ওই বিগতা রজনী—
 জাগরণে কতক্লেশ পেয়েছ না জানি ।
 বিশুদ্ধ হইবে তব কমনীয় কায়—
 উজ্জলতা নাহি রবে অঁাখি তারকায় ।
 জ্যোতি নাহি রবে জ্যোতি নিশিজাগরণে ।
 প্রক্ষুটিত পদ্য সম তোমার বদনে ।
 সোহাগেতে করি কত প্রীতি সস্তাষণ ।
 দ্রবীভূত করিলে যে বালিকার মন ।
 হেন কালে আইলেন অগ্রজা তথায়—
 উজলিয়া চারিদিক রূপের প্রভায় ।
 আইলেন ধীরে ধীরে মন্ত্র গমনে ।
 তুষিলেন তোমারে হে মিষ্ট সস্তাষণে ।

লাজ ভরে তুমি নাথ নত করি শির ।
নীরবে রহিলে বসি সৌম্য শান্ত ধীর ।
আহা মরি কি সুন্দর কি মোহন রূপ !
কি গান্তীর্ঘ্য কি মাধুর্য্য একত্রে সম্মুত ।
কি সৌন্দর্য্য কিবা বীর্য্য দেহ সুগঠিত ।
কমনীয়ঃমনোরম সুরূপ ললিত ।

মোহে সুরপুরবাসী রমণী কি ছার ।
হেরি নাই হেন রূপ জগৎ মাঝার ।
জাগে মনে অনুক্ষণ সে সুখ-বাসর ।
রজনীতে দহে হয় অনলে অন্তর ।
কোথা সেই সুখ সাধে বাসর সজ্জিত ।
কোথা সেই হৃদয়ের ভাব উচ্ছ্বসিত ।
কি যাতনা সচি প্রাণে বিহনে তোমার !
কি দারুণ জ্বালা প্রাণে জ্বলে অনিবার ।
কি তীব্র বেদনা হয় অনুভব প্রাণে ।
হঠবে এ জ্বালা শেষ হয় কত দিনে !
কবে হয় পাব পুন মম প্রাণেশ্বর ।
গিয়া সে ত্রিদিবধামে অমর নগর ।
পুন সে বাসর সজ্জা কবে হবে হয় !
শয়ন করিব যবে জলন্তু চিতায় ।

হৃদয়ের এ অনল অনলে মিশিবে ।
 প্রজ্বলিত সে অনলে এ আলা জুড়াবে
 বিষেতে বিষের ক্ষয় হয় চির দিন ।
 অনলে অনল রাশি হইবে বিলীন ।
 সুশীতল হইবে এ তাপিত জীবন ।
 যবে স্থান দিবে মোরে দেব হুতাশন ।
 অভিসার করিব যে চিতানল মাঝে ।
 সাজাবে সে ভস্মরাশি বাসরের সাজে !
 মন সুখে যাব আমি নাথের সদন ।
 হইবে সে চির তরে আবার মিলন ।



সম্প্রদান ।

করিলেন তব করে মোরে সম্প্রদান ।
স্নেহময় জনকের ব্যাকুল পরাণ ।
স্নেহবতী জননীর কাতর হৃদয় ।
সমর্পণ করিলেন যবে তনয়ায় ।
বক্ষ-নীড়ে ছিনু ঢাকা স্নেহ-আচ্ছাদনে ।
ভাঙ্গিয়া সে স্নেহ-নীড় এ চির-বন্ধনে ।
বাঁধিলেন পিতামাতা সযতন করি ।
সমর্পণ করিলেন প্রাণের কুমারী ।
কতই আনন্দ আর বিষাদ তখন ।
ক'রেছিল আন্দোলিত দৌতাকার মন ।
পরাইয়া কর্তব্যের কঠোর শৃঙ্খল—
শৃঙ্খলিত করিলেন ফেলি অঁাখিজল ।
স্নেহ-তরুতলে সদা রাখিতেন যারে ।
স্নেহ বারি ঢালিতেন সতত যে শিরে ।
প্রাণাধিকা সে ছুহিতা তব করে দিয়া ।
করিলেন কর্তব্যের সম্পাদন ক্রিয়া ।
লহ লহ ও বাছনি তনয়া রতনে ।
সমর্পণ করিলাম রাখিও যতনে ।

বড় আদরের ধন গৃহ-সুশোভিনী ।
 হৃদয় বৃন্তের ফুল সৌরভদায়িনী ।
 ছিল মম এ ভবন আলোকিত করে ।
 নয়নের তারা সমর্পিছু তব করে ।
 কমনীয় বালার এ জীবন-নলিন ।
 কভু যেন নাহি হয় বিষাদে মলিন ।
 আজীবন তব পাশে হইয়া সঙ্গিনী ।
 হবে তব অনুরতা অনুজ্ঞা পালিনী ।
 দাম্পত্য জীবন সুখী হোক দুজনার—
 এস বৎস ! ধর হাত মম তনয়ার ।
 লয়ে যাও তব গৃহে গৃহলক্ষ্মী করি ।
 অঁধার হইল আজ মম এই পুরী ।
 এস বৎসে ! এস মাগো যাও স্বামী পাছে—
 রহিবে সতত ওমা ছায়া সম সাছে ।
 বলিয়া দিলেন পিতা বিদায় তখন ।
 স্নেহময়ী জননীর সজল নয়ন ।
 বলিতে বালতে বাজে বাদ্য ঐক্যতান ।
 উচ্ছ্বসিত হল তবে সকলের প্রাণ ।
 নমি শির পিতৃ-পদে করিলে প্রণাম ।
 স্নেহাশীষ শিরোপরে ল'য়ে গুণধাম !

ঈঙ্গিতে সম্মতি তুমি করিয়া জ্ঞাপন ।
আকাঙ্ক্ষিত হ'য়ে মোরে করিলে গ্রহণ
শুভাশীষ সকলেতে বর্ষিল সাদরে ।
পুরোহিত মন্ত্র পাঠ পুনঃ পুনঃ করে ।
শুভযাত্রা করিলাম সেই শুভক্ষণে—
শৃঙ্খলিত হয়ে এই পবিত্র বন্ধনে ।
সে স্নেহ-বন্ধন ছিন্ন করি জনকের—
জননীর ক্রোড় যাহা আবাস স্নেহের—
সে সকল পাশরিণু হেরিয়া তোমারে ।
জনকের শুভাশীষ ল'য়ে শিরোপরে ।
পুলকেতে পরিপূর্ণ হইল অন্তর ।
সাধনার ধন লভি মনোমত বর ।
ভাবিলাম ছায়াসম সতত হেরিব ।
পিতৃ মাতৃ এ আদেশ যতনে বহিব ।
কভু না ছাড়িয়া রব এ হেন রতন ।
রহিব নিকটে সদা যাবত জীবন ।
আনন্দেতে উচ্ছ্বসিত হইলাম হায় ।
সুখোচ্ছ্বাসে পরিপূর্ণ হেরিণু ধরায় ।
হারাইণু আপনারে ভুলিণু জগত ।
পাশরিণু শৈশবের ধূলাখেলা যত ।

ভুলিলাম পিতা মাতা গৃহ পরিজন ।
 ভুলিলাম স্বজনের মিষ্ট আলাপন ।
 চিরপরিচিত সেই জনকের ঘর—
 শৈশবের ক্রীড়াভূমি স্নেহের আকর—
 ভুলিলাম সে সকল তোমারে হেরিয়া ।
 আনন্দেতে পুলকিত হইল যে হিয়া ।
 ধরাতল জ্ঞান হল অমর ভুবন ।
 দেবতা-আকার তুমি দেবের নন্দন ।
 পবিত্র সে সৌম্যরূপ মাধুর্য আকার ।
 সুদিব্য যানেতে কিবা শোভা চমৎকার !
 দেবের কুমার যেন চাপি দেবযানে ।
 চলিয়াছে আনন্দেতে অমর ভুবনে ।
 বিজয়ী হইয়া যথা রণজয় করি—
 বসিয়াছে মহোৎসাহে বীরেন্দ্রকেশরী ।
 সেইরূপ উৎসাহেতে হইয়া উল্লাস ।
 বিজয়ী হইলে নাথ পূর্ণ মন-আশ ।
 অধিকার করিলে যে বালিকা-হৃদয় ।
 প্রীতি প্রেম ভালবাসা সেনা সমুদয় ।
 অনুরাগে ল'য়ে তবে সেনাপতি করি ।
 সুমধুর তব বাণী বিজয়ের ভেরি ।

যুগল নয়নে করি শরের সন্ধান ।
ফুল ধনু জুগল সদা হানে বাণ ।
বালিকা-হৃদয় রাজ্যে তুমি অধীশ্বর ।
হইলে বিজয়ী বীর জিনিয়া সমর ।
কোথা সেই সুখময় বিবাহ উৎসব !
কোথা সেই আনন্দের বাদ্যভাণ্ড রব !
কোথা সেই হরষের ছুটিছে লহর !
কোথায় সে পরিজনে প্রফুল্ল অন্তর !
হাহারবে ভরিয়াছে সকল সংসার—
আকুলিত হয়ে সবে করে হাহাকার !
নীরবতা ঘেরিয়াছে আজি এ ভবন ।
বিষাদেতে দিবানিশি রহে পরিজন ।
তোমা বিনা শূন্য হায় হয়েছে সকল !
নাহিক কুসুমে শোভা নাহি পরিমল ।
তরুবারে ফল নাহি শোভা পায় আর ।
সরোবারে সরোজের শোভা চমৎকার ।
নাহি আসে গুঞ্জরিয়া, অলি সে গুঞ্জে ।
নাহি ডাকে পিক্ আর সে পঞ্চম তানে ।
পাপিয়ার পিউ তান হয়েছে নীরব ।
সবে রহে নিরানন্দে সবে যেন শব ।

হরিয়্যা সকল সুখ সকলের মধু ।
 রহিয়াছ ভুলি সবে ওহে প্রাণবঁধু ।
 ভুলিয়া সে বিবাহের দৃঢ় অঙ্গীকার,
 ভুলিয়া সে স্নেহভরে আদেশ পিতার—

সতত রাখিবে পাশে মম তনয়ারে ।
 লয়েছিলে সে আদেশ তুমি নত শিরে ।
 এখন ফেলিয়া মোরে করি অনাথিনী,
 এই কি প্রতিজ্ঞা তব ওহে গুণমণি !

ডুবাইয়া চিরতরে বিষাদ-সাগরে ।
 রহিয়াছ কোথা নাথ নিশ্চিন্ত অস্তুরে ।
 হৃদয়েতে জ্বালি হায় প্রবল অনল ।
 বহায়েছ নয়নেতে ধারা অবিরল ।
 অভাগিনী করিয়াছ করি রাজরাণী ।
 কোথায় সে প্রতিশ্রুত তব দৃঢ় বাণী ?
 সত্যের আকর তুমি দৃঢ় তব পণ ।
 প্রতিজ্ঞা পালনে সদা করিতে মনন ।
 এই কি কর্তব্য তব ওহে প্রাণপতি !
 এই কি সে প্রতিজ্ঞার নিয়ম পদ্ধতি ?
 লও নাথ তব কাছে এই নিবেদন ।
 বারেক করিয়া সেই আদেশ স্মরণ ।

সেই অঙ্গীকার তুমি স্মরি ক্ষণতরে ।
রহিয়াছ যথা তুমি লও দুঃখিনীরে ।
জীবনের পরপারে সেই মহাস্থানে ।
স্থান দিও অভাগীরে বাঞ্ছিত চরণে !

ফুলশয্যা ।

কুসুম-বাসরে কুসুম-আসরে
কুসুম-নিকরে শোভিতা হ'য়ে ।
কুসুম-শয্যায় কুসুম-মালায়
কুসুমের মত হৃদয় ল'য়ে ॥
কুসুমে ভূষিত কুসুমে মণ্ডিত
কুসুমে গঠিত হৃদয় নব ।
কুসুমের হার ল'য়ে প্রাণাধার
দিলাম পরায়ে গলেতে তব ॥
সহ সে মালার হৃদয় আমার
করিনু উৎসর্গ তোমার করে ।
হৃদয় রতনে দিলাম যতনে
প্রীতি-ফুল মনে প্রেমের ভরে ॥

তব ভালবাসা

লভিবারে আশা

বাঁধিয়াছি বাসা আশার স্থানে ।

অভিন্ন হৃদয়

রব ছুজনায়ে

হইয়া মিলিত দৌহার প্রাণে ॥

প্রেম-নীরে প্রাণ

হ'ল ভাসমান

ওহে গুণধাম প্রেমোদ ভরে ।

প্রণয় উচ্ছ্বাসে

তব প্রাণ ভাসে

সুখে চাঁদ হাসে গগনোপরে ॥

জ্যোৎস্না রজনী

বিমলা ধরণী

ফুল নিশীথিনী জ্যোছনা মাখি ।

পঞ্চমে ঝঙ্কার

করে অনিবার

কোকিল কোকিলা রহিয়া শাখী ॥

চাঁদের কিরণে

হরষিত মনে

পাপিয়া সে পিউ পিষুতানে ।

শ্যামা শুকসারী

ময়ূর ময়ূরী

সুধার লহরী চালিছে প্রাণে ॥

সুখে সারারাতি

প্রমোদেতে মাতি

হায় প্রাণপতি রহিনু মোরা ।

সে সুখ ভবন

জ্ঞান হয় যেন

বিষময় স্থান বিষম কারা ॥

কাতরতা ।

হায় বিধি ! এই কিহে বিধান তোমার ?
অকালে হরিলে মম দেহের জীবন !
সম্মুখে রাখিয়া ছিলে সুধার ভাণ্ডার ।
গরল তাহাতে কেন দিলে অকারণ ?

ক'রেছিলে মোরে হায় আদরে পালিতা ।
পিতা-মাতা-হৃদয়ের ছিলাম প্রসূন ।
এখন করিলে এই দুঃখেতে দলিতা ।
হায় বিধি একি বিধি তোর নিদারুণ !

কেন পাঠাইলে হায় এ ভব সংসারে ?
কেন ক'রেছিলে মোরে বল রাজরাণী ?
সহিবারে এ দারুণ জ্বালা এ অস্তুরে ।
ক'রেছিলে মোরে বুঝি সৃষ্টি পদ্মযোনি ?

ওরে বিধি ! এই যদি ছিল রে বাসনা ।
কেন পিয়াইলি মোরে সে অমৃত স্বাদ ?
এখন আমারে কেন করিলে বঞ্চনা ?
সাধিলে জীবন ব্যাপি কি দারুণ বাদ !

করিবারে অনাথিনী জগতে আমারে ।
পাঠাইয়া ছিলে কিহে এই ধরামাঝে ?
আর না সহিতে পারি যাতনা অন্তরে ।
অভাগীরে রাখিয়াছ আর কোন কাজে ?

আর না ধরিতে পারি এ ছার জীবন ।
আর না বহিতে পারি এ যন্ত্রণা শিরে ।
ছুঃখিনীরে রাখিয়াছ আর কি কারণ ?
কাড়িয়া লইয়া মম সর্বস্বধনেরে ?

দিয়েছিলে সুখ-সৌধ-উপরেতে স্থান ।
নন্দন-কানন সৃষ্টি ক'রেছিলে মম ।
সুখ-পারিজাত-পুষ্প করি শোভমান ।
দিয়াছিলে মনোমত স্বামী প্রিয়তম ।

ফল ফুলে সুশোভিত করিয়া উদ্যান ।
সাজাইয়া ছিলে বিভূ মনোমত করি ।
বল কে হইয়া আর হরষিত প্রাণ—
কণ্টক কাটিয়া পুষ্প লভবে আহরি ?

হায় বিধি ! এত যদি ছিল তো'র মনে—
কেন মোরে পাঠাইলি এই ধরাধামে ?

কেন বা হরিলি মম হৃদয়-রতনে ?
দিবানিশি রহি আমি মরিয়া মরমে ।

দিবানিশি বহাইতে সুখ-প্রশ্রবণ—
দিবানিশি ছুটাইতে প্রীতির লহর—
এখন নয়ন-নীর সদা বরিষণ !
দেখিয়া তোমার ঈহা কাঁদে না অন্তর ?

জগতের সার রত্ন মোরে দিয়াছিলে ।
হীরা, মতি, পান্না, চুনি, নহে এ রতন—
পদ্মরাগ অয়স্কান্তু নাহি এতে মিলে—
পলা, নীলা, সূর্য্যকান্তে নহেক তুলন ।

কষিত-কাঞ্চন কভু সমতুল নয় ।
এ উজ্জ্বল ভাতি তাহে করেনা বিকাশ ।
এ প্রভায় সুবর্ণের স্নান প্রভা হয় ।
বিশুদ্ধ এ স্নিগ্ধ জ্যোতি করিত প্রকাশ ।

মথিয়া তুলিয়া ছিলে অমৃত সাগর ।
বাছিয়া উজ্জ্বল হেরি এই রত্ননিধি ।
পরাইয়া ছিলে সাধে গলদেশে মোর ।
এখন খুলিয়া নিলে এই কিরে বিধি ?

এই কি বিধাতা তব বিচারের নীতি ?
কাড়ি লও প্রিয়পতি কাঁদায়ে পত্নীরে !
এই কি তোমার চির নিয়ম পদ্ধতি ?
অর্দ্ধাঙ্গিনী ফেলি রাখ অনাথিনী ক'রে !

নিদারুণ জ্বালা প্রাণে সহিতে না পারি ।
দিবানিশি জ্বলে ছদে বিষম অনল ।
নাথের বিরহে ধৈর্য্য আর নাহি ধরি ।
ত্যজিব এ ছার প্রাণ ভথিয়া গরল !

কাঁদিবার তরে বুঝি করিলে সৃজন ?
পাষাণে গঠিয়া হিয়া এই দুঃখিনীরে ।
জীবন-সম্বল সেই স্বামীর চরণ ।
উদ্দেশে করিব স্নাত নয়নের নীরে ।

কাঁদিবার তরে বুঝি জনম আমার !
কাঁদিব বলিয়া বুঝি এসেছি এ ভবে ?
কাঁদিয়া বহিব বুঝি এ জীবন ভার ?
নয়ন সলিলে বুঝি কিছু জ্বালা যাবে ।

এ জীবনে শুকাবে না এই অশ্রুধার ।
এ জীবনে মুছবে না বিষাদ কালিমা ।

শতধা বিদীর্ণ হ'ল হৃদি চূরমার !
 চির তরে অস্তমিত সে সুখ চন্দ্রমা ।
 চির তরে দুঃখ মম হ'য়েছে সঙ্গিনী ।
 চির তরে দুঃখ মম ভূষণ অঙ্গের ।
 বিধাতা করিল মোরে এ চিরদুঃখিনী ।
 দুঃখেতে ভরিয়া রবে স্থান হৃদয়ের ।
 হায় বিভূ মোরে আর বল কি কারণ—
 বিচ্ছিন্ন করিয়া মম প্রাণপতি সনে ।
 জীবন সম্বল সেই স্বামীর চরণ—
 হারাইয়া পরমেশ ! রহিব কেমনে ?
 জীবনসর্বস্ব সেই আরাধ্য দেবতা ।
 কাঁদাইয়া অভাগীরে গিয়াছেন চলি !
 রাখিয়াছ পরমেশ ! নাথে ল'য়ে যথা ।
 তথায় লইয়া যাও কাতরেতে বলি ।
 নিয়তির চক্রখানি করি সঞ্চালন—
 ল'য়ে যাও মোরে বিভূ আর নাহি পারি ।
 ল'য়ে যাও যথা মম রেখেছ জীবন—
 মিলাও তাঁহার সহ করুণা বিতরি ।

বিলাপ ।

প্রাণনাথ ! অভাগীরে ত্যজিলে হে কেমনে ?
এত প্রেম এত আশা, এত স্নেহ ভালবাসা,
এত যে সোহাগ প্রীতি নাহি কিছু স্মরণে ?
কি দোষে দুঃখিনী দোষী, বল বল গুণরাশি,
কি লাগি তাহারে আর নাহি তব মনেতে ?
আমি যে তোমা বিহনে জ্বলিতেছি নিশি দিনে
সে অনল কণা কিহে পশেনা ও হৃদেতে ?
প্রাণেশ্বর !—প্রাণসখা ! বারেক দাওহে দেখা,
নিবারি এ অনলের নিদারুণ যাতনা ।
শীতল পরেশে তব, দূরে যাবে জ্বালা সব,
যত জ্বালা নিবারিব ত'য়ে সুখে মগনা ।
ধৈরজ ধরিতে নারি, সতত জ্বলিয়া মরি
কি ভীষণ কি বিষম বৈধব্যের তাড়না !
চারি দিক্ শূন্য হায়, এ জীবন মরুপ্রায়,
কে হরিল ওয়েসিস্ কেবা সেই পাষণ ?

উত্তপ্ত বালুকা রাশি, দহিতেছে দিবানিশি,
বহিছে অনল রাশি দহিয়া এ পরাণ ।

এস নাথ ! কাছে মম, জুড়াই হে প্রিয়তম,
যে অনল দিবানিশি জ্বলিতেছে হৃদয়ে ।

বিরহ অনলে প্রাণ, জ্বলিতেছে অবিরাম,
আর যে রহিতে নারি এই জ্বালা সহিয়ে ।

কেন নাথ আছ ভুলে, ভাসিতেছি অঁাখি জলে,
প্রাণ যায় না হেরিলে তোমার বদন ।

আহা কি মধুর রূপ, কি মাধুরি অপরূপ,
প্রাণ চাহে হেরিতে সে মূর্তি মোহন !

মরি কি মধুর কম, মুগ্ধ মানস মম,
কিবা রূপ অনুপম ললিত স্মৃঠাম ।

কি লাবণ্য স্তললিত, হেরিলে মোহিত চিত্ত,
কোথা আছ প্রাণনাথ হ'য়ে মোরে বাম ?

কোটি শশী বিরাজিত, কোটি কাম পরাজিত,
হেন মনোহর রূপ ত্রিভুবনে নাই ।

মানস পটেতে অঁাকা তব ও বদন রাকা
হৃদয়-দর্পণে হেরি ও রূপ সদাই ।

মনসিজ রূপ জিনি ও লাবণ্য অনুমানি
কিবা রমণীয় কান্তি চিত্তবিনোদন ।

মালা

বিলাপ ।

চাহিলে নয়ন কোণে আকুল হতেম প্রাণে

মিলিত যখন তব নয়নে নয়ন ।

হারাইয়া মন প্রাণ হায়ায়ে সময় জ্ঞান

অনিমিষে রহিতাম চাহি প্রাণময় ! •

পিপাসী চকোরী মত সুধাপান অবিরত

করিবারে ব্যাকুলিত হইত হৃদয় ।

অধরে পূরিত হাসি রহিত যে দিবানিশি

সে অমিয় রাশি প্রাণ করিত বিহ্বল ।

অমৃত মদিরা পানে ভুলিতাম ত্রিভুবনে

সে অমৃত হ'ল হায় এখন গরল ।

সুগৌর বরণ ভাতি কমনীয় অঙ্গ ছ্যাতি

আজানুলম্বিত ভুজ সুঠাম সবল ।

করি-কর জিনি উরু গমন মন্ত্র গুরু

মদনের লীলা-ভূমি সেই বক্ষঃস্থল ।

প্রশস্ত ললাট দেশ চাঁচর চিকুর কেশ

পকু বিশ্ব ওষ্ঠাধর শিরীষ কুমুম ।

অঁথি নব শতদল ফুলধনু দ্রাযুগল

আকর্ণ বিস্তৃত মরি কিবা মনোরম ।

ক্ষীণ কটি মনোহর সুগঠিত কলেবর

সুচতুর শিল্পী যেন গঠেছে যতনে ।

মনোরম উপাদানে সমাবেশ একস্থানে
 সুধা ও গরল রাশি রাখিতে নয়নে।
 সে নয়ন শরাসনে বধিয়া আমারে প্রাণে
 নিদয় হইয়া নাথ বধিলে জীবন।
 প্রেম ফাঁদ পাতি মোরে বিঁধিলে সে খরশরে
 বাণবিদ্ধা কুরঙ্গিনী সম যে এখন।
 প্রেম-রজ্জু ফাঁস গলে পরাইয়া অবহেলে
 প্রাণনাথ রেখেছিলে প্রেমের পিঞ্জরে।
 সোহাগ প্রণয় প্রীতি উপভোগ ছিল নিতি
 মরীচিকা দেখাইয়া ভুলালে আমারে।
 কোথা তুমি প্রাণাধার এস নাথ একবার
 কেন হে নিদয় হলে পাষাণের সম ?
 জ্বলে প্রাণ যাতনায় জ্বলুক জ্বলুক হায়
 জ্বলিবারে অভাগিনী ল'ভেছ জনম।
 দারুণ এ জ্বালা প্রাণে দন্ধ করে নিশি দিনে
 বারেক নিকটে এস ওহে প্রিয়তম !
 এস নাথ হৃদে রাখি কেন হে দিতেছ ফাঁকি
 ভরিয়া রয়েছ অাঁখি তুমি সদা মম।
 তব দরশন বারি তাপিত প্রাণে আমারি
 বরিষণ কর নাথ তব প্রমদায়।

সুধাসিক্ত সে বচনে তাপিতার ছালা প্রাণে
শান্তি সুধা কণা মাত্র প্রদান হে তায় ।
নিকটে ডাকিয়া লহ সতত যে তব সহ
রহিতাম, প্রাণে প্রাণে হইয়া মিলিত ।
এখন কেমনে সখা ! রয়েছ বলনা একা
তাজিয়া এ অভাগীরে এ জনম মত ?
এই কি প্রেমের রীতি কোথা সে প্রণয় শ্রীতি
কহ মোরে প্রাণপতি কহ সবিশেষ ?
তাজিলে তুমি তাতার চাহে সদা যে তোমারে
কোন্ সে কোথা কি পুরে আছ হৃদয়েশ !
হৃদয় শতধা হয় নয়নেতে ধারা বয়
উন্মত্ত হৃদয় ধায় তোমার সদনে ।
সতত ব্যাকুল হৃদি তোমা বিনা গুণনিধি
জলে প্রাণ নিরবধি তব অদর্শনে ।
ক্ষণমাত্র অদর্শনে ব্যাকুল হ'তেম প্রাণে
শূন্য মনে রহিতাম আমি প্রাণনাথ !
দারুণ ওরে রে বিধি এই কিরে তোর বিধি
হ'রে নিলি মোর নিধি হায় অকস্মাৎ ।
হানিলি অশনি শিরে নিদয় বিধাতা ওরে
ভাঙ্গিলি রে চূর্ণ করি কপাল আমার ।

জ্বালালি অনল ভালে হায় বিধি কি করিলে
 কেন রে কাড়িয়া নিলে জীবনের সার ।
 শূন্য দেহ আছে পড়ি প্রাণপাখী গেছে উড়ি
 . সুদিব্য বিমানোপরি শান্তিময় স্থানে ।
 এ শূন্য পিঞ্জর হায় প্রাণপাখী সদা চায়
 উন্মত্ত হৃদয় ধায় সদা তার পানে ।
 ওহে বিধি দয়াময় প্রাণপতি যথা রয়
 সতত বাসনা হয় যাইতে হে মনে ।
 ছাড়িয়া প্রাণের স্বামী রহিতে না পারি আমি
 ওহে বিভূ অকুর্ষামী মিলাও সে ধনে ।



প্রাণের বেদন ।

অশ্রু বিসর্জন, প্রাণের বেদন, সতত জীবন ভরিয়া রয় ।
হৃদয়ের ভার, বহিবারে আর, নাহিক শক্তি আর যে হয় ॥
হইয়া হতাশ, নিরাশার শ্বাস, ব্যাপিয়া রয়েছে জীবন মোর ।
অবনত শির, আঁখি রহে স্থির, শ্রান্ত এ শরীর বিষাদে ঘোর ॥
নাহিক উৎসাহ, সুখের প্রবাহ, হ'য়েছে নিশ্চল জনম মত ।
বিফল প্রয়াস, প্রাণে নাহি আশ, মুছিয়া গিয়াছে বাসনা যত ॥
নাহি কোন কাজ, সদা গৃহ মাঝ, নীরব হইয়া বসিয়া রহি ।
উদ্ভ্রান্ত হৃদয়, সতত যে হয়, কি যাতনা প্রাণে সতত সতি ॥
জগতের সহ নাহিক সম্বন্ধ হ'য়েছে বিলীন সকলি হয় !
নরীচিকা সম, সেই স্মৃতি মম, হ'য়ে মনোরম পথ ভুলায় ॥
আপনার প্রাণ, অরি সম জ্ঞান, তাহারে রাখিতে না চাহে মন ।
কার লাগি আর, এ জীবন ভার, বহি অনিবার ছার জীবন ॥
এ পোড়া নয়নে, কি দৃশ্য দর্শনে, হবে তিরপিত কাহারে হেরি ।
অন্ধ সে যে হয়, না হেরি তাহার, অনুপম সেই রূপ মাধুরী ॥
শ্মশানের চিতা, সদা প্রজ্বলিতা, রয়েছে আমার হৃদয় মাঝে ।
নাহিক আসক্তি, নাহি অনুরক্তি, বীতস্পৃহ রই সকল কাজে ॥
গৃহ পরিজন, বিধ দরশন, সকলি হ'য়েছে বিষাদে ভরা ।
অন্ধকারময়, হেরি সমুদয়, আলোকিত এই সুখের ধরা ॥

রবি শশী তারা, নীলাকাশ ঘেরা, কাননে কুসুম শোভিয়া রয় ।
 কোথা দিবা রাত্রি, অশান্তির যাত্রী, অশান্তির সহ ছুটি যে হয় !
 পূর্ণিমা রজনী, দংশে যেন ফণী, বরিষে সুধাংশু অনল কণা ।
 আমার আঁধারে, এ গুহা মাঝারে, রতি যে নীরবে দুঃখে মগনা ॥
 দুঃখের সাগরে, অতল গভীরে, নিমজ্জিত হ'য়ে জীবন রয় ।
 এ হৃদয় তলে, গভীর কল্লোলে, দুঃখের প্রবাহ সতত বয় ॥
 কোথা বস মাস, তিথি বার রাশ, অনুভূতি কিছু হৃদয়ে নাই ।
 হৃদয়েতে ভরা, সে মোহ মদিরা, সেই স্মৃতি ঘেরা সকল ঠাই ॥
 বিবাদ ভামসী, রহে দিবানিশি উপলব্ধি কিছু নাহিক আর ।
 আলোকের রেখা, নাহি যায় দেখা, গভীর আঁধারে ব্যাপে সংসার ॥
 গিয়াছে চলিয়া, প্রেম প্রীতি মায়া, বিবাদের ছায়া র'য়েছে ঘিরে ।
 করে আধিপত্য, প্রবল দৌরাখ্যা, মম প্রাণে নৃত্য হতাশা করে ॥
 অদৃশ্যে আঁধার, ব্যাপে চারি ধার, জগৎ সরিছে চরণ তলে ।
 শূন্যে করি বাস, রোধে যেন শ্বাস, কভু ভাসি তুঃখ-জলধি-জলে ॥
 ক্ষিপ্ত বায়ু মত, ভ্রমি অবিরত, হাহারবে সদা ঘুরিয়া মরি ।
 বিশ্বের সীমানা, নাহি যায় জানা, কোন বা কামনা কোথা বিচরি ॥
 নিষ্ফল প্রয়াস, জীবন নিরাশ, হৃদয় হ'য়েছে সাহারা মরু ।
 ছিন্ন আশালতা, হৃদয় দলিতা, ভাঙ্গিয়া গিয়াছে আশ্রয় তরু ।
 প্রাণের বেদন, ভুলিব তখন, যাইব যখন তাঁহার কাছে ।
 অশ্রু বিসর্জন, দহে হতাশন, হব বিস্মরণ যে আলা আছে ॥

হায় কতদিনে, প্রাণেশের সনে, মিলি চিরতরে রহিব তথা ।
কহিব নাথেরে, আমার অন্তরে, রহিয়াছে যত প্রাণের কথা ॥
প্রাণে প্রাণে মিশি, রব দিবানিশি, ফেলিবনা আর পলক অঁখি
প্রাণের পিপাসা, মিটাইব আশা, কমনীয় সেই মূর্ত্তি দেখি ॥
অতীতের স্মৃতি, দহিত্তে নিতি, দহিছে আমার হৃদয় হায় ।
কত দিবসের, প্রীতি প্রণয়ের, সুখের কাহিনী ধ্বনিছে ভায় ॥
কত রজনীর, মিলন মন্দির, আকুল উচ্ছ্বাসে অধীর মন ।
হৃদে ভালবাসা, নয়নেতে তৃষা, ভরা কত আশা এই জীবন ॥
গিয়াছে সকলি, দিয়াছি অঞ্জলি, কালের কুটিল কঠিন পায় ।
ভবিষ্যৎ আশা, বাঁধিত্তেছে বাসা, এ হৃদয় নীড়ে সেই আশায় ॥
জীবনের শেষে, হেরিয়ে প্রাণেশে, অতীতের দুঃখ ভুলিব সব ।
সেই পরপারের, মিলন-মন্দিরে, লইয়া নাথেরে সুখেতে বদ ॥
রহি প্রতীক্ষায়, সে দিন আশায়, কাটে গণনায় আমার দিন ।
কালের আবর্ত্তে, ঘুরিতে ঘুরিতে, সেই পদে পুনঃ হব বিলান ॥
এই দীর্ঘ পথ, করিয়া পশ্চাৎ, হব উপনীত সে সুখ-পানে ।
হৃদয়-দেবতা, নেহারিয়া তথা, বিভোর হইব তাঁহার নামে ॥



কার তরে ।

- আমি, কার তরে করি কুসুম চয়ন
কার লাগি মালা গাঁথি গো !
- আমি, কার লাগি বাটি অগুরু চন্দন
সাজাইয়া ডালা রাখি গো !
- আমি, কার লাগি পাতি হৃদয় আসন
বিছাইয়া সদা যতনে ।
- আমি, সে নাম কাহার শুনিলো ঝঙ্কার
হৃদয়-কুঞ্জ ভবনে ।
- আমি, কার লাগি রাখি অর্ঘ্য প্রীতির
ল'য়ে পূত মনে সাজায় ।
- আমি, একমনে সদা কোন মূর্তির
করিব গো পূজা বলিয়ে ।
- আমি, জীবনের বাতি জ্বালি দিবা রাতি
হৃদয় অনলে ধরিয়া ।
- আমি, কারে আশা ধূপে করিব আরতি
দিবস রজনী ব্যাপিয়া ।
- আমি, সদা কার ধ্যানে রহি স্থির মনে
কোন্ সে দেবতা বল গো ।

আলা

কার তরে ।

আমি, সদা অঁখিনীরে পূজি যে তাহারে
চরণ যুগল তার গো ।

আমি, কার নাম জপি সদা চুপি চুপি
কার স্মৃতি করি স্মরণ ।

আমি, কার গুণগানে এ সারা জীবনে
ধরি যে এ প্রাণ এখন ।

আমি, কার লাগি করি দিবস রজনী
বসি কার করি সাধনা ।

আমি, উন্মুক্ত হৃদয় করি সদা শায়
ভাবি সদা করে ভাবনা ।

আমি, সারা সে রজনী তিতাঠি মেদিনী
নয়নের বারি ঢালিয়া ।

আমি, সারাটি রজনী বসি একাকিনী
আসিবে গো সেই বলিয়া ।

আমি, রছি আন্মনে, বসি বাতায়নে,
তার আশা-পথ চাহিয়া ।

আমি, হেরিতে তাহারে, চাহি ক্ষণ-তরে,
নয়ন আমার ভরিয়া ।

আমি, সতত এখন, হয়ে একমন,
সদাই শ্রবণ পাতিয়া ।

আমি, সদা ভাবি মনে, আসিয়া এখানে,
 লইবে আমারে ডাকিয়া ।

আমি, আকাশের পানে, চাহিয়া চাহিয়া,
 ভাবি যে হতাশ মনেতে ।

আমি, জানিনা কি দেখি, কেন বা নিরখি,
 মিলিয়াছে চাঁদ চাঁদেতে ।

আমি, বসি নিরিবিলি, প্রেম-ফুল তুলি,
 হৃদয়-কানন ঢুঁড়িয়া ।

আমি, হইয়া আকুল, বাছি সব ফুল,
 ফেলি যে মুকুল বাছিয়া ।

আমি, প্রস্ফুটিত ফুল, লয়ে গন্ধরাজ,
 মানস-উদ্যান হইতে ।

আমি, রাখি স্তরে স্তরে, সুশোভিত করে
 সুরভি সুবাস ছড়াতে ।

আমি, মালতীর মালা, গাঁথি সারা বেলা,
 বেলা যাঁথি যুঁথি নিশায়ে ।

আমি, দিবা অবসানে, সে মালা যতনে,
 দিব গো তাহারে পরায়ে ।

আমি, ভরিয়া হৃদয়, প্রদানিতে তায়,
 প্রেম-মধু রাখি সঞ্চরি ।

মালা

কার তরে ।

আমি, লয়ে যত মধু, দিব তারে শুধু,
মধুপ উঠিবে গুঞ্জরি ।
আমি, মানস-কুম্ভে, গাঁথিয়া এ মালা,
পরাইব করে সাদরে । •
আমি, ভক্তি-কুম্ভে, সাজাই যে সাজি,
মন মধুপ বিচরে ।
আমি, এ মন-মন্দিরে, আরাধিব তারে,
আমার আরাধ্য দেবতা !
আমি, করিয়া সাধন, ওগো সে চরণ,
পেয়েছিছু চিরবাঞ্ছিতা ।
আমি, এ চির জীবন, রহিব এখন,
তাহারি পূজায় নিরত ।
আমি, করি পূজা শেষ, সে অজানা দেশ,
গিয়া হব তাহে মিলিত ।



তুমি সুন্দর !

তুমি, সুন্দর চিরবাঞ্ছিত হও মম
 জীবনের ধুবতারা ।

নাথ ! তুমি ললিত চিত্তমোহিত,
 মোরে করেছ আপনা হারা ।

তুমি, ছিলে জীবনের যে গো আলো,
 কেন নিভাইয়া দিলে আহা !

কেন—অকালে নিভায়ে অঁধার করিলে,
 জ্বলিবেনা আর তাহা ।

তুমি, জীবনের ধন হৃদয়-রতন,
 তোমাতে হৃদয়ে রাখি ।

আমি—হতাশ অন্তরে কাতরে তোমাতে,
 সতত যে নাথ ডাকি ।

তুমি, মম প্রাণময় জীবন-নৈলয়,
 বসতি তোমার সেথা ।

কেন—এখন আমার বুঝনা এ দুঃখ,
 বুঝনা হৃদয়-ব্যথা ।

মালা

তুমি সুন্দর ।

- তুমি, হয়ে নিদারুণ কেন প্রাণনাথ !
আমারে দিতেছ জ্বালা ।
আমি—সতত বসিয়া বিরলে নীরবে
গাঁথি যে ছুঁখের মালা ।
- তুমি, পরিলে হে গলে বুঝিব মনেতে
কি ছুঁখে হৃদয় দহে ।
জানিবে হে নাথ ! কারে বলে ছুঁখ
কত—অভাগী প্রাণে যে সহে ।
- তুমি, দেহের জীবন পরাণের প্রিয়
শিরোদেশে হও মণি ।
কত সাধনার ধন হে শিরোভূষণ !
ভুলিয়াছ অভাগিনী ।
- তুমি, আরাধ্য দেবতা পূজনীয় দেব
জীবনের সার ব্রত ।
তোমার বিহনে কিরূপে যে রই
নাথ !— বলিব সে ছুঁখ কত ?
- তুমি, হও প্রিয়তম প্রাণসখা মম
জীবনের চির সাথী ।
কেন ফেলি একাকিনী করিয়া ছুঁখিনী
আমারে দিলে হে ফাঁকি ?

- তুমি, মনোরম মনোমোহন আমার
মানস মালধে ফুল ।
তব সুরভি আশ্রমে বিমোহিয়া প্রাণে
মন করিতে আকুল ।
- তুমি, নন্দন-পারিজাত হে নাথ !
ছিলে সুরভি চন্দন ঘ্রাণে ।
তব সুসৌরভে দিক্ মাতাঈয়া সদা
বিমোহিত করি প্রাণে ।
- তুমি, জীবনের ধন জীবন-সর্বস্ব
জীবন-প্রবাহে গতি ।
মোর—জীবন-তরীতে তুমি যে নাবিক
সুপথে চলিতে মতি ।
- তুমি, সদা হৃদয়ের স্তরে স্তরে
ঢালি প্রণয় পীযুষ ধারা ।
মোরে—করিতে যে হয় বিভোর হৃদয়
পুলকে আপনা হারা ।
- তুমি, মন্দার মালা শোভিতে যে গলে
অমরের যাত্রা বাঞ্ছিত ।
হৃদয়ের আশা প্রাণে ভালবাসা
তুমি হও যে মম পূজিত ।

মালা

তুমি সুন্দর ।

তুমি,

সুখ-সরোবরে কমল আকারে

বিতরিতে মকরন্দ ।

সুখের হিল্লোলে কুপিতপল্লল

সুখে ছলিত যে মৃৎ মন্দ ।

তুমি,

অধরের হাসি নয়নের জ্যোতি

পরাণে পুলক ভরা ।

মম ধরম করম দেহের সরম

ছিল গো ব্যাপিয়া ধরা ।

তুমি,

সুমন্দ মলয়ে বহি দিবানিশি

করিতে জীবন দান ।

রহিয়া ঘ্রাণেতে হয়ে সুসৌরভ

সদা আকুল করিতে প্রাণ ।

তুমি,

শ্রবণে মধুর শ্রুতি-সুখকর

বাঁশরীর মত গানে ।

তব অমিয় বচনে জুড়াতে শ্রবণে

বীণার বাদন তানে ।

তুমি,

সুধার আশ্বাদ রসনার যে গো

সুধায় পূরিত হৃদি ।

দিয়া সুধা উপাদান নবনীত প্রাণ

গঠিয়াছিলেন বিধি ।

তুমি, কোমল পরশ পরশিলে কায়
 পুলকে শিহরি উঠি ।
 কঠিন পাষণ না ছিলে কখন
 প্রেমভরা অঁাখি ছুটি ।

তুমি, হৃদয়-গগনে উদিত হইয়া
 উজলিতে দিবানিশি ।

তুমি, ছিলে সকলেতে তুমি সকলের
 শোভা—তারামালা রবি শশী ।

তুমি, সাগর সলিলে থাকিতে সতত
 হইয়া লহর-মালা ।
 নিজ উচ্ছ্বাস ভরে প্রবল তরঙ্গে
 চুমিতে যে ভূমি বেলা ।

তুমি, গহনে ভূধরে রহিতে প্রাস্তুরে
 দেশে কি প্রবাস বাসে ।
 সদা যে আনন্দময় ছিল ও হৃদয়
 মুখরিত কল হাসে ।

তুমি, মম হৃদয়ের অধীশ্বর সদা
 তুমি যে হৃদয়-রাজা ।
 মম ষড়রিপুগণ অধীন তোমারি
 সকলে তোমার প্রজা ।

মালা

তুমি সুন্দর ।

তুমি,

যশঃ সৌধ-শিরে বিজয়পতাকা

উড়িতে গরব ভরে ।

তব যশে সদা মুখরি ভুবন

ঘোষিতেছে দিগন্তরে ।

তুমি,

স্থির তটিনীতে রতিতে নীরবে

ছিলে গো জাহ্নবী-বারি ।

দেবতা যে তুমি দেবের বাঞ্ছিত

হায় ! চলি' গেছ দেবপুরী ।

তুমি,

কোথায় এখন কোথায় এখন

সতত ডাকি যে আমি ।

এস ক্ষণিকের তরে এ মনোমন্দিরে

এস হে হৃদয়-স্বামী ।

তুমি,

করণানিধান প্রেমে ভরা প্রাণ

নহ'তো নিদয়মতি ।

এস--এস হে ললিত এস হে দয়িত

সদা ডাকে তব জ্যোতি ।

তুমি,

আসি প্রাণসখা ল'য়ে যাও সাথে

বসিয়া র'য়েছি আশে ।

ল'য়ে—সে অমরপুরে সতত আমারে

রাখিবে তোমার পাশে ।

নাহি কৃষ্ণ বই ।

মালা

তুমি,

চির প্রভু মম জীবনে মরণে

দাসী যে তোমার আমি ।

আমি ও চরণ সেবা করিব সতত

গিয়া সে অমর-ভূমি ।

নাহি কৃষ্ণ বই

কোথা কৃষ্ণ কুপাময় কমললোচন !

করুণা কটাক্ষপাতে কর বিনোদন ॥

কুপা করি কর মোর কণ্ঠের লাঘব ।

কাতরে কহিছু আমি শুন হে কেশব ॥

কর কর কর দেব কর মোরে দয়া ।

কাতরে করুণা কর দিয়া পদচায়া ॥

কাতরা কাঁদিয়া কহে কর তারে পার ।

কহিতে শক্তি কই কহি বার বার ॥

কমলা-জীবন তুমি হে কমলাপতি ।

কখন কাহারে সুখী কর না শ্রীপতি ॥

কমলিনী কেঁদে কেঁদে কাটাইছে কাল ।

কংস বধি মথুরায় ছিলে কুঞ্জলাল ॥

কালী ভূমি কালীদেহে ক'রেছিলে কেলি
কালীয় নাগেরে দমি হ'য়ে কুতূহলী ॥
কেবল কামিনীকুলে করিয়া বঞ্চনা ।
করহে কপট কত করিয়া ছলনা ॥
করুণার কণা প্রাণে কোথায় তোমার ।
করুণানিধান নাম কেন পর আর ॥
কত তব কহিব হে কপটতা আর ।
করিয়াছ কি দুর্গতি ব্রজ গোপিকার ॥
কৃষ্ণপ্রাণা কৃষ্ণাঙ্গনা কাঁদিয়া কাঁতর ।
করিলেনা কৃপাদৃষ্টি করুণা-আকর ॥
কেন বল কৃপাময় কহিন এমন ।
কর কৃষ্ণ কোমলতা হৃদয়ে ধারণ ॥
করিহে কামনা তব কমল চরণে ।
কর পার কৃপাসিন্ধু এ অভাগী জনে ॥
কাড়িওনা কখন হে কোন কামিনীর ।
কণ্ঠভূষা শিরোমণি সার অবনীর ॥
কৃষ্ণ কৃষ্ণ বলি কাঁদি প্রাণ কৃষ্ণ কই ।
কৃষ্ণ কথা কহি সদা নাহি কৃষ্ণ বই ॥

উদ্ভ্রান্তা ।

প্রাণাধিক প্রিয়তম মম প্রাণেশ্বর !
 জীবন-সর্বস্ব মম হৃদয়-ঈশ্বর !
 তোমার বিরহানলে, সদা মম প্রাণ জ্বলে,
 তব রূপ ধ্যান সদা করি নিরন্তর ।
 হৃদয়েতে আঁকা তব রূপ মনোহর ॥

প্রাণনাথ প্রাণকাস্তু ওহে প্রাণময় !
 হৃদয়ের জ্বালা ব্যক্ত করি কি ভাষায় ?
 নাহি মিটে সাধ আশা, নাহি মিটে মম তৃষা,
 তব অনুরূপ শব্দ নাহি জানি হায় !
 মন-ভাব প্রকাশিব বল কি বিধায় ?

হৃদয়ের সার নিধি তুমি গুণাকর !
 জীবনের সাথী তুমি জীবন-ঈশ্বর ।
 বিহনে নাথ তোমার, সদা করি হাহাকার,
 হাহা রবে শূন্য প্রাণে ফিরি অনিবার ।
 সকলি অসার হেরি জগৎ সংসার ॥

কভু একমনে ভাবি বসি নিরালায় ।
বিরহে সুখ কি দুঃখ জানা নাহি যায় ।
বিরহে বিভোর হয়ে, উন্মত্ত হৃদয় লয়ে,
সুখ-স্মৃতি দিবা রাতি স্মরি সমুদয় ।
তাহাতে আপ্ত হয় আবেগে হৃদয় ॥

কভু একমনে হেরি অধীর হইয়া ।
তোমার আলখ্যাখানি হৃদয়ে লইয়া ।
না পাড়ে পলক অঁাখি, বদনে বদন রাখি,
কভু অঁাখি মুদে থাকি বিভোর হইয়া ।
বিরহে দুঃখ কি সুখ না পাঠি ভাবিয়া ॥

তব পাশে রহিতাম যবে প্রাণেশ্বর !
নাহি পারি সরমেতে খুলিতে অন্তর ।
হৃদয়ের ভাব যাহা, বলিতে না পারি তাহা,
সরমে বাধিত তাহা রসনা আমার ।
হৃদয়ের ভাব ভাষা করিতে প্রচার ॥

এখন তোমার সহ সদা প্রাণ খুলে ।
কত কথা কহি আমি ধরি তব গলে ।
কহি কথা প্রাণে প্রাণে, নীরবে অতি গোপনে,

উন্মুক্ত করিয়া মম হৃদয় অর্গলে ।

জানাই প্রাণের জ্বালা যাহা সদা জ্বলে ॥

হাসি কাঁদি সদা আমি তব সনে নাথ !

• কত কথা কহি আমি ধরি তব হাত ।

সতত তোমার সহ, বাস করি অহরহ,

শয়নে তোমারে আমি হেরি সারা রাত ।

দিবসে বেড়াই স্মৃথে সদা তব সাথ ॥

অনিত্য নহতো তুমি নিত্য বস্তু হও ।

অভেদাত্মা-তুমি মম প্রাণে মিশে রও ।

কতু কি ছাড়িয়া মোরে, রহিতে পার হে দূরে

রহ সদা এ অন্তরে কত কথা কও ।

স্নেহ প্রেম ভরা প্রাণ কঠিন তো নও ॥

কেন বা ভাবিব দুঃখ হৃদয়েতে আমি ।

দিবানিশি পূজি হৃদে হৃদয়ের স্বামী ।

নহ বিলাসের স্মৃতি, তুমি যে আরাধ্য অতি,

পবিত্র সৌম্য মূর্তি ভজি দিবা যামি ।

বৈজয়ন্ত ত্যজি হৃদে আসিয়াছ নামি ॥

যবে তুমি প্রাণনাথ ত্যজিয়া আমারে ।

অনায়াসে গেলে চলি সে জীবন পারে ।

হঠিয়া যে জ্ঞানভারা, লুঠায়ে পড়িছু পরা,
নতুবা রাখিত কেবা রোধিয়া আমারে ।
কেনবা রহিছু আমি এ শূন্য আগারে !

কভু ভাবি জলে প্রাণে দারুণ অনল ।
দিবানিশি করে ছার মম অন্তস্তল ।

প্রাণনাথ প্রাণ মন, জ্বলিতেছে অনুক্ষণ,
জ্বলুক্ জ্বলুক্ হৃদে না হয়ে শীতল ।
তোমারে করুক শান্তি প্রদান কেবল ॥

নীরবে সকলি আমি সহিব যাতনা ।
বহিব একাকী আমি এ মনোবেদনা ।

তোমার কোমল কায়, যেন না এ তাপ যায়,
না হয় তোমার যেন বিরহ বেদনা ।
হায় এ দারুণ জালা যেন গো স্পর্শনা ॥

নবনীত সুকোমল হৃদয় তোমার ।
বহিতে পার কি কভু এই দুঃখ-ভার ?

শিরীষ কুমুম জিনি, তব ওই হৃদি খানি,
সহিবে না এই জালা তাহে প্রাণাধার !
কেবল জ্বলুক্ সদা হৃদয় আমার ॥

বিরহে সুখ কি দুঃখ বুঝিবারে নারি ।
কভু বা উদ্ভ্রান্ত মনে সুখ জ্ঞান করি ।
জানিনা কি ভাবি মনে, রহি যে উদ্ভ্রান্ত প্রাণে,
ভাবি সদা এক মনে তোমারে হে স্মরি ।
সুধাইব তব কাছে কহিও বিচারি ॥

নলিনীর প্রতি

মুদিল নলিনী মুদিল নয়ন
শুকাইল তার কোমল জীবন
পড়িল ঢলিয়া হয়ে অচেতন

সুবিমল ওই সরসী-নীরে ;

বিরহে বিধুরা বিবশা নলিনী
বিরহ জ্বালায় কাতরা যে ধনী
না হেরিয়া নিজ পতি গুণমণি

অঁথি আনমিত করিল ধীরে ॥

মুদিল বিষাদে নয়ন যুগল
শুকাইল ওই সরস মৃগাল

মালা

নলিনীর প্রতি

ব্যথিত হইয়া রহে যত দল

করি ম্লান মুখ মনের দুঃখে ।

সরোবর শোভা করি সরোজিনী,

ছিল প্রস্ফুটিত হয়ে গরবিণী

হেরিয়া গগনে পতি দিনমণি

ছিল বিনোদিনী মনের স্মুখে ।

কোটি যোজনেতে রহে দিবাকর

তথাপি নলিনী প্রফুল্ল অন্তর

স্মুখে ছিল আত্ম হেরি প্রাণেশ্বর

কেন বা এ দুঃখ হইল তার ।

সহিতে না পারি এ দুঃখ জীবনে

বিনা প্রাণনাথ বাঁচেনা পরাণে

জীবন ত্যজিল সরসী-জীবনে

বহিতে নারিয়া এ দুঃখ ভার ॥

প্রমোদে মাতিয়া ছিল যে রূপসী

অধঃরতে ল'য়ে সুধা রাশি রাশি

আবেশে মজিয়া হাসি মূঢ় হাসি

ছিল যে চাহিয়া পতির পানে ।

আসি কাল নিশি গ্রাসি প্রভাকর
দিবা অবসানে দেব দিবাকর
লয়ে গেল চলি সে অস্ত শিখর

হানি খর শর নলিনী প্রাণে ।

কাল বেশে ওই গোধূলি আসিয়া
গেল সে নলিনী জীবন হরিয়া
পশ্চিম গগনে পড়িল হেলিয়া

গোধূলি কিরণ মাখিয়া রবি ।

রক্তিম বরণে দেব দিবাপতি
করিলেন ওই অস্তাচলে গতি
নাথের বিরহে ব্যাকুলা যে সতী

রহিল নীরবে বিষাদ ছবি ।

সুমন্দ মলয়ে নাহি কাঁপে দল
পুলকে শিহরি না হয় বিহ্বল
না আছে সুরভি নাহি পরিমল

করিয়া গুঞ্জন আসে না অলি ।

বিনাইতে মধু হৃদয় খুলিয়া
পরহিতে প্রাণ দিতে গো ঢালিয়া

রাখে দেব লাগি এ মধু সঞ্চিয়া

নলিনীর মধু আদরে বলি ।

শুনগো সজনি তোমার মতন

বিরহে আমার দহিছে জীবন

হারাইয়া মম সর্বস্ব রতন

এ ভার জীবন বহিলো আমি ।

হারাইয়া সেই পতি গুণমণি

বিনা প্রভাকর যেমন নলিনী

শুকায়ে গিয়াছে হৃদয় সজনি

হারাইয়া সেই প্রাণের স্বামী ।

আসি কাল সন্ধ্যা শুনলো সুন্দরী

নাথ সহ মোরে বিচ্ছিন্ন যে করি

লয়ে গেছে হায় প্রাণনাথে হরি

দুঃখিনী করিয়া আমারে সই ।

কাহারে বা বলি এ মনোবেদনা

কারে বা জানাব মরম যাতনা

কি দুঃখে হৃদয় দহে সুলোচনা

মন দুঃখ আজি তোমাতে কই ।

অশুভ মুহূর্তে সে কাল আসিয়া
লহে গেছে নাথে ছলে ভুলাইয়া
আমার হৃদয় সবলে দলিয়া

বিষাদ-নীরেতে ডুবায়ে মোরে ।

মুদিত করিয়া ছদি শতদল
শুকাইয়া গেছে সে সুখ মৃগাল
সে সোহাগ ভরে না কাঁপে পল্লল

নাহি ভাসে প্রাণ সে সুখ সরে ।

না বহে হৃদয়ে সে সুখ মলয়
বিকম্পিত তনু শিহরি না হয়
আবেশে সে কর পরশিয়া হয়

প্রস্ফুটিত হয়ে আর না হাসি ।

শুকায়েছে মম দেহ সরোবর
শুষ্ক আশাদল শুষ্ক দাম তার
প্রণয় কিরণে উজলিত সর

সে সুখ কিরণে হাসিত দিশি ।

নাহি আর আছে ভ্রমর গুঞ্জন
সুমধুর স্বরে প্রেম আলাপন

হৃদি শতদল মুদিত এখন

নাহিক তাহাতে প্রণয়-মধু ।

শূন্য রহিয়াছে সে সুধা-আধার

রহিত পূরিত প্রণয়ে তাহার

নাহিক তাহাতে কণিকা সঞ্চার

হরিয়া লয়েছে প্রাণের বঁধু ।

এখন এ প্রাণ তিক্ত কটুতায়

লবণাক্ত অম্ল আলা সমুদয়

নাহি আর প্রাণ সদা মধুময়

তীর আলাময় হৃদয় মন ।

বিরহ অনলে দহি নিশিদিন

কি দারুণ ছুখে কাটে মম দিন

শুকাইছে তাপে হৃদয় নলিন

সুশোভিত সর সে মনোরম ।

নাহি কোমলতা হৃদয় কমলে

নাহি মকরন্দ হৃদি শতদলে

নাহি দোলে প্রাণ সুখের হিল্লোলে

রহি নীরবেতে মুদিয়া আঁখি ।

আছি মৃতপ্রায় বিরহের বিধে
আকুলিত জ্ঞান বিরহ হতাশে
বিরহের পরে সদা প্রাণ নাশে


এছার জীবনে কি কাজ সখি !

তুমি তো সজনি আবার প্রভাতে
হাসিবে নলিনী সে রবি করেতে
দুঃখ জ্বালা আর না রবে প্রাণেতে

সে সুখ মিলনে ভাসিবে সরে ।

আমিও সজনি রহি প্রতীক্ষায়
প্রাণনাথ সহ মিলিব ত্বরায়
গিয়া প্রাণ সখি সেই অমরায়

চির মিলনেতে ল'য়ে নাথেরে ।



অঁধার রজনী ।

আইল রজনী নীলাশ্বর পরি

বদনে বসন ঢাকিয়া ধনী ।

বিনা সে সুধাংশু বিষাদে সুন্দরী

নামিল ধরায় ওই রজনী ।

সন্ধ্যা সখী সহ করি সম্ভাষণ

তাহারে এখন বিদায় করি ।

শঙ্খ ঘণ্টা রোলে মুখরি ভুবন

গিয়াছে চলিয়া সেই সুন্দরী ।

সে চির অনুঢ়া নাহি তার পতি

নাহি তার হৃদে বিরহ জ্বালা ।

দেবতা পূজায় সদা তার মতি

করে দেব পূজা দেবের বালা ।

নামে ধরাধামে দেবতা পূজনে

নানা আয়োজন লইয়া সাথে ।

ল'য়ে ধূপ দীপ অতি পূত মনে

করে পূজা সে যে জগৎনাথে ।

আসিলে ধরায় সেই সন্ধ্যাদেবী

হয় দেব-গৃহে দেবতা পূজা ।

শোক তাপে ভরা যে সকলি হৃদি

ধনী কিবা দীন ভিখারী রাজা ।

ক্ষণ তরে সবে স্মরে বিভূনাম

ক্ষণতরে ভুলি শোকের তাপ ।

ক্ষণতরে তাজি জীবন সংগ্রাম

ক্ষণতরে ভুল সকল পাপ ।

গিয়াছে সে চলি নিজ কাজ সারি

ক্ষণিকের তরে আ সয়া ভবে ।

দিয়াছে রজনী তারে দূর করি

সমছুঃখী বিনা কেন সে চাবে ।

একাকিনী বসি ওঠ নীরবেতে

হতাশ নিশ্বাস বহিছে তায় ।

নহে তো সে শ্বাস ভরা স্মরভিতে

না বহে তাহাতে মৃদুল বায় ।

আহা মনোছুঃখে প'ড়েছে কালিমা

হ.মল ধবল সে শোভা নাশি ।

না হেরিয়া ধনী গগনে চন্দ্রমা

বদনে নাহিক মধুর হাসি ।

কুটিল কুন্তলে কবরী বাঁধিয়ে

নাহি দেয় তাহে তারার ফুল ।

রজত বসনে না রয় শোভিয়ে

নাহি আছে কানে হীরার ঢুল ।

নাহি গন্ধরাজ বেলা যাঁথি যুঁথি

সুরভি কুসুমেরে কণ্ঠে হার ।

নাহি সে লাবণ্য, মলিন মূরতি

সেই সুধাহাসি হাসে না আর ।

মণিবন্ধে আর নাহি সে কাঁকন

চরণে নাহিক নূপুর ধ্বনি ।

নাহি শোভে গায় কুসুম ভূষণ

বিষাদে বিবশা বেশে যামিনী ।

পরি শোক বেশে রহিয়াছে হায়

নাহিক বিমল রজত বেশ ।

বিরহেতে আহা দহিছে হৃদয়

নাহিক তাহাতে সুখের লেশ ।

জোছনা কিরণে হয়ে ধবলিত

জুড়াত চাঁদের সুধা পরশে ।

চাঁদের আলোকে হয়ে আলোকিত

হাসিত যামিনী কত হরষে ।

নাহি আছে চাঁদ গগন মাঝারে

নাহি সে বিমল রজত ভাতি !

অঁধারে ব্যাপিয়া দিক্ চরাচরে

প্রকাশিত এই অঁধার রাতি ।

অঁধারে জগৎ আবরিয়া আজি

অঁধার করিয়া রজনী প্রাণ ।

অঁধার করিয়া তরুলতা রাজি

অঁধারে রজনী ঢাকে বয়ান ।

অঁধার করিয়া সকলের মন

কোথায় গমন করেছে শশী ।

অঁধার করিয়া নীলিম গগন

তোমার বিহনে অঁধার নিশি ।

নদ নদী আর বিমল সরসী

হাসেনাক আজ তোমা বিহনে ।

নাহি কার মুখে হরষের হাসি

সুখ নাহি আছে কাহার মনে ।

শুন প্রাণ সখি শুনলো রজনী

দেখিয়া কি তুমি আমার দুঃখ ।

বিবরিয়া মোরে कहলো সজনী

কেন বা ঢেকেছ বিষাদে মুখ ।

হেরি মম বেশ তুমি কিলো সখি !

খুলেছ কাঁকন কণ্ঠের হার ।

তাইকি রজনী আমারে নিরখি

কুসুম ভূষণে সাজনি আর ?

হেরি মোর মুখ বুঝি বা সজনি

বদন ঢেকেছ কালিমা বাসে ।

সম ছুঃখী মোরা, এসলো ভগিনী

গাহি ছুঃখ গাথা তব সকাশে ।

তোমার মতন আমিও ছুঃখিনী

হায় অভাগিনী নাথ বিহনে ।

নয়ন নীরেতে ভাসেগো মেদিনী

রহি মনোছুখে কাতর মনে ।

কুটিল কুন্তল দিয়াছি ফেলিয়া

কাজ কিলো আর চিকুর দামে ।

সীমন্তুর মাঝে ভঙ্গি বিলেপিয়া

সাজি সন্ন্যাসিনী মরি মরমে ।

খুলিয়া ফেলেছি যত আভরণ

তেয়াগি বসন ভূষণ সাজ ।

করিয়াছি সার এ শ্বেত বসন

এ দেহে এখন নাহিক কাজ ।

খুলিয়া ফেলেছি দূরে মতিমালা

খুলিয়া ফেলেছি বলয় দূরে ।

কটিদেগে নাহি শোভিছে মেখলা

চরণ শোভে না আর নূপুরে ।

কাজ কিবা আর এছার রতনে

হৃদয় রতন হারায়ে সই !

কাজ কিবা আর বসন ভূষণে

প্রাণের ভূষণ প্রাণেশ বই ।

নাথের বিরহে দহি দিবানিশি

কাহারে কহিব প্রাণের আলা ।

রহিয়াছে প্রাণে অনলের রাশি

বিরহ অনলে দহে অবলা ।

ধরি তব গলা কহিব কাতরে

পরাণে আমার যতেক দুঃখ ।

তব কাছে বসি রব দুঃখ ভরে

জীবনেতে কিছু নাহিক সুখ ।

আলোকনাশিনী ওলো নীলাশ্বরী

ছাড়ি গেছে তোরে প্রাণের পতি ।

বিরহে তাহার হয়েছ কাতরা

শোক-বেশে তুমি সেজেছ সতী ।

তোমার আমার বিভিন্ন যে সাজ
করেছেন বিধি এই নিয়ম ।
বদনেতে তুমি ঝাঁপ নীলাঙ্গর
আমি শ্বেত বাসে ঢাকি সরম্ ।
পুনঃ গো সজনি তোমার আবার
এ দুঃখ-রজনী হইবে ভোর ।
পুনঃ পাবে তুমি নাথেরে তোমার
ভাসিবে লো সুখে জীবন ভোর ।
হাসিবি লো সুখে চাঁদের কিরণে
প্রণয়-জোছনা হৃদয়ে মাখি ।
হ্রষে হাসিবি প্রাণেশের সনে
শশীর মিলনে হইয়া সুখী ।
আসিবে আবার হাসিতে হাসিতে
ত্যজিয়া স্বরিতে ঘুমের ঘোরে ।
প্রসারিয়া ভুজ লইবি হৃদেতে
ধরিয়া রাখিবি হৃদয়চোরে ।
চির দিন তরে আমার যে সখি !
সে সুখ-চন্দ্রমা গিয়াছে চলি ।
না যাবে অঁধার সে চাঁদ নিরখি
অঁধার জীবন রবে কেবলি ।

অঁধার রজনী ।

মালা

না পোহাবে আর এই দুঃখ-রাতি

না হবে এ দুঃখ-রজনী ভোর ।

এ অনলে আমি জলিব গো নিতি


জলিয়া যাইবে জীবন মোর ।

যবে শেষ হবে নিয়তির খেলা

যাব পর পারে মিলন-দেশে ।

শেষ দিনে শেষ হবে এই জ্বালা

সে শেষ অনলে স্মরি প্রাণেশে



মালা

মা পোহাল আর

পোহাঠিল ওই আঁধার রজনী
ওই যে গগনে উদিল রবি ।
আলোকিত হ'ল সকল ধরণী
হেরিয়া রবির নূতন ছবি ॥

হাসিল জগৎ দিক্ চরাচর
এ আলো পরশে হাসিল ওই ।
হাসিল সাগর গহন ভূধর
নাহি হাসে কেহ এ হাসি বই ॥

হাসে তরুলতা হাসে ফুল পাতা
নব রবিকর মাখিয়া গায় ।
প্রকৃতি হাসিয়া কহে যেন কথা
সোনালি ছকূলে আবরি কায় ॥

গাহে ওই পাখী কলকণ্ঠে তানে
মুখরিত করি ধরণী তল ।
আলোক পরশে হাসিল হরবে
উছলিয়া হাসে সরসী-জল ॥

হরিৎ বরণ নব দুর্বাদলে
পড়েছে নবীন কনক-রেখা ।
নব প্রভাকর ওই নভস্তজালে
নব বেশে ওই দিলেন দেখা ॥

পোহাইল ঘোর অঁধার তামসী
উজলিল দিক্ রবির করে ।
হাসিলেন সুখে প্রকৃতি রূপসী
হেরি প্রভাকরে গগনোপরে ॥

সাজিল প্রকৃতি নব বধূবেশে
ললাটে ধরিয়া উষার ছটা ।
বক্ত রাগ আজ শোভে শিরোদেশে
সিমন্তু সিন্দূর মরি কি বটা ॥

লয়ে রাশি রাশি সুরভি কুসুম
পারেছে অঙ্গেতে প্রকৃতি রাণী :
গগন উপরে হেরি প্রিয়তম
নিজ প্রাণপতি ও দিনমণি ।

প্রভাতী মলয় বহে মৃদু মৃদু
শুশীতল করি প্রকৃতি-মন ।

মৃদু সমীরণ লুটে ফুল-মধু
প্রকৃতি-হৃদয়ে ঢালে পবন ॥

অঁধার রজনী প্রভাতিল পুন
উদিল গগনে সুখ-তপন ।
আলোকি আমার হৃদয় গগন
না ভাতিল সেই সুখ-কিরণ ॥

অঁধার রজনী আর ত আমার
নাহি পোহাইবে জনম লাগি ।
হৃদয় গগন করি অন্ধকার
অস্তমিত সেই সুখের রবি ॥

হাসিল প্রভাতে ধরাতলবাসী
প্রভাকরে হেরি গগন খালে ।
আমি অভাগিনী ফুরায়েছে হাসি
নিরাশার রাশি আমার ভালে ॥

প্রভাতেতে উঠি লয়ে অশ্রুধারা
সারাদিন তাহা ঝরে নয়নে ।
কি বিষম আলা এ হৃদয়ভরা
হারাইয়া সেই বাঞ্ছিত ধনে ॥

মানস-গগনে ছিল যে আমার
করি সমুজ্জল সে দিনমণি ।
গিয়াছেন চলি অস্ত-পারাবার
করিয়া আমারে চিরদুঃখিনী ॥

হেরিয়া আমার এ দুঃখ দুর্গতি
হেরিয়া আমার নয়ন-ধারা ।
কিছু কি বেদনা ও প্রকৃতি সতি !
নাহি তব মনে ওগো নিষ্ঠুরা ?

মানস-উদ্যানে নাহি ফুটে ফুল
না বহে সুমন্দ সুখ পবন
মরম-বেদনা করিছে হাকুল
নিরাশার শ্বাস করি বহন ॥

না ডাকে বিহগী কাকলি করিয়া
না ধরে কোকিল পঞ্চম তান ।
হৃদয়-উদ্যান গেছে শুকাইয়া
সদা তাহে হয় দুঃখের গান ॥

নব রবি প্রেমে তুমি গো মগনা
নব আশা হৃদে সারাটি বেলা ।

নবীন কামনা নবীন বাসনা
কত নব ভাবে কর গো খেলা ।

মোর মন হতে হয়েছে বিলয়
কামনা বাসনা প্রণয় স্নেহ ।

জীবনের বীণা নীরবেতে রয়
কি কাজ রাখিয়া এ ছার দেহ ?

যাব গো তথায় সে অস্ত-সাগরে
গিয়াছেন যথা মম প্রাণেশ ।

মিশিবে এ জ্যোতি সে চরণোপরে
গিয়া পরপারে সে মহাদেশ ।



শশধরের প্রতি ।

• হাসিছে ধরণী চন্দ্রমা-কিরণে
হাসিছে কুমুদী প্রাণেশ-মিলনে
সরোবর মাঝে প্রফুল্লিত মনে
গগন উপরে শশীরে হেরি ।

সারাদিন বালা ছিল যে মুদিত
প্রাণনাথে হেরি ঃ'ল প্রস্ফুটিত
হইল হৃদয় প্রেমে পুলকিত

প্রেম-সুধা পিয়ে হৃদয় ভরি ॥

প্রেমের তরঙ্গে মাতাইয়া প্রাণ
করিতেছে নাথে প্রেম প্রতিদান
প্রণয় সুধাতে বিভোর পরাণ

আত্মহারা ধনী প্রেমেতে মজি ।

তবে কেন সখি ! আমি লো এখন
সহিতেছি এই বিরহ বেদন
না হেরিয়া মম পতি প্রাণধন

বিরহ-বিধুরা আমি লো আজি

বিষম বিরতে দহিছে হৃদয়
বিষ বরিষণ ও চাঁদ সুধায়
চন্দ্রমা-কিরণ যেন বিষময়

জ্বালায় দ্বিগুণ শশাঙ্ক মোরে ।

হেরি ওঠ চাঁদ শুনলো সজনি !
মোর হৃদি চাঁদে মনে পড়ে ধনী
হতেছে আমার আকুল পরাগি

হৃদি-চাঁদ বিনা রহি অঁধারে ॥

চাঁদের কিরণে নীরবে বসিয়া
কাটাই রজনী কাঁদিয়া কাঁদিয়া
ব্যাকুল অন্তর আকুল এ হিয়া

শশধরে হেরি নয়ন ঝরে ।

পড়ে মনে সেই চারু চন্দ্রানন
পড়ে মনে সম মুকুতা দশন
হেরিয়া ও চাঁদ অধীর যে মন

অবলা জীবন ধরিতে নারে ॥

সুধাসিক্ত সেই কি অমিয় হাসি
ছড়াইত প্রাণে পীযুষের রাশি
পিয়িবারে সুধা পরাগ পিপাসী

কি প্রবল তৃষা রহে হৃদয়ে ।

চন্দ্রমা-নিন্দিত রূপ সুমোহন
হৃদয়েতে মম ভাতে সর্বক্ষণ
ও চাঁদে নিরখি দহে মম মন

যাপি যে যামিনী কাতরা হ'য়ে ॥

হাস তুমি সখি ! হেরিয়া নাথেরে
আমি ভাসিতেছি নয়নের নীরে
না পারি সহিতে মরি যে গুম্বরে

হৃদয়ে জ্বলে যে বিষম জ্বালা ।

হাসিছ সজনী চাতি পতি পানে
আমি কাঁদি হেরি কুমুদী-রঞ্জে
শত ধারা মম বহে ছনয়নে

চাঁদের কিরণে গরল ঢালা ॥

সুধাকর পানে চাতি আমি যত
আকুল উচ্ছ্বাস প্রাণে জাগে কত
মনে পড়ে সেই মিলন নিশীথ

মনে পড়ে সেই প্রাণের কথা ।

মনে পড়ে এই মিলন-মন্দিরে
ভাতিত কৌমুদী কিবা সুরেসুরে
বসিতাম যথা লইয়া নাথেরে

রহিয়া তথায় পাই যে ব্যথা ॥

হাস সখি ! তুমি হাস প্রাণ খুলে
উন্মুক্ত করিয়া হৃদয় অর্গলে
লহ লহ ধনী হৃদয়েতে তুলে

রাখ সযতনে ধরিয়া নাথে ।

পাষণ হৃদয় পুরুষ যে জাতি
তাজবে অচিরে তোমারে গো সতী
বিরহ বেদনা সহিবে যে নিতি

ফেলিয়া তোমারে যাইবে পথে ॥

লম্পট চতুর তোমার নাগর
কলঙ্কমণ্ডিত ওই শশধর
প্রতি ফুলে সুধা ঢালে নিরন্তর

এই কি তোমার প্রেমের রীতি ।

কালিমা বর্জিত নিঞ্চলঙ্ক চাঁদ
মরি কি সুন্দর সে মুখের ছাঁদ
বারেক হেরিতে মনে বড় সাধ

প্রেমময় সেই প্রাণের পতি ॥

হৃদাকাশ মাঝে হৃদি-শশধর
রহিত যে সদা উজলি অন্তর .
এবে অমানিশা বিনা প্রাণেশ্বর

পূর্ণিমা নিশি নাহি লো এবে ।

কোথা হৃদাকাশে সেই পূর্ণ শশী
প্রাণেশ বিরহে এ ঘোর তামসী
অধীর হৃদয় হেরি এই নিশী

অবলা হৃদয়ে কতই সবে ॥

সহে না এ ঘোর বিরহ যাতনা
প্রিয়তমে ছাড়ি বাঁচে কি ললনা
বাঁচে কি চাতকী জলধর বিনা

কভু মণি ছাড়ি রহে কি ফণী ?

হেরিয়া সুধাংশু ! গগনে তোমায়
অলিতেছে প্রাণ বিরহ জ্বালায়
প্রাণনাথ বিনা প্রাণ বাহিরায়

তোরে হেরি অলি প্রতি রজনী ॥

থাক থাক শশী গগন উপর
প্রতি জ্যোতি আর মম অঙ্গোপর
চেলনা চেলনা বিষ নিরন্তর

জুড়ি দুই কর করি মিনতি ।

মম দুঃখে তুমি বুঝি সুধাকর
প্রাণ খুলে হাসিতেছ নিরন্তর
ও বিক্রমে মোর দহে যে অন্তর

হ'তেছে পরাণ কাতর অতি ॥

মম হৃদয়েশ ত্যজি হৃদাকাশ
রাখিয়াছে মোরে করিয়া নিরাশ
তাই জানি বুঝি কর উপহাস

বুঝিয়াছি তব মনের কথা :•

প্রাণেশের সনে মিলন যখন
করিতাম সুখে নিশী জাগরণ
মাখিয়া শরীরে তোমার কিরণ

হত সুখী মন দিও না ব্যথা ॥

প্রিয়তম বিনা অঁধার হৃদয়
হইয়াছে এবে অতি দুঃখময়
এ দারুণ জ্বালা আর নাহি সয়

অবলা সরলা সরল প্রাণে ।

কেন প্রাণসখা নিদয় এখন
ভুলিয়াছ তব প্রেমাধিনী জন
তাহারে বধিছ কেন অকারণ

তোমার বিরহ বিচ্ছেদ বাণে ॥

ওহে প্রাণময় মম প্রাণেশ্বর !
মোরে ছাড়ি গেছ অমর-নগর
প্রেমিকের একি রীতি গুণাকর

আশ্রিতা লতারে তরু কি ছাড়ে ?

তুমি সুধাকর তব অঙ্গ জ্যোতি
বিহনে তোমার মলিন মূর্তি
বিরহ অনলে জ্বলি দিবারাতি

মম এ হৃদয় সদাই পোড়ে ॥

রহে শশী বহু যোজন অন্তরে
প্রতি রজনীতে আসি নভোপরে
দেয় দেখা দেখ আপন প্রিয়ারে

রহে সুখে সতী পতি-মিলনে ।

কেন নাথ ! তুমি হঠিয়া নিদয়
ভুলিয়া রয়েছ তব প্রমদায়
হেন নির্দয়তা উচিত না হয়

হওহে উদয় হৃদি গগনে--

এস হে নিদয় ! মম সদনে ॥



নদীর প্রতি ।

সাগর উদ্দেশে নদী চলিতেছ নিরবধি
অবিরাম দ্রুতগতি নাহিক বিরাম ।

করি কল্ কল্ ধ্বনি বহিছ দিবা রজনী
কোন বাধা নাহি মানি চল অবিরাম ॥

বিরহে হ'য়ে তাপিতা চলেছ ভূধর-সুতা
প্রিয়তম সিন্ধু সনে করিতে মিলন ।

সিন্ধুর বিরহে বাল্য হইয়া অতি চঞ্চলা
তুমি লো বিরহাকুলা করিছ গমন ॥

মন-ছুঃখে ও সুন্দরী তরঙ্গ-তরঙ্গোপরি
আচ্ছাদিত কত শত বার ।

বিরহ তুফান ভরে সদা আলোড়িত করে
বারি রাশি অসীম তোমার ।

নাচি নাচি বীচিমালা তব সনে করে খেলা
উত্তাল তরঙ্গ সনে মিলি ।

নাথ পাশে ও সজনি ! চলিতেছ বিনোদিনী
সদা মনে হয়ে কুতূহলী ॥

বিরহে হ'য়ে কাতর করি কল কল স্বর
মন-জ্বালা জুড়াও সতত ।

সাজিয়া নায়িকা বেশে চলেছ পতি উদ্দেশে
ভেটিবারে পতি মনোমত ॥

কোন বাধা নাহি মান সম্মুখে বাহি উজান
কল্ কল্ রবে কল্লোলিনী ।

নিয়তি শৃঙ্খল পায় নাহিক তোমার হায়
নাহিক বৈধব্য জ্বালা ওগো তরঙ্গিনী !

শুন শুন স্রোতস্বিনী নাথের বিরহে ধনী
হঠিয়াছি আমি লো আকুলা ।

বিরহ তরঙ্গে মন করে সদা সর্বক্ষণ
করে মম হৃদয় চঞ্চলা ।

নিরাশা তুফানে পড়ি রহি দিবা বিভাবরী
বিরহ পবন তাহে বয় ।

অনন্ত বারিধি রাশি আমার এ ছুঃখ রাশি
বহিতেছে দিবা নিশি হায় !

নয়নেতে বারি বয় স্রোত-ধারা জ্ঞান হয়
নিবারণ না পারি করিতে ।

তরঙ্গিনী সম যেন এ শোক তরঙ্গে মন
আলোড়িত করে মোর চিতে ॥

উছ সখি কি ছুঃসহ সহে না দহে যে দেহ
ছুঃসহ নাথ-বিরহ সহি কেমনে ।

আকুল হৃদয় লয়ে থাকিলো নীরব হ'য়ে
অমনি উথলে মম নীর নয়নে ॥

হৃদি প্রেম-পারাবার ভালবাসা উৎস তার
ঢালিতেছে প্রাণে নিরন্তর ।

ঢালে প্রেম ঢালে শ্রীতি উৎসরূপে দিবারাতি
হৃদয়েতে খেলে যে লহর ॥

হৃদয় শ্রোতের মত ধাইতেছে অবিরত
প্রাণনাথ নিকটে সদাই ।

ভীষণ তরঙ্গঘাত করে ঘাত প্রতিঘাত
হৃদয়েতে সদা সর্বদাই ॥

শৈলসুতা পতি পাশে চলেছ মিলন আশে
নাথে হেরি জুড়াবে জীবন ।

সিন্ধু পাশে তরঙ্গিনী এখনি মিলিবে ধনী
হবে তব মধুর মিলন ॥

ছাড়িয়া জনমভূমি খর বেগে দ্রুতগামী
পতি-হৃদে লইবে গো স্থান ।

কার সাধা রোধে গতি চলেছ হেরিতে পতি
হেরি পতি জুড়াইবে প্রাণ ॥

কি বিষম মম জ্বালা তাহা লো না যায় বলা
জ্বলিছে বিরহানল বাড়বাগ্নি সম ।

ধরিয়া তোমার গলা কাঁদিব লো গিরিবানী

সুধাই তোমারে আমি কোথা নাথ মম ?

তুমিও নাথ বিরহ সহিতেছ অহরহ

• ছঃসহ পতি বিরহ বহ জীবনে ।

সে কারণে সুবদনী বারি শ্রোত সুরধুনী

ভাঁটা হয় শুন লো ললনে !

কিন্তু মনে আশা তব লভিবে সে প্রাণধব

আনন্দ লহরী তব হৃদয়েতে খেলে ।

সেই লাগি ও সুভাগে ! দরশন করে সবে

জোয়ার হঠল লোকে বলে ॥

আমিও তব মতন রাখিয়াছি এ জীবন

প্রাণেশের মিলন আশায় ।

জীবনের পরপারে ভেটিব সে প্রাণেশ্বরে

প্রাণে প্রাণে মিলিব তথায় ॥

বাঁধা ভব কারা কাঁদে পরাণ সতত কাঁদে

না হেরিয়া পতি প্রাণধন ।

নিয়তি-শৃঙ্খল পায় বাঁধা সদা রহে হায়

নাহি পারি করিতে গমন ॥

বিরহ তুফান শেষে যাইব মিলন দেশে

তেয়াগিয়া নিয়তি-নিগড় ।

অসীম বারিধি রাশি সাঁতৰিয়া ছুঁখ-ৰাশি
সুখে ভাসি যাব সে নগৰ ॥
লব পতি-পদে স্থান জুড়াবে তাপিত প্ৰাণ
সদা হৃদে জ্বলে যে অনল ।
বারি বিন্দু বারি পৰে লয় হবে একেবাৰে
চিৰ তৰে হঠিব শীতল ॥

নিদ্ৰাৰ প্ৰতি ।

এস নিদ্ৰা ! এস মম বিৰাম-দায়িনী—
তোমাৰ শীতল স্পৰ্শে এ জ্বালা ঘুচিবে ;
ক্ষণতৰে নিদ্ৰাবশে ছুঁখ দূৰ হবে,
এস, শান্তি দাও মোৰে শান্তিপ্ৰদায়িনী ।

এস কাছে ওগো নিদ্ৰা লুটীয়ে অঞ্চল,
বহাইয়া নিশ্বাসেতে সুরভিৰ শ্বাস ;
অঞ্চল ভৰিয়া সুপ্তি ল'য়ে রাশ রাশ,
ঢালি দাও নয়নেতে কৰিয়া শীতল ।

জলে প্রাণ দিবানিশি বিরহে নাথের,
নাহি আস কাছে তাই হে বরবর্ণিনি !
এ তাপ নিকটে বুঝি তাপ অনুমানি,
তাই বুঝি রহ দূরে মম নয়নের !

এস এস দুঃখহরা শান্তিময়ী রূপে,
প্রকাশিয়া নিজ রূপ এস বরাজনা !
তাপিত হৃদয় মম করিতে সাহুনা,
উজলিয়া দিক্ রূপে এস চূপে চূপে ।

অমরাবতীতে তব বাস সুবদনী,
মকরন্দ করি পান রহ কুঞ্জবনে ;
উন্মত্ত মধুপ কাছে ভ্রমে সুলোচনে,
করি গুণ্ গুণ্ রব দিবস রজনী ।

লুটায়ৈ অঞ্চল অঙ্গ আবেশে বিহ্বল,
মৃদুল পবনে স্নিগ্ধ করি সর্বকায় ;
এস এস অয়ি নিদ্রে নামিয়া ধরায়,
আনমিত অঁখি ছুটি ভাবে চল চল ।

অঙ্গের হৃকূল উড়ে চঞ্চল সমীরে,
আলু থালু কোমল শিথিল কবরী ;

নিদ্রার প্রতি ।

চরণে নূপুর বাজে রিণি ঝিনি করি
পারিজাত-মালা গলে দোলে ধীরে ধীরে ।

করে ধরি থাক সদা শীতল চামর
কাছে আসি সযতনে কর সঞ্চালন ;
ধীরে ধীরে করি লও চেতনা হরণ
পরহিত-ব্রতে প্রাণ রত নিরন্তর ।

পরশি কোমল কর নিবার এ জ্বালা
ক্ষণিকের লাগি কর এ যাতনা দূর :
শুনায়ে তোমার গান মুছ সুমধুর
জুড়াও তাপিত প্রাণ হে দেবের বাল্য !

এস কাছে তুমি হ'য়ে মিলনের দৃষ্টী
প্রাণপতি সহ মোর কর সম্মিলন ;
ক্ষণিক হেরিয়া সেই বাঞ্ছিত রতন
জীবনের জ্বালা কিছু নিবারিব সতী ।

লয়ে সে ত্রিদিব ধামে মম এ আত্মায়
কিন্ধা আনি দাও কাছে প্রাণনাথে মোর ;
মিলন করিয়া জ্বালা জুড়াও সহর
স্বপ্ন-রাজ্যে বিচরণ করাও আমায় ।

• তুমি অধীশ্বরী দেবী সে রাজ্য সীমায়
কামনা বাসনা আছে সেবিকা তোমার ;
যাহারে অনুজ্ঞা দিবে হবে আগুণার
নাথ সনে মিলাইবে আমারে তথায় ।

বিচরিব স্বপ্ন-রাজ্যে নাথেরে লইয়া
করে করে ধরি দৌহে ভ্রমিব চরণে ;
আবদ্ধ হইয়া দৌহে দৌহা ভূজপাশে
মিলনের শুভ চিহ্ন মুদ্রিত হইয়া ।

পাঠায়ে কল্পনা সখি লয়ে যাও মোরে
লয়ে যাবে নাথ পাশে রব কুতূহলে ;
কহিব দুঃখের কথা এ হৃদয় খুলে
দিবানিশি রহি আমি বিষাদ অন্তরে ।

সুষুপ্তি অঞ্জন দেহ নয়নে পরায়ে
হৃদয়ে লেপিয়া দেহ মোহের চন্দন ;
শিয়রে বসিয়া কর আশার বাজন
নিদ্রাবশে দুঃখ জ্বালা রাখ ভুলাইয়ে ।

আর না বহিতে পারি এ জ্বালা জীবনে
আর না সহিতে পারি নাথের বিরহ ;

আর না ভুঞ্জিতে পারি দুঃখ অহরহ
সে চির নিদ্রায় রাখ শান্তি-নিকেতনে ।

স্বপ্নান্তে ।

আহা মরি কিবা হেরিলাম আজি অপূর্ব মধুর স্বপন !
নিদ্রা ভঙ্গে হায় লুকাল কোথায় আমার স্বপন রতন !
ক্ষণে দেখা দিয়ে চকিতে লুকায়ে খেলিল এবা কি চাতুরী ।
পালটিয়া অঁথি আর না নিরখি না হেরি মোহন মাধুরী ॥
সুগভীর নিশি এ ঘোর তামসী পড়িলু ক্ষণিক ঘুমায়ে ।
নিমিলিত অঁথি শয়নেতে রহি বাসনারে লয়ে হৃদয়ে ॥
হেন কালে নাথ আসি অকস্মাৎ হেরিনু পাশেতে দাঁড়ায়ে ।
আসি প্রাণেশ্বর জুড়ালে অন্তর দরশন সুধা ছড়ায়ে ॥
সুমধুর হাসি অধরে বিকাশি আহা কি ললিত মাধুরী ।
সে হাসির সহ ধীরে গন্ধবহ বহিল সুরভী বিতরি ॥
ক্ষণ দরশনে তাপিত পরাণে কি অমিয় ধারা ঢালিয়া ।
স্বপন পুলকে ফেলিয়া আমাকে কোথা গেল সেই চলিয়া ॥
শত পারিজাত শোভিতেছে কায় সুরভীতে প্রাণ মাতায়ে ।
পারিজাত-মালা শোভিছে গলায় ফুলের মুকুট পরিয়ে ॥

ফুলময় তনু, করে ফুল-ধনু দাঁড়ায়ে ফুলের মাঝেতে ।
 প্রীতি ফুল্ল মনে প্রফুল্ল বদনে প্রণয়ের ফাঁদ পাতিতে ॥
 ক্ষণিক আসিয়া সে ফাঁদে ফেলিয়া ভাঙ্গিয়া স্বপন লহরী ।
 চলি গেলে হায় কাঁদায়ে আমায় দলিয়া হৃদয়-বল্লরী ॥
 তৃষিত হৃদয়ে ক্ষণিক আসিয়ে জাগায়ে প্রাণের পিপাসা ।
 কোথা প্রাণময় লুকাইয়া রয় আমারে করিয়া নিরাশা ॥
 প্রণয় আসারে তিতিয়া আমারে কহি প্রণয়ের কাহিনী ।
 ছুঃখ দূর করি করুণা বিতরি চলি গেলে হায় তখনি ॥
 কি মোহন রূপ ললিত সুরূপ নয়নে কি মোহ মদিরা ।
 নয়ন তারকা ভাবাবেশে মাখা হেরি হইলাম বিভোরা ॥
 হেরিয়া নাথের আকুল অন্তরে পুলকে উঠিছু শিহরি ।
 ছুঃখ জ্বালা যত জ্বলে অবিরত ক্ষণিকের লাগি পাশরি ॥
 প্রাণের পিপাসা হৃদয়ের আশা কেন বা আমার জাগালে ?
 স্বপনের আশা মরীচিকা তৃষা কেন বা হৃদয়ে ঢালিলে ॥
 কেন বা আমারে এ মরু মাঝারে মরীচিকা ভ্রমে ভুলায়ে ।
 স্বপনেতে দেখা দিলে প্রাণসখা প্রাণের বাসনা জাগায়ে ॥
 জ্বলিছে অনল ভীষণ প্রবল ছারখার হৃদি করিয়া :
 স্বপনেতে আসি অনলের রাশি নিভালে ক্ষণিক লাগিয়া ॥
 কেন নিরদয় চকিতের গায় আসিয়া আমার নয়নে ।
 দিয়া দরশন হোলে অদর্শন অনলে আহুতি প্রদানে ॥

নিদ্রাভঙ্গে চাই দেখিতে না পাই একি এ বিষম যাতনা ।
কেন দেখা দিলে কেন বা লুকালে কেন এ চাতুরী ছলনা ?
স্বপ্ন রজনী স্তব্ধ নিশীথিনী নাহিক জনতা কল্লোল ।
নীরব মেদিনী অঁধার যামিনী শয়নে স্বপন আসিল ॥
নিমিলিত অঁথি প্রাণেশে নিরখি হৃদয়ের জ্বালা ভুলিছু ।
মধুর স্বপন মধুর মিলন প্রাণনাথ সনে মিলিছু ॥
তন্দ্রালস অঁথি মুদি আমি রহি নাথের কোমল পরশে ।
রহি সুখভরে স্বপ্নরাজ্য পুরে বিচরি মনের হরষে ॥
স্বললিত বেশে আসি মম পাশে মধুময় হাসি হাসিয়া ।
কহি কত কথা মরমের ব্যথা সুধাইল করে ধরিয়া ॥
উরু উপাধানে রাখি মম শির মৃদুল মধুর বচনে ।
কহিলেন হাসি কেনলো প্রেয়সী বদন ঢাকিয়া বসনে ॥
উঠ উঠ প্রিয়ে হেরলো ফিরিয়ে তোমার প্রেমের কারণে ।
তাজি সুরপুরী শুন প্রাণেশ্বরী এসেছি তোমার স্বপনে ॥
হের বরাননে প্রীতির নয়নে আমি যে প্রেমের অতিথি ।
ক্ষণিক রহিয়া যাইব চলিয়া হাসি মুখ তব নিরখি ॥
করে লয়ে কর ওহে প্রাণেশ্বর সোহাগেতে ধরি গলেতে ।
প্রীতি প্রেম ভরে মিলি সুখ ভরে আকুল উচ্ছ্বাস মনেতে ॥
হৃদয়ে হৃদয়ে মিলিছু উভয়ে হৃদয়ের ব্যথা ভুলিয়া ।
রাখিছু যতনে এ ভুজ-বন্ধনে স্বপনের মোহে মজিয়া ॥

ভাঙ্গা হৃদি বীণা উঠিল ঝঙ্কারি আহা কি আকুল উচ্ছ্বাসে ।
 স্বপন কুহকে পুনকিত মোহে বাজিল ললিত বিভাসে ॥
 কহিনু নাথেরে যে জ্বালা অন্তরে হইতেছে দিবা যামিনী ।
 কেন প্রাণময় হোয়ে নিরদয় ভুলি রহিয়াছ সঙ্গিনী ॥
 সাদরে সোহাগে কত অনুরাগে প্রেমভরা প্রীতি বচনে ।
 স্নেহ করুণায় করিয়া বিনয় কত যে আকুল পরাগে ॥
 কত ভালবাসা কত সাধ আশা কত যে পিপাসা প্রাণেতে ।
 কত সমব্যথা কত কাতরতা কত দুঃখ মম দুঃখেতে ॥
 জাগিনু যখন মেলিনু নয়ন না পাই হেরিতে নাথেরে ।
 চকিতে উঠিয়া ভুজ প্রসারিয়া ধরিবারে যাই কাতরে ॥
 কোথা প্রাণনাথ কোথা অকস্মাৎ কোথা তুমি গেলে চলিয়া ।
 আসিয়া ক্ষণিকে সুপ্ত বাসনাকে জাগাইলে ছল করিয়া ॥
 বধিয়া আমাকে স্বপন বিপাকে কেন গেলে হায় ত্যজিয়া ।
 তব প্রেমাস্রিতা চির অনুগতা কত ব্যথা রহে সহিয়া ॥
 এসেছিলে যদি ওহে গুণনিধি দুঃখিনীর দুঃখ দেখিয়া ।
 স্বপনে তাহারে সুখী করিবারে সুখের স্বপন সৃজিয়া ॥
 না পূরিতে সাধ সাধিলে হে বাদ হোলে অদর্শন তখনি ।
 হেরি অন্ধকার বিহনে তোমার অঁধারে ব্যাপ্তা ধরণী ॥
 সুখের স্বপন ভাঙ্গিল আমার ছুটিল মোহের আবলি ।
 ছুটিল হৃদয় ছুটিল তথায় খুঁজিতে তোমারে কেবলি ॥

দেবী সে সুষুপ্তা মম কাতরতা হেরিয়া আমার যাতনা ।
ক্ষণিকের তরে স্বপ্ন রাজ্য পুরে বিচরিল মোরে করুণা ॥
চেতনা রাক্ষসী সে ক্রুরা পিশাচী জাগাইল মোরে তখন ।
উঠিলু বসিয়া ব্যাকুল হইয়া হারাটয়া সেই রতন ॥
স্বপ্ননেতে পাই স্বপ্নে হারাই জীবন হয়েছে স্বপ্ন ।
স্বপ্ননেতে সাধ স্বপ্নে বিষাদ আশা নিরাশার তাড়ন ॥
এ সুখ স্বপ্ন ভাঙ্গিল আমার হৃদয় হইল শতধা ।
ভাঙ্গা দেহ মন ভাঙ্গা এ জীবন দুঃখভরা ভাঙ্গা বসুধা ॥
অলিল অনল হইয়া প্রবল শত শিখা তার বিস্তারি ।
অনল মাঝারে নিষ্কপি আমারে দহিয়া হৃদয় আমারি ॥
ভাঙ্গিয়াছে হায় এ জনম মত সুখের স্বপ্ন জীবনে ।
চেতনা জাগ্রত দুঃখ অবিরত দিবে দুঃখ কত এ জনে ॥
জানি না কখন মম এ জীবন স্বপ্নে হইবে বিলীন ।
চির স্বপ্ননেতে রহিব সুখেতে কবে বা হইবে সে দিন ॥
জাগিতে চাহি না এ ঘোর যাতনা সহিতে পারি না হৃদয়ে ।
হরিয়া চেতনা কর গো করুণা প্রাণেশেরে দেহ মিলায়ে ॥



মালা

বাসনা-শ্রোত ।

শ্রোত মুখে ফুল

ভাসে সেই মত

আকুল উচ্ছ্বাসে ভাসিয়া যায় ॥

বৃন্তচ্যুত হ'য়ে

পড়িয়া ঝরিয়া

শ্রোতের সলিলে যখন ভাসে ।

বাসনা তাহার

লভিতে আবার

আকাঙ্ক্ষিত কোন আশার আশে ॥

লভিবারে স্থান

জুড়াইতে প্রাণ

জাহুবী-জীবনে মাগে শরণ ।

কালের আঘাতে

পড়িয়া ধূলাতে

লুঠেছিল যার ওই জীবন ॥

মলয় পরশে

হাসিয়া হরবে

হৃদয়ে লইয়া আশার রেখা ।

ভাসিতে ভাসিতে

অকুল বারিতে

তরঙ্গের মাঝে যায় যে দেখা ॥

হ'য়ে বৃন্তচ্যুত

ধরণী লুণ্ঠিত

হইয়াছে হৃদি কুমুম মোর ।

বিষাদ ধূলায়

আবরি তাহার

ঢালিয়া দিয়াছে নয়ন লোর ॥

দুঃখের কৰ্দমে

জীবন কুমুমে

মাখায়ে রেখেছে মলিন করি ।

সুরভী হরিয়া গেছে যে দলিয়া
 নিরাশা পবন সুষমা হরি ॥
 কিন্তু মনে হয় আশার উদয়
 লভিব তাহার চরণে স্থান ।
 বাসনা-সলিলে কুসুমের দলে
 বিদূরিব তার বিষাদ ম্লান ॥
 আপনার মনে বাসনা উজানে
 ভাসিয়া চলিব উদ্দেশে তার ;
 এই দুঃখ রাশি উতরিব ভাসি
 বহিয়া আমার জীবন ভার ॥
 প্রবল বাসনা সদাষ্ট কল্পনা
 করিয়ে এখন হৃদয় মাঝে ।
 বাসনা করিতে ভাসিতে ভাসিতে
 ভেটিব যাইয়া হৃদয়রাজে ॥
 আকুল কামনা ব্যাকুল যাতনা
 সতত যাহার লাগিয়া হয় !
 সেই—সাধনার ধন বাঞ্ছিত রতন
 চরণে জীবন মিশিতে চায় ॥

ধ্রুব তারা ।

হারায়েছি জীবনের নির্দিষ্ট সে ধ্রুব তারা ।
লক্ষ্যভ্রষ্ট গ্রহ সম ভ্রমি সদা দিশাহারা ॥
শূন্য পথে ফিরে যথা হ'য়ে গ্রহ কক্ষচ্যুত ।
তেমতি নাহিক লক্ষ্য নাহি কিছু অনুভূত ॥
পড়ে খসি মধ্যপথে রহে সদা ভ্রাম্যমান ।
রহে বোম রহে ক্ষিতি বহু দূরে ব্যবধান ॥
আকুল উদ্ভ্রান্ত প্রাণে অবিশ্রান্ত গতি তার ।
নাহি লক্ষ্য নাহি স্থিতি নাহি স্থান পড়িবার ॥
অবিরাম দ্রুতগতি অনির্দিষ্ট পথে হায় ।
ভ্রমিতেছে অবিরত ফিরাইবে কেবা তায় ॥
সেই রূপ জীবনের মম অনির্দিষ্ট গতি ।
অশেষি উদ্ভ্রান্ত মনে আমার প্রাণের পতি ॥
কক্ষচ্যুত গ্রহ সম হইয়া আশ্রয়হীন ।
ভ্রমিতেছি শূন্য প্রাণে খুঁজি তারে নিশিদিন ॥
অনির্দিষ্ট জীবনের গতি মম চলি যায় ।
আশ্রয় করিতে চাহে পুনঃ সেই পদাশ্রয় ॥
জুড়াইতে চাহে প্রাণ সেই স্নেহ করুণায় ।
সেই প্রেম ভালবাসা অভিমুখে সদা ধায় ॥

খসিয়া পড়িছু হায় মধ্য পথে জীবনের ।
 ভ্রমিব বা কতকাল দীর্ঘ পথে অতীতের ॥
 কাটাইব কতকাল উন্মত্ত কাতর প্রাণে ।
 কত বা যোজন পথ নাহি জানি অনুমানে ॥
 কত দিনে সমাপিব লক্ষ্য শূন্য গতি এই ।
 চির লক্ষ্য স্থানে গিয়া নিরখিব লক্ষ্য সেই ॥
 ফুরাইবে এ ভ্রমণ হবে গতি স্থিরতর ।
 নির্দিষ্ট পথেতে গিয়া প্রবেশিব সে নগর ॥
 সম্মুখে না হেরি পথ আঁধারে পূরিত দিক্ ।
 ভ্রমে যথা নিশাকালে আঁধারে ভ্রান্ত পথিক
 ভবিষ্যৎ ঘটাকাশ আঁধারে আচ্ছন্ন রয় ।
 দুঃখের তুষারপাতে ঝাপে দিক্ সমুদয় ॥
 হিমानीতে সমাচ্ছন্ন রহে দিক্ দিগন্তুর !
 কুঞ্জটিকা ঘিরি রহে সতত মম অন্তুর ॥
 বিষম করকাপাতে করে হায় গতি রোধ ।
 ভীষণ দুঃখের ঝঞ্ঝা যুঝে যেন শত যোধ ॥
 অগ্রসর হইবার নাহি জানি কোন ক্রম ।
 কবে বা হইবে শেষ জীবনের গতি মম ॥
 গিয়া সেই জীবনের পরপার মহাদেশ ।
 এ লক্ষ্য উদ্দেশ্যহীন হইবে ভ্রমণ শেষ ॥

হইব যে সম্মিলিত মম সেই লক্ষ্য স্থল ।
হেরিব সে ধ্রুব তারা জীবন হবে সফল ॥
উদ্দেশ্যবিহীন প্রাণ হইবে উদ্দেশ্যময় ।
যে উদ্দেশ্যে এই প্রাণ ব্যাকুলিত সদা হয় ॥
হেরিয়া নাথেরে তবে জীবন হবে নিশ্চিত ।
মিলিব সে লক্ষ্যস্থলে নিশ্চিত করিয়া চিত ।
চির স্থির যথা হয় সকল জীবের বাস ।
নাহি তথা ক্ষয় কিছু নাহি তথা হয় হাস ॥
সকল পদার্থ যথা সমভাবে রহে স্থির ।
পিপাসা মিটিবে যথা পান করি স্বাচ্ছ নীর ॥
মিটিবে এ চির ক্ষুধা আহারেতে সুধাফল ।
সুধাসিক্ত হবে প্রাণ নিবারিব এ অনল ॥
এ ঘোর ঘূর্ণায়মান গতি মম হবে স্থির ।
স্থির ভাবে স্থির চিন্তে যাব তথা নতশির ॥
চির বিশ্বাসের স্থলে লভিব চির বিশ্বাস ।
মিলিব সে প্রিয়তমে রব সুখে অবিরাম ॥

জীবন-তরী ।

ভাসিছে জীবন-তরী অকূল দুঃখ-সাগরে ।
 কি জানি কবে বা তাহা যাইবে সে পরপারে ।
 নাহি কূল নাহি সীমা নাহি আর পারাপার ।
 নাহি হেরি বেলাভূমি হুস্তর এ পারাবার ॥
 অসীম অনন্তে ইহা ধূ ধূ করে চারিধার ।
 ভাঙ্গা তরী ভাসে তাহে নাহি হেরি কূল তার
 উত্তাল তরঙ্গ করে দেহতরী আন্দোলিত ।
 ঘূর্ণাবর্তে করিতেছে এ হৃদয় আকুলিত ॥
 ভীষণ শোকের ঝড় বহিতেছে নিশিদিন ।
 শোকাচ্ছন্ন জীর্ণতরী রহে সদা শীর্ণ ক্ষীণ ॥
 নাহিক বাহিতে শক্তি প্রবল তরঙ্গে আর ।
 জীর্ণ শীর্ণ তরী বুঝি হইবেক চুরমার ॥
 অনন্ত এ দুঃখ রাশি বিস্তৃত জীবনময় ।
 জলধি বিস্তৃত যথা ব্যাপে দিক্ সমুদয় ॥
 সুবিশাল এ জলধি নাহিক ইহার কূল ।
 দুঃখের কল্লোলে প্রাণ সতত করে আকুল ॥
 প্রবল বন্টার শ্রোত নয়নেতে বারি বয় ।
 গরজিছে ভীমরবে দুঃখ-ঝঞ্ঝা অতিশয় ॥

দুঃখ-কুজ্বাটিকা রহে ব্যাপি দিক্ দিগন্তুর ।
 জীবন-তরণী তাহে ভাসিতেছে নিরন্তর ॥
 প্রাণপণে বহিতেছে যাইতে সে পরপার ।
 উন্মত্ত তরঙ্গ আসি রোধিতেছে গতি তার ॥
 বাহুতে নাহিক শক্তি হৃদয়ে নাহিক বল ।
 প্রতিকূল বায়ু বাধা দিতেছে যে অবিরল ॥
 দিক্-দরশন যন্ত্র হারায়েছে তরণীর ।
 কর্ণধার নাহি তাহে কিসে তরী রবে স্থির ?
 ছিঁড়িয়াছে সুখ-পাল ডুবিয়াছে দাঁড়ি সব ।
 গেছে সাধ গেছে আশা উঠিয়াছে হাহারব ॥
 খাইতেছে ঘূর্ণপাক অকূল জলধি মাঝে ।
 কি জানি কখন সে যে ধাইবে কোন্ বা সাজে
 ভীষণ কালের ঝড়ে ভাঙিয়াছে হাল তার ।
 এ দুঃখ-তুফানে সদা করিতেছে হাহাকার ॥
 চলেছিল প্রভাতের সুমন্দ মলয় ভরে ।
 আনন্দেতে চলেছিল কোন সে সুখ নগরে ॥
 সুখ-সাগরের মাঝে মধ্যাহ্নেতে উপনীত ।
 সুখেতে বহিল তাহা সুখ-স্রোতে প্রবাহিত ॥
 মায়াছে প্রবল ঝড় আসি হায় অকস্মাৎ ।
 ভাসাইল দুঃখনীরে ভীমবেগে ঝঞ্ঝাবাত ॥

কত কাল চলিবে যে যাইতে সে পারে আর ।
 কবে কোন্ শুভক্ষণে মিলিবে সে কর্ণধার ॥
 জীবনের পরপারে আছে সেই মহাদেশ ।
 চলিবে জীবন-তরী করি এই দুঃখ শেষ ॥
 প্রশান্ত সাগর সেই দুঃখ-বাত্যা নাহি বয় ।
 না আছে বিরহ দুঃখ সতত মিলনে রয় ॥
 সুমন্দ আনন্দ বায়ু বহে তথা অনুকূল ।
 সুখ-পাল-ভরে চলে হরষে হ'য়ে আকুল ॥
 নাহি দুঃখ-কুঞ্জাটিকা নাহি তথা ঝঞ্জাবাত ।
 নহে শোক-সমাচ্ছন্ন না হয় অশনিপাত ॥
 বহিতেছে দিবানিশি তথা সুখ-সমীরণ ।
 প্রবল বন্যার ঞ্চায় নাহিক ঝরে নয়ন ॥
 নাহি সদা দুঃখাবর্ত সদা সুখে ভাসমান ।
 ভাসিবে আনন্দ নীরে করি দুঃখ সমাধান ॥
 আছে সেই শান্তি-স্থান বহু দূরে সন্নিবেশ ।
 পথে বাধা বিঘ্ন শত যাইতে সে মহাদেশ ॥
 সেই শান্তি-মহাদেশে গিয়া শান্তি-নিকেতন ।
 হেরিব সে শান্তিময়ে যে শান্তি চাহে জীবন ॥
 শান্তি-রাজ্যে শান্তি-সুখে রহিয়াছে প্রাণময় ।
 শান্ত সৌম্য মূর্তি হেরি জুড়াইব এ হৃদয় ॥

চির-শান্তি-নিকেতনে রব সুখে চিরদিন ।
রব সুখে হরষিত দুঃখে না হব মলিন ॥
ভগ্ন তরী গড়া হবে দিয়া নব উপাদান ।
আশা প্রেম ভালবাসা সকলি পাইবে স্থান ॥
জীবন-তরীতে মোর কর্ণধার প্রিয়তম ।
মিলিয়া নাথের সহ বাহিব এ তরী মম ॥
ভিড়াইব এই তরী নাথের চরণ তলে ।
ভেসেছিল যাহা এই দুঃখের জলধিজলে ॥
নঙ্গর করিয়া রব সদা সে চরণোপর ।
ছাড়িব না দুঃখ-স্রোতে রব যুগ যুগান্তর ॥
মনোমত কর্ণধার জীবন-তরীতে গতি ।
আরাধ্য দেবতা স্বামী পূজনীয় প্রাণপতি ॥



সঙ্গীহারা ।

জীবনের খেলা মম চিরতরে সমাধান ।
খেলাঘর ভাঙ্গিয়াছে হায় সাথী হারায়েছে
সুখ সাধ ফুরায়েছে হইয়াছে অবসান ॥

জীবনের খেলা-ঘরে খেলেছিছু লয়ে যারে
কি জানি কোন্‌ সে পুরে করিতেছে অবস্থান ।
আসিবে সে করি মনে চাহি সদা পথ পানে
এখন কে যেন কাণে গাহিছে আশার গান ॥

খেলিতে খেলিতে হায় অকস্মাৎ চলি যায়
একাকী রাখি আমায় লুকায়েছে কোন্‌ স্থান ।
সারাদিন রহি বসে তাহার আসার আশে
অঁধার ঘিরিয়া আসে দিবাকর অস্ত যান ॥

উঠিলাম প্রভাতেতে মিলিলাম সঙ্গীসাথে
রহি এ জীবন-পথে মিশিলাম প্রাণে প্রাণ ।
খেলিলাম কত খেলা ছুজনেতে সারা বেলা
পরিলে প্রণয়-মালা করিলে হৃদয় দান ॥

মনোমত সঙ্গী লয়ে খেলাতে ছিছু ভুলিয়ে
মধ্যাহ্নে গেল চলিয়ে ভুলিয়ে খেলার স্থান ।

ব'সে ব'সে সারা বেলা ভাবি সেই হাসি খেলা
হইলে সাঁজের বেলা হতশেতে ভরে প্রাণ ॥
জীবনের সঙ্গী হারা হইয়া পাগল পারা
নয়নেতে বহে ধারা বিষাদেতে ম্রিয়মান । •
ঘনায়ে আসিল রাত্তি কোথায় খেলার সাথী ?
বসিয়া রহি যে নিতি পাতিয়া এ ছুদিখান ॥
আসিবে সে ধীরে ধীরে প্রবেশিবে খেলাঘরে
হৃদয়-ভূমির পরে পাতিবে খেলার স্থান ।
এই প্রিয় খেলাঘরে খেলিত সে সাধ করে
নানা অনুরাগ-ভরে লয়ে নানা উপাদান ॥
ল'য়ে প্রেম ল'য়ে আশা লয়ে প্রীতি ভালবাসা
সোহাগ স্নেহের ভাষা জুড়াইত মন প্রাণ ।
কোথা সে খেলার বাঁশী বাজিত যে দিবানিশি
হৃদয়ের তারে মিশি তুলিত তরল তান ॥
আসিবে সে মনে করি আশা-পথ চাহি তারি
এখন জীবন ধরি করি সদা তার ধ্যান ।
ডাকিবে সে কাছে আসি আদরে মোরে সম্ভাষি
প্রতীক্ষা করিয়া বসি এখন দারুণ মান ॥
ডাকেনি সোহাগ-ভরে খেলিতে সে পরপারে
সতত রয়েছে ঘিরে শত বাধা ব্যবধান ।

সে কি গো আসিবে ফিরে ।

মালা

আদরেতে লবে ডাকি সেই পর পারে থাকি
দুঃখ জ্বালা হেথা রাখি চলি যাব সেই স্থান ।
প্রতি পলে ভাবি মনে বুঝি ডাক শুনি কাণে
বুঝি সেই সাড়া প্রাণে আসিছে প্রীতি-আহ্বান ॥

সে কি গো আসিবে ফিরে ?

কোথায় গিয়াছে চলি সে কি গো আসিবে ফিরে ?
আশা-পথ চাহি তারি ভাসিতেছি অঁাখি-নীরে ॥
এখন কে যেন কাণে গাহিতেছে আশা-গান ।
কে যেন এখনও প্রাণে করিতেছে আশা দান ॥
হৃদয়-দুয়ার খুলি আশাতে বসিয়া রই ।
আসিবার আশা করি এ যাতনা প্রাণে সেই ॥
সারাদিন বসে ভাবি আসিবে সে এইবার ।
ফুরাল সকল বেলা হ'য়ে এল অন্ধকার ॥
কই সে এল না ফিরে বেলা যে বহিয়া যায় ।
রজনীর অঁাধারেতে ঘিরিল ধরণী হায় !
আন্ মনে রহি বসি চাহি সেই আশা-পথ ।
আকুল নয়নে চাহি চারি দিকে অবিরত ॥

মালা

সে কি গো আসিবে ফিরে ?

ব্যাকুলিত এ হৃদয়ে খোঁজে তারে চারি ধার ।
কোথায় গিয়াছে চলি সে আমার--সে আমার ॥
হতাশের হতাশ্বাসে ভরিল জীবন মোর ।
মিলিল তাহার সহ এ দুঃখ-যামিনী ঘোর ॥
কাটিল যে সারা বেলা আসিবার আশে তার ।
আকুল উচ্ছ্বাস প্রাণে ডাকি তারে বার বার ॥
কোথা লুকাইল হয় দীপ্তি মম জীবনের ।
অঁধারেতে মিশিতেছে এ অঁধার হৃদয়ের ॥
রজনীর অন্ধকার ঘনাইয়া এল ওই ।
এখন এল না ফিরে আমার সে কই ?--কই ?
নারব নিশীথ ওই গাহিতেছে দুঃখগান ।
না হেরিয়া তারে যেন বিষাদেতে স্মিয়মান ॥
আসিবে না সে কি আর মনে শুধু ভাবি তাই ।
সুধাইব কার কাছে হেন জন কোথা পাই ?
চুপি চুপি আসি পাছে অভিমানে ফিরি যায় ।
কাতরা দেখিয়া মোরে যদি প্রাণে ব্যথা পায় ॥
হেরিয়া আমার যদি নয়নেতে অশ্রুজল ।
ফিরি যায় দুঃখভরে করি অথি ছল ছল ॥
নিরথিয়া আমারে যে পতিত এ ধরাসনে ।
বিষাদে ব্যাকুল হ'য়ে রহিবে সে আনু মনে ॥

সে কি গো আসিবে ফিরে ?

মালা

নবনীত সুকোমল ছিল যে গো সে হৃদয় ।
সহিত না তাহে কভু দুঃখ তাপ জ্বালাময় ॥
পরশিলে এ অনল দহিবে তাহার প্রাণ ।
স্নেহেতে গঠিত তাহা দিয়া স্নেহ-উপাদান ॥
হেরিয়া অনল-ভরা বিষাদিত এ জীবন ।
লুকাইয়া রহিয়াছে নাহি দেয় দরশন ॥
অঁধারে ঢাকিল ধরা ঢাকিল জীবন মোর ।
নয়নেতে বহে ধারা হৃদয়ে তামসী ঘোর ॥
আইল অঁধার নেমে ব্যাপিল জগৎ হায় !
বেলা শেষে সবে যে গো যে যার গৃহেতে যায় ॥
সারা বেলা প্রাণপণে সারি কাজ জীবনের ।
গৃহ মুখে ফিরে সবে সাথে ওই তপনের ॥
জীবনের কাজ সারি চলি গেছ কোন্ ধাম ?
বিশ্রামের দিনে বুঝি লভিলে চিরবিশ্রাম ॥



জানাৰ হৃদয়-যাতনা ।

এসহে হৃদয়ে হৃদয়-দেবতা জানাব হৃদয় যাতনা । •

গোপনেতে রয়ে হৃদয়ের ব্যথা কহিব মরম-বেদনা ॥

বাজিতেছে প্রাণে কি দারুণ ব্যথা,

রহিয়াছে প্রাণে কত কাতরতা

কাঁদিয়া কহিব এ দুঃখের কথা আরত গোপন রয়ে না ।

এস হৃদয়েশ ! বারেক হেথায় আমার হৃদয়-মন্দিরে ।

উন্মুক্ত করিব হৃদয়-অর্গল রুদ্ধ হৃদয়-দুয়ারে ॥

দেখাইব হৃদি করিয়া বিদার,

কি যাতনা প্রাণে সহি অনিবার,

তোমাৰে হে দিব এ দুঃখের ভার তুমি যা দিয়াছ আমাৰে ।

কি বিষম জ্বালা সহি হৃদয়েতে কহিব তোমায় গোপনে ।

বিহনে তোমার কি দুঃখ আমার দেখিবে তা তুমি নয়নে ॥

ভরি রয়ে প্রাণে বিষাদের রাশি,

নিরাশার সদা শূনি অটুহাসি,

নয়নের জলে সতত যে ভাসি আমি গো তোমার বিহনে ॥

নিবেদিব প্রাণে যত দুঃখ পাই তোমাতে জীবন-বল্লভ !

করিয়া সাধনা কব এ বেদনা এসহে সাধন-দুর্লভ !

দারুণ যাতনা সহিতে না পারি,

নাহি কহি কারে গুন্মরে যে মরি,

কহিব তোমাতে এ দুঃখ আমারি আবার রহিব নীরব ॥

সদা দহে প্রাণ বিরহ অনলে করি শত শিখা বিস্তার ।

নাহি নিবারণ জ্বলে অনুক্ষণ হৃদয় হ'তেছে অঙ্গার ॥

তব দরশনে হইবে শীতল,

জ্বলিতেছে যাহা প্রাণে অবিরল,

দেহ শান্তিময় ! প্রাণে শান্তিজল দরশন-বারি তোমার ।

উছলি বহিছে দুঃখের তরঙ্গ রোধিবারে নারি তাহারে ।

সতত আমারে রাখে ডুবাইয়ে গভীর দুঃখের পাথারে ॥

নাহি তার কূল কিনারা কি পার,

কি বিষম এই দুঃখ-পারাবার,

কূলে কূলে ভরা রহে অনিবার দেখাইব তাহা তোমাতে ॥

কাঁপাইয়া মম সদাই অন্তর বহিছে দুঃখের হিল্লোল ।

দুঃখ-সমীরণ হ'তেছে বহন কাঁপায়ে হৃদয়-পঞ্চল ॥

হৃদি সরোবরে নাহি শোভা আর,
ওহে প্রাণময় ! বিহনে তোমার,
হাহাকার প্রাণে উঠে অনিবার ভীষণ এ দুঃখ-কল্লোল ।
মরুভূমি সম জীবন প্রান্তুর ধূ ধূ করে তোমা হারায়ে
দরশন-আশা দারুণ পিপাসা রহিবে তৃষিত হৃদয়ে ।
হৃদয়েতে জ্বলে কামনার শিখা,
নয়নেতে বহে মায়া মরাচিকা,
বাসনার বেগ নাহি যায় রাখা হৃদয়েতে আর বাঁধিয়ে ॥
সদা তোমা পানে ধায় মত্ত বেগে এ প্রমত্ত মন ছুটিয়া ।
কোথা আছ তুমি দেখিব হে আমি ত্রিভুবন ভ্রমি চুঁড়িয়া
যথা আছ তুমি যাব তথা ছুটি,
পড়িব তোমার চরণেতে লুঠি,
দুঃখ জ্বালা মম সব যাবে টুটি রহিব তোমাতে মিশিয়া ।



কাহার লাগিয়া

কাহার লাগিয়া হৃদয় পাতিয়া রয়েছে কাহার আশে ?
 ল'য়ে আশা প্রাণে কাহার কারণে কেন বা রয়েছে বাসে ?
 চমকিত মনে চকিত শ্রবণে হইয়া তৃষিত অঁথি ।
 বেড়াই ঘুরিয়া চঞ্চল হইয়া হৃদয়ে কাহারে দেখি ?
 সদা মনে হয় দেখিব কাহার কি বাসনা প্রাণে জাগে ।
 কার স্মৃতি হয় ভরা এ হৃদয় কাহার প্রণয়-রাগে ॥
 উঠি চমকিয়া থাকিয়া থাকিয়া শিহরি চকিত চাহি ।
 হয়ে স্থিরমন করিয়া যতন কার গুণ সদা গাহি ?
 কার রূপ হেরি এ ভুবন ভরি রহেছ সকলি ব্যাপি ?
 নভে জলে স্থলে এ হৃদয়-তলে হেরিয়া যে উঠি কাঁপি ॥
 সুনীল আকাশে স্মোহন বেশে ওই যে সুধাংশু হাসে ।
 কার রূপ ল'য়ে গগনে রহিয়ে সকল অঁধার নাশে ॥
 অমল ধবল জোছনা তরল ঢালিছে ধরণী পরে ।
 কার প্রণয়ের এ ধারা প্রেমের ঢালে গো প্রীতির ভরে ?
 ফুটিলে তারকা যায় কি গো দেখা কাহার উজল অঁথি ।
 রহে বহু দূরে তথাপিও তারে তৃষিত নয়নে দেখি ॥
 সুমন্দ মলয় মৃহ মৃহ বয় কাহার সুরভি লয়ে ।
 কাননে কুসুম শোভা মনোরম রয়েছে শোভিত হয়ে ॥

লয়ে কার শোভা এত মনোলোভা ফুটিতেছে ওই ফুল ।
পবিত্র মূর্তি এবা কার স্মৃতি কার রূপ সমতুল ॥
বসি তরু পরে বিহগ স্তম্ভে নিজে মনে গাহে গান ।
সচকিত অঁখি তাহারে নিরখি চমকিয়া উঠে প্রাণ ॥
যবে শুনি দূরে পাতার মর্মরে মনে হয় কেবা আসে ।
উঠিয়ে ত্বরিতে কাহারে হেরিতে ধাই মরীচিকা পাশে
দেব দিবাপতি কার যশঃ-ভাতি প্রকাশে জগৎ মাঝে ।
উজলিত কায় যশের ছটায় অঁধার পলায় লাজে ॥
স্বচ্ছ সরোবরে প্রতিবিশ্ব পড়ে কাহার ললিত রূপ ।
হৃদয় মুকুরে দিবানিশি যার জাগিতেছে সেই মুখ ॥
দিবানিশি যার স্মৃতিতে আমার রয়েছে ভরিয়া প্রাণ ।
জগৎ ভরিয়া উঠে উথলিয়া হৃদয়েতে যার স্থান ॥
রাখিয়া হৃদয়ে নয়ন মুদ্রিয়া সতত রছি যে ধ্যানে ।
নিরখি তাহারে এ চিত্ত-মুকুরে বাসনা-ব্যাকুল প্রাণে ॥
এ দীর্ঘ বিরহ-অবসানে কবে জীবনের পরপারে ।
আত্মায় আত্মায় মিলিয়া দোঁহায় গাঁথিয়া হৃদয় তারে ॥
গাহিব ছুজনে প্রীতিফুল্লমনে মিলন-মুখর-গীতি ।
সেই শেষ দিন-আশায় এখন লভি যে হৃদয়ে প্রীতি ॥

পরাণ উঠিছে কাঁদিয়া ।

কোথা গেলে নাথ ! আমারে ছাড়িয়া পরাণ উঠিছে কাঁদিয়া
গভীর অঁধার নীরব জীবন আকুল হ'তেছে এ হিয়া ॥

কাঁদিতেছে সবে হইয়া আকুল,
শতধারে হায় তিতিছে দুকুল,

কাঁদে পরিজন তোমার বিরহে সতত ভবনে আসিয়া ।
এস এস নাথ ! ডাকিতেছে সবে কাতর পরাণ হইয়া ॥
হাসি হাসি নাথ ! এস একবার হৃদয় রেখেছি পাতিয়া ।
তোমার দরশে নীরস পরাণ সোহাগে যাইবে গলিয়া ॥

মরুভূমি সম এ পোড়া পরাণ,
জ্বলিতেছে সদা যেন গো শ্মশান,

দরশন বারি করিয়া প্রদান এ জ্বালা জুড়াও আসিয়া ।
তোমার বিরহে সতত যে হায় হৃদয় যেতেছে জ্বলিয়া ॥
বারেকের তরে এস প্রাণাধিক ! যাই সব দুঃখ ভুলিয়া ।
বহিতেছি হায় যে দুঃখ হৃদয়ে সতত গোপন করিয়া ॥

সব দুঃখ ভুলি সুখে হব ভোর,
তিরপিত হবে নয়ন চকোর,

এ বিরহ-জ্বালা দূরে যাবে মোর তোমার বদন হেরিয়া ।
হৃদয়ে রাখিব হৃদয়-রতনে কতই যতন করিয়া ॥

মালা

পরাণ উঠিছে কাঁদিয়া ।

এস এস নাথ ! ক্ষণেকের তরে শারদ-কৌমুদী হাসিয়া ।

উজলি উঠিবে অঁধার জীবন সব দুঃখ যাবে চলিয়া ॥

চাঁদের কিরণ মাখিয়া পরাণে,

আবরি রাখিব হৃদয়-গগনে,

বাসনা-কুসুম মানস-কাননে উঠিবে তখন ফুটিয়া ।

প্রমত্ত মধুপ মন-কুঞ্জে তুমি পরিমল লও লুটিয়া ॥

প্রাণ পাখী সদা ব্যাকুল অন্তরে ধাইছে তোমারে খুঁজিয়া ।

আকুল উচ্ছ্বাসে সাধ তব পাশে যাইতে এখনি ছুটিয়া ॥

সাধনা সঙ্গীত শুনাবে যে হায়,

মম প্রাণ পাখী প্রেমের ভাষায়,

উন্মত্ত এ মন হেরিয়া তোমায় নাচিবে প্রণয়ে মাতিয়া ।

ও কর পরশে আবেশ অলসে পড়িবে তখন চলিয়া ॥

আসার আশায় রয়েছি যে নাথ ! এখন তোমারে ছাড়িয়া ।

আদরেতে তুমি হে হৃদয়স্বামী লইবে আমারে ডাকিয়া ॥

সংসারেতে তুমি ওহে প্রাণাধার,

জীবনসর্বস্ব সংসারের সার,

কি কাজ জীবনে বিহনে তোমার কিছু নাহি পাই ভাবিয়া ।

জীবনের বাতি ওহে প্রাণপতি গিয়াছে জ্যোতির নিভিয়া ॥

এ জীবন যাপি আমরণ ব্যাপি তোমারে হে ভালবাসিয়া ।

তিরপিত মন আমার এখন তোমার মূরতি ভাবিয়া ॥

তুমিই শরীর তুমিই জীবন,

তুমিই দেবতা তুমিই সাধন,

হৃদয়েতে তুমি পাতিয়া আসন গোপনে রয়েছ বসিয়া ।

সম্মুখে তোমারে না পাই দেখিতে রয়েছ হৃদয় ভরিয়া ॥

মানসে এঁকেছি মূরতি তোমার হৃদয়-শোণিতে লিখিয়া ।

বিরাজিত তুমি রহ নিশিদিন এ পোড়া পরাণে মিশিয়া ॥

স্তরে স্তরে মম হৃদয় মাঝারে,

তব রূপে ভরি রহে এ অন্তরে,

অশনে বসনে শয়নে স্বপনে জীবনে মরণে বঁধুয়া ।

তোমারি চরণে এ ছার জীবন চির তরে দিছি ডারিয়া ॥

এস প্রাণাধার এ শূন্য আগার দেখ একবার চাহিয়া ।

সদা হাহাকার বিহনে তোমার আকুলতা রহে ঘেরিয়া ॥

হইয়াছে শূন্য সুবর্ণ পিঞ্জর,

কোথা গেছ চলি ওহে পিকবর !

গিয়াছ হেমন্তে কোন দূরান্তর বসন্তে আসিবে ফিরিয়া ।

মম জীবনান্তে সে সুখ বসন্তে রহিব একান্তে মিলিয়া ॥

আকুলতা ।

কোথা আছ নাথ ! তুমি ভুলিয়া আমায় ।

কোথা আছ ভুলি নাথ ! তব প্রমদায় ॥ •

কেন হে কঠিন হ'লে, কেমনে মোরে ভুলিলে,

তোমা বিনা চারিদিক হেরি শূন্যপ্রায় ।

কোথায় আমারে ভুলে রহিয়াছ হায় !

কোথা নাথ কোথা নাথ ডাকি অনিবার ।

বারেক নিকটে এস ওহে প্রাণাধার ॥

তোমার বিরহানলে, হৃদয় যেতেছে জ্বলে,

সহিতে দারুণ জ্বালা নাহি পারি আর ।

কাছে এস প্রাণপতি প্রেমপারাবার ॥

কেমনে ছাড়িয়া আছ তব প্রেমাধিনী ।

কেন এ কঠিন মন হইল না জানি ॥

ত্যজিয়া এ দুঃখিনীরে, হ'য়েছ সুখী অন্তরে,

বিস্মরণ কেন মোরে হ'লে গুণমণি

কোথা আছ ভুলে নাথ তব প্রণয়িনী ?

দিবানিশি জ্বলে হৃদে বিরহ-অনল

করি হৃদি ছার খার দহে অবিরল ॥

দেখা দাও প্রাণসখা, নিভাও অনল-শিখা,
 দরশন-বারি দানে করহ শীতল ।
 প্রজ্বলিত হৃদয়েতে ঢাল শান্তিজল ॥

কোথায় আছহে বল মম প্রাণধন !
 তোমারে না হেরি মম বাঁচে কি জীবন ?
 অর্দ্ধভিল অদর্শনে, শত যুগ হ'ত মনে,
 কেমনেতে ছিঁড়িয়াছ সে প্রেম-বন্ধন ?
 কোথায় আমারে তাজি রয়েছ এখন ?

বাঁধিয়াছ পাষাণে কি হৃদয় তোমার ?
 কি নিষ্ঠুর হ'লে হায় একি ব্যবহার ?
 দিনান্তে বারেক মনে, পড়ে না কি এই জনে ?
 জানি তুমি প্রেমময় প্রেমের আধার ।
 প্রণয়ে পূরিত তব হৃদয়-ভাণ্ডার ॥

প্রেমপূর্ণ তোমার হৃদয় জানি মনে ;
 দরশনে তুষিতে হে প্রেম-আলাপনে ॥

এখন না দিয়ে দেখা, প্রাণে কেন বধ সখা,
 ছিল যে হৃদয় বাঁধা সুদৃঢ় বন্ধনে ।
 কাটিয়া সে প্রেম-ডোর রহিলে কেমনে ?

বিরহ অঁধার ঘোরে আমার হৃদয় ।

অঁধারিয়া রহিয়াছ হইয়া নিদয় ॥

বিরহ এ অন্ধকারে তাবরিয়া অবলারে

মনে নাই এ জনেরে ভুলিয়াছ হায় !

না হেরি নয়নে তোমা বাকুল হৃদয় ॥

কোথায় আছ হে নাথ ! কোথা বল মোরে ।

কেমনে ভুলিয়া আছ এই অভাগীকে ?

ভুলেছ কি ভালবাসা, সে চির প্রেমপিপাসা,

নয়নে নয়নে সদা রাখিতে আমারে ।

কতই প্রাণের কথা কহিতে আদরে ॥

বলিতে সোহাগভরে সতত আমারে ।

“ক্ষণেক ছাড়িতে তোরে প্রাণ নাহি চায় !

আলোকিত করি ছদি, থাক হৃদে নিরবধি,

তিলেক নিচ্ছেদ তব সহা নাহি যায় ।

জীবনের জ্যোতি মম তুমি লো ধরায় ॥

“তুমি মম প্রিয়তমা জীবন-তোষণী,

তব কাছে মম মন বাঁধা সুবদনী !

সংপেছি তোমার করে,

এ হৃদয় চির তরে,

তোমা ছাড়া এ জগতে আর নাহি জানি ।
তুমি মম প্রাণসখী জীবন-সঙ্গিনী ।

“আনন্দদায়িনী তুমি মোর হৃদয়ের ।

মৃতসঞ্জীবনী হও মম জীবনের ॥

তুমি জীবনের গতি, তুমি হৃদয়ের জ্যোতি,
বাঁধিয়া রেখেছ তব ডোরে প্রণয়ের ।
চিরদিন দাস আমি তোমার প্রেমের ॥

“জীবনে মরণে মম তুমি লো সঙ্গিনী ।

সুখে স্তুখী হও তুমি দুঃখেতে দুঃখিনী ॥

তুমি ধন তুমি জন, তুমিরে মম জীবন,
অধিষ্ঠাত্রী দেবী তুমি হৃদয়ের রাণী ।
মানস-মন্দিরে পূজি দিবস রজনী ।”

সে সকল কথা কেন ভুলি প্রিয়তম !

হ’য়েছ নিদয় এত পাষণের সম ?

ভুলে গেছ দুঃখিনীরে, আর কি সোহাগভরে,
বালুপাশে বাঁধিবে না কাছে আমি মম !
হৃদয়ে ধরিব আমি তাজিয়া সরম ।

কেন এত ভালবাসি করিতে সোহাগ !

কেন বা জাগিত প্রাণে এত অনুরাগ ?

কেন বা প্রণয়-নীরে, অভিষিক্তা করি মোরে,
মজাইলে মন মম ঘটালে প্রমাদ ?
তাজিয়া যাইবে বলি সাধিলে এ বাদ ।

কেন বা মজালে মন করিয়া চাতুরী ?
কেন বা লইলে মোর এ হৃদয় হরি ?

চূর্ণ করি শতধারে, ভাঙ্গিলে যে হৃদয়েরে,
তোমার সাধের স্থান দিলে চূর্ণ করি ।
প্রীতি প্রেম ভালবাসা দিয়াছিলে ভরি ।

আমি যে তোমার নাথ প্রেমভিখারিণী ।
তব দরশন ভিক্ষা যাচে এ ছুঃখিনী ॥

এস এস প্রাণপতি, এসহে করি মিনতি,
কাতরে কাঁদিয়া ডাকি এস গুণমণি !
তোমা বিনা হইয়াছে শূন্য এ ধরণী ॥

কি দোষে হ'য়েছে দোষী দাসী তব পায় ?
বল বল প্রাণনাথ ! প্রকাশি আমায় ?

রহিতাম মানভরে, সাধিতে চরণে ধরে,
সেই প্রতিশোধ বুঝি লও এ সময় ?
তাই কি করিয়া মান রহিয়াছ হায় !

রহিতাম বদনেতে ঝাঁপিয়া অম্বর ।
 বিমুখ হইয়া বসিতাম প্রাণেশ্বর !
 দিয়াছি হৃদয়ে ব্যথা, হাসিয়া না কহি কথা,
 নাহি বাঁধি বাহুপাশে কুপিত অন্তর ।
 রহিতাম মানভরে আমি নিরন্তর ॥

হঠত মনেতে যদি কণা মাত্র রোষ ।
 মধুর বচনে তুমি করিতে সন্তোষ ॥
 যতনে ধরিয়া করে, বলিতে বিনয় করে,
 আমি তব চিরদাস ক্ষম মম দোষ ।
 বলি তব সুধাবাণী এ জীবন তোষ ।

তাই কি স্মরিয়া মনে হে নাথ এখন ।
 সে পাপের সাজা মোরে দেহ প্রতিক্ষণ ॥
 স্মরি মনে সেই কথা, পাই যে হৃদয়ে ব্যথা,
 হাসিয়া কহিব কথা আমি সর্বক্ষণ ।
 করিয়া দারুণ মান রবনা কখন ।

ধরিব চরণে তব করিয়া মিনতি ।
 করুণা করিয়া তুমি এস প্রাণপতি !
 সাধিব চরণে ধরে, রবে তুমি মানভরে,

সবিনয়ে ধরি করে করিয়া মিনতি ।
বলিব তোমার দাসী হয় যে গো জ্যোতি ॥
প্রেম সম্ভাষণে সদা তুষিব সাদরে ।
কহিব এ দুঃখ কথা তব গলে ধরে ॥

কহিব শুনহে নাথ, হইয়াছে বিধিমত,
হইয়াছে প্রায়শ্চিত্ত ক্ষম গো আমারে ।
নাহিক কণিকা মাত্র মান এ অন্তরে ॥

বিছাইয়া রাখিয়াছি হৃদয় আমার ।
অভিমান ধূলা কণা ঝাড়িয়া তাহার ॥

বাহু উপাধানে শির, রাখি হবে মন স্থির,
প্রিয় বিলাসের স্থল এ হৃদি তোমার ।
এস এ হৃদয়াসনে ডাকি অনিবার ॥

জ্বলিতেছে এ জীবন তোমার বিহনে ।
দহিতেছে এ হৃদয় বিরহ দহনে ॥

তোমারে হইয়া হারা, হয়েছি যে দিশাহারা,
হৃদয়ের জ্বালা সদা জ্বলে নিশিদিনে ।
উন্মাদ পাগলপারা রহি শূন্যমনে ॥

ভুলিয়াছ প্রাণপতি ! আমারে এখন ।
প্রণয়ের স্মৃতি কিছু নাহিক স্মরণ ॥

সুখে সে অমর পুরে, রহিয়াছ ভুলি মোরে,
দেববালা ভুলাইছে সদা তব মন ।
মান অভিমান তথা না রয় কখন ॥

• দিনে দিনে দিন গত মাস আসে যায় ।
বরষ হইয়া গত চলি গেছে হায় !

কোথা তুমি কোথা তুমি, ডাকি যে কাতরে আমি,
যাব নাথ তব কাছে রয়েছ কোথায় ?
জীবনের পরপারে মিলিব দৌহায় ।

কেন এত ।

কেন এত ব্যাকুলতা হেরিতেছি ভুবনে ?
কেন এত ব্যাকুলতা হেরি সব জীবনে ?
কেন এত ব্যাকুলতা বহে আজি পবনে ?
কেন এত ব্যাকুলতা সমীরের স্বননে ?
কেন এত আকুলতা নীলিম ও গগনে ?
কেন এত আকুলতা ও অমর ভুবনে ?

মালা

কেন এত ।

- কেন এত আকুলতা করি নদী উছলে ?
কেন এত আকুলতা শ্রোত বহে সলিলে ?
কেন এত মলিনতা চন্দ্রমার হেরিনু ?
কেন এত মলিনতা তারাগণে দেখিনু ?
কেন এত মলিনতা কুসুমের হইল ?
কেন এত মলিনতা সে শোভা কে হেরিল ?
কেন এত হীনপ্রভা প্রভাকর প্রকাশে ?
কেন এত হীনপ্রভা প্রভাদানে হ'ল সে ?
কেন এত হীনপ্রভা ক্ষণপ্রভা বিকাশে ?
কেন এত হীনপ্রভা কোথা গেল জ্যোতি সে ?
কেন এত গভীরতা সু-গভীর গহনে ?
কেন এত গভীরতা প্রকৃতির ভবনে ?
কেন এত গভীরতা তরুণের দাঁড়িয়ে ?
কেন এত গভীরতা লতারে সে ত্যজিয়ে ?
কেন এত কাতরতা পাখীর ও কাকলি ?
কেন এত কাতরতা বাজিতেছি মুরলী ?
কেন এত কাতরতা হরিণীর চাহনি ?
কেন এত কাতরতা চাহে কারে হরিণী ?
কেন এত নীরবতা ভাব ধরা ধরেছে ?
কেন এত নীরবতা ব্যাপিয়া যে রয়েছে ?

- কেন এত নীরবতা সকলের বদনে ?
 কেন এত নীরবতা নাহি রব ভুবনে ?
 কেন এত বিষণ্ণতা বিবর্ণ যে সকলি ?
 কেন এত বিষণ্ণতা বিষাদ যে কেবলি ?
 কেন এত বিষণ্ণতা ভাবে ধরা মগনা ?
 কেন এত বিষণ্ণতা ভাবে কার ভাবনা ?
 কেন এত বিষাদতা কি বিষাদে হয় রে ?
 কেন এত বিষাদতা প্রাণে সুখ নাই রে ?
 কেন এত বিষাদতা কি বিষাদে মগন ?
 কেন এত বিষাদতা খোঁজে কোন্ রতন ?
 কেন এত অধীরতা সকলের প্রাণেতে ?
 কেন এত অধীরতা বল কার তরেতে ?
 কেন এত অধীরতা কি লাগিয়া উন্মনা ?
 কেন এত অধীরতা কে বা দিবে সাস্থনা ?
 কেন এত অশ্রুধারা বহিতেছে নয়নে ?
 কেন এত দিশাহারা বল গো কি কারণে ?
 কেন এত নিরাশার সহে সবে তাড়না ?
 কেন এত শোকে ভরা হ'ল ধরা বল না ?
 কেন এত অলসতা চল তথা সকলে ?
 চল চল মিলি গিয়া রবে চির কুশলে ।

উদ্যান-স্মৃতি ।

সেই একদিন হায় অতীতের স্মৃতি ।
পড়ে মনে পূর্ণিমার বাসন্তী রজনী ॥
স্মরিয়া সে দিন মনে উপজয়ে প্রীতি ।
গগনেতে পূর্ণ শশী শুভ্রকিরিটিনী ॥

ভ্রমি প্রাণেশের সহ কুসুম কাননে ।
প্রীতি প্রফুল্লিত প্রাণে পুলকিত চিতে ।
বিভোর হইয়া দৌহে প্রেম সুধাপানে
প্রমোদ উচ্চানে মোরা লাগিছু ভ্রমিতে

বাসন্তী রজনী বহে সুমন্দ মলয় ।
আকুল করিয়া প্রাণ কুসুমের ভ্রাণে ॥
সুরভি বিতরি ভ্রমে মৃদুমন্দময় ।
বাসস্তিক পাখী গান গাহে সুখ মনে ॥

নীলাকাশে হাসে চাঁদ খুলিয়া পরাণ ।
অমল রজতধারে ধরা ব্যাপ্ত রয় ॥
সুধাকর সুধাংশি ঢালে অবিরাম ।
আনন্দে করিয়া পূর্ণ মানব-হৃদয় ॥

নীল চন্দ্রাতপ মাঝে তারামালা শোভে ।
 নৈশ বায়ু ধীরে ধীরে হয় সঞ্চলন ॥
 হেরিয়া উদ্যান শোভা মুনি মন লোভে ।
 মোহিত হইয়া মোরা করি যে ভ্রমণ ॥

নানা জাতি কুশুমের সুসৌরভ-ভার ।
 গন্ধবহ প্রদানিল মোদের আশ্রাণে ॥
 হইল তাহাতে মনে পুলক সঞ্চারণ ।
 পুলকিত চিতে রহি নাথ সন্মিলনে ॥

যাঁথি যুঁথি গন্ধরাজ গোলাপ টগর ।
 চামেলি চম্পক বেলা কামিনী বকুল ॥
 প্রস্ফুটিত পুষ্পরাজি রহে স্তরে স্তর ।
 হেরিয়া হইল মন উল্লাসে আকুল ॥

শেফালি কনক চাঁপা আরও নানা জাতি ।
 সুসৌরভে মাতাঠিছে দিক্ সমুদয় ॥
 নিশীথিনী সাজিয়াছে মিলনের দূতী ।
 প্রমোদ উদ্যানে করে প্রেম-অভিনয় ॥

প্রিয়তম করে কর করি সন্মিলিত ।
 চলিতে চরণ বাধে আবেগ উচ্ছ্বাসে ॥

প্রণয়-হিল্লোলে মন হয় উচ্ছ্বসিত ।
আনমিত হয় অঁথি আবেশ অলসে ॥

বসিলাম আসি তবে বকুলের তলে ।
সুরম্য সে বেদি পরে চন্দ্রমা-কিরণে ॥

ঢালিতেছে সুধা ধারা পড়িছে উছলে ।
জ্যোৎস্না-উদ্ভাসিত সেই রম্য উপবনে ॥

আকুল উচ্ছ্বাসে প্রাণ পূরিত দৌহার ।
বাহ্যজ্ঞান হারাইয়া রহি সেই স্থানে ॥

হৃদয়ে পূরিত রহে প্রেমের সস্তার ।
প্রেমালাপে মগ্ন রহি নিশি জাগরণে ॥

কুড়াইলু ফুল রাশি ভরিয়া অঞ্চল ।
গাঁথিবারে হ'ল সাধ মালা বকুলের ॥

আহরিলু নানা জাতি কুসুম সকল ।
গাঁথিয়া যতনে দিনু গলে প্রাণেশের ॥

আহা মরি কি মাধুরী হেরিলু তখন ।
কোটি কাম পরাজিত সে মোহন রূপে ॥

ফুল সাজে সাজি কিবা শোভা অতুলন ।
হারাইয়া আপমারে মজিলু বিপাকে ॥

হেরিলাম অনিমিষে তৃষিত নয়নে ।
উচ্ছ্বাস আবেগ ভরা প্রেমপূর্ণ প্রাণ ॥
হেরি যে সে রূপ সদা মানস-দর্পণে ।
সে ছবি হৃদয়ে হায় সদা শোভমান ॥

বকুলের তলে মোরা হরষিত মনে ।
কাটাই রজনী সারা সুখেতে বিভোর ॥
বাসন্তী যামিনী যাপি এ সুখ মিলনে :
হৃদয়ে প্রণয়-নেশা চোকে প্রেমঘোর ॥

সরোবরে শোভিতেছে সরো-বিহারিণী ।
কুমুদ কঙ্কাল সত্ৰ সুবিমল বেশে ॥
কুমুদীরঞ্জে হেরি হাসে কুমুদিনী ।
আমিও হাসিনু যথা হেরিয়া প্রাণেশে ॥

গলে ধরি প্রাণনাথ কহিল সোহাগে ।
তুমি কুমুদিনী তুমি প্রস্ফুট নলিনী ॥
হৃদি-সরোবরে মম প্রস্ফুটিত রবে ।
স্মরভিত তব গুণে করিয়া ধরণী ॥

তুমি মম হৃদয়ের শীতল চন্দ্রিমা ।
তুমিই আলোক হৃদে জ্যোতির্শ্রয়ী মত ॥

তুমি শান্তি-স্নিগ্ধ-মৃতি রূপ-মধুরিমা ।
তুমিই ব্যাপিয়া হৃদি রয়েছ সতত ॥

এত কহি নাথ তবে করে ধরি কর ।
কহিলেন—“উঠ প্রিয়ে মানসমোহিনি !
কুসুম-কুঞ্জেতে এবে চললো সত্বর ।
হইল প্রভাত প্রায় মধুর যামিনী ॥”

হেরিলাম কুঞ্জে কুঞ্জে লতার বিতানে ।
ক্ষুদ্র ক্ষুদ্র কুসুমের শোভা মনোহর ॥
গুঞ্জরিয়া আসে অলি মধুর গুঞ্জে ।
লুটিবারে পরিমল মণ্ড মধুকর ॥

সহকারে মাধবীরে হেরিয়া বেষ্টিতা ।
প্রাণনাথ হাসি মোরে কহিলেন তবে ॥
কাহারে করিতে নাহি দিব উৎপাটিতা ।
তুমিও আমার সদা হৃদয়েতে রবে ॥

হায় সে সকল কথা অলীক হইল ।
কে করিল নাথ সহ মোরে উৎপাটন ॥
কিবা সে নির্দয় বিধি কেন বা ছিড়িল ।
প্রণয়ের লতা হায় করিল দলন ॥

কোথা সেই সুমধুর বাসন্তী রজনী ।
কোথা সেই প্রণয়ের মধুর মিলন ॥
চন্দ্রমা-কিরণে যেন দংশে কাল ফণী ।
হইয়াছে ছঃখিনীর ছঃখের জীবন ॥

কোথা মম প্রাণেশ্বর ! কোথা সে প্রণয় ?
নবীন জীবনে সেই নব অনুরাগে ॥
কূলে কূলে পূর্ণ ছিল ভরিয়া হৃদয় ।
যাপিতাম সুখে কাল আদর সোহাগে ॥

নবীন হৃদয়ে ছিল নবীন বাসনা ।
নব প্রণয়েতে মন ছিল উদ্ভাসিত ॥
নব প্রেমে প্রাণ সদা রহিত মগনা ।
নবীন ললিত রূপে মন বিমোহিত ॥

কোথা সেই বসন্তুর কোকিল-ঝঙ্কার ?
কোথায় কুসুম-কুঞ্জ ভ্রমর-গুঞ্জন ?
এখন হৃদয়ে সদা উঠে হাহাকার ।
বিদারিয়া অন্তস্তল উঠিছে ক্রন্দন ॥

কোথা সেই মধুময় বাসন্তী-মলয় !
আহরি কুসুম কোথা বকুলের তলে ॥

হতাশ-পবন হৃদে সতত যে বয় ।
বসিয়া বিরলে ভাসি নয়নের জলে ॥

গিয়াছে সে দিন হায় রহিয়াছে স্মৃতি ।
জ্বলিতেছে দিবানিশী নাথের বিহনে ॥

যে অনলে দগ্ধ প্রাণ হয় দিবারাতি ।
নির্বাণিত না হইবে আর এ জীবনে ॥

চির-বসন্তের যথা আবাস ভবন ।
পুষ্পরাজি সদা তথা রহে সুশোভিত ॥

দিবানিশী বহিতেছে মলয় পবন ।
মন্দার কুমুম-বাসে দিক্ আমোদিত ॥

মুখরিত সেই স্থান কোকিল-ঝঙ্কারে ।
গুঞ্জরিয়া আসে অলি মকরন্দ লোভে ॥

চন্দ্রমা-কিরণে দিক্ উদ্ভাসিত করে ।
পারিজাত সে উদ্যানে সদাকাল শোভে ॥

গিয়াছেন প্রিয়তম সে অমরাবতী ।
বসতি করেন তথা দেববালা সহ ॥

রাখিয়া আমার প্রাণে সেই সুখ-স্মৃতি ।
জাগাইয়া হৃদয়েতে সে প্রণয় মোহ ॥

লইবেন তথা মোরে রহি প্রতীক্ষায় ।
 কাটাইব সুখে কাল নাথের মিলনে ॥
 জীবনের পরপারে মিলিব তথায় ।
 পাশরিব যত দুঃখ পাঠি এ জীবনে ॥

কোজাগর ।

আজি নিশী কোজাগর	নির্মল অম্বর মাঝে ।
শোভিতেছে শশধর	অমল ধবল সাজে ॥
নৌলিম গগন-গায়	করিতেছে ঝলমল ।
রজতবরণ কায়	সুধাময় সুবিমল ॥
করে সুধা বরিষণ	সুধা যে উছলি যায় ।
বহিছে সুধার সম	মৃদুল মধুর বায় ॥
হাসে নিশী দশদিশি	হাসে কোজাগর-চাঁদ ।
হাসে আজি ধরাবাসী	মনে নাহি অবসাদ ॥
আজি কোজাগর নিশী	দেব পূজা করে লোক ।
উদিয়া গগনে শশী	রছে জ্ঞানালোক ॥

মালা

কোজাগর ।

ঘুচিয়াছে মলিনতা
জাগে মনে কত কথা
শরৎ এ মধুনিশী
উজলিয়া দশদিশি
উজলিয়া নীলাকাশ
উজলি কুসুম রাশ
আজি মনে পড়ে কেন
আজি মনে পড়ে কেন
আজি মনে পড়ে কেন
আজি মনে পড়ে কেন
আজি মনে পড়ে সেই
আজি মনে পড়ে সেই
মনে পড়ে সুখ-রাতি
অতীতের সেই স্মৃতি
হেরিতাম নাথ সনে
ভাবিতাম এ ভুবনে
রহিতাম নাথ পাশে
হেরিতাম নীলাকাশে
সুধাকরে হেরি মনে
যত সুধা সে বদনে

আজি মনে সকলের ।
বহে শ্রোত হরষের ॥
হাসে দিক্ জোছনায় ।
বিমল রজত ভায় ॥ •
উজলি সাগর-জল ।
উজলি কাননতল ॥
সুখ-স্মৃতি অতীতের ।
সেই ভাব হৃদয়ের ॥
আকুলতা প্রণয়ের ।
উচ্ছ্বাস সে জীবনের ॥
সুললিত মুখ চাঁদ ।
সুদৃঢ় মিলন-ফাঁদ ॥
গিয়াছে সে চলি হায় !
স্মরিতেছি আজি তায় ॥
ওই শশী শরতের ।
সুখ বুঝি স্বরগের ॥
হারাইয়া আপনায় ।
সুধাসিক্ত চন্দ্রমায় ॥
হইত না সুধাময় ।
ছিল যেন সমুদয় ॥

হেরিতাম অনিমেযে
 কি মোহ মদিরাবেশে
 সোহাগেতে করে ধরি
 তুমি মম প্রাণেশ্বরী
 গগনেতে হেরি শশী
 তুমি যে হৃদয়ে মিশি
 হাসিতাম দুই জনে
 রহিয়া সুখ-মিলনে
 বসিতাম দুই জনে
 পড়িত হৃদি-দর্পণে
 আমি হেরিতাম সুখে
 জানি নাক আজি দুঃখে
 আজি এই মধুনিশী
 আমার হৃদয় গ্রাসি
 হেরি ওঠি শশধরে
 দারুণ অনলে করে
 চাঁদের কিরণ যেন
 মনানলে দহে মন
 পুলকিত স্থল জল
 আমার হৃদয়তল

নাথের বদন পানে ।
 আবশে আকুল প্রাণে ॥
 কহিতেন প্রাণময় ।
 প্রাণ মম জ্যোতির্ময় ॥
 সুখ নিশী কোজাগরে ।
 রহ সদা এ অন্তরে ॥
 মিলায়ে প্রাণেতে প্রাণ ।
 হ'ত নিশী অবসান ॥
 হ'য়ে পুলকিত মন ।
 সেই ছবি সুমোহন ॥
 মুখখানি প্রাণেশের ।
 স্মরি কথা সে দিনের ॥
 এ মধু শরৎ-চাঁদ ।
 ঢালিয়াছে কি বিষাদ ॥
 জ্বলে প্রাণ যাতনায় ।
 ছারখার এ হৃদয় ॥
 অনল হ'তেছে জ্ঞান ।
 আলুতি দিব এ প্রাণ ॥
 আলোকিত জোছনায় ।
 ভরা দুঃখ-কালিমায় ॥

মালা

কোজাগর ।

মুছিবে না এ কালিমা
এ চির জীবন সীমা
জ্বলিব যে নিতি নিতি
স্মরিব সে সুখ-স্মৃতি
আজি এই কোজাগরে
মথি হৃদি-রত্নাকরে
করে সবে পূতমনে
সুখ শান্তি কায়মনে
আমি করি আরাধনা
যাচি কৃপা বরিষণ
চাহিতেছি যোড় করে
দেহ নাথ কৃপা করে
শত শশী পরকাশ
করিয়াছি মনে আশ

নিভিবে না এ অনল ।
সহিব যে অবিরল ॥
বরষ বরষ পর ।
আসিলে এ কোজাগর ॥
এই নিশী পূর্ণিমায় ।
পূজে সবে কমলায় ॥
আরাধনা সে দেবীর ।
মাগি লয় পৃথিবীর ॥
হৃদয়-দেবের মোর ।
বুচাতে তামসী ঘোর ॥
কৃপা কণা কর দান ।
ও চরণে মোরে স্থান ॥
ভাতে জ্যোতি অনিবার ।
মিলিব সে পরপার ॥



হিমালয়

প্রকৃতির প্রিয় লীলাভূমি
মানবের চির শান্তি ভূমি
হিমালয় চূড়া অভভেদি
বিদারিয়া মেদিনীর হৃদি
কত শত যুগ আসে যায়
কালের আবর্তে হয় লয়
শত বজ্রাঘাতে নগ্নাবাতে
অটল অচল রহে স্থির
রমণীয় বিলাসের স্থল
মোহ মদে নাহি গলে মন
দিবানিশী রহে প্রতিধ্বনি
হইয়াছে সে চিরসঙ্গিনী
চির বসন্তের সমাগম
বিশ্বশিল্পী যেন নিজ করে
কুলু কুলু রবে নিৰ্ঝরিণী
করিতেছে দিবস রজনী
শ্রান্ত ক্লান্ত পখিকের তরে
প্রকৃতির উপহার ধরে

পুণ্যময় হিমালয় স্থান ।
রমণীয় শান্তিময় ধাম ॥
শোভিতেছে চুমি নীলাশ্বর ।
রহিয়াছে যুগ যুগান্তর ॥
কত সৃষ্টি না হয় গণন ।
কত অভ্যুত্থান ও পতন ॥
ভূকম্পনে নহে বিচলিত ।
কঠিনে কোমলে সংমিলিত ॥
হেথা বাস করি গিরিবর ।
শিক্ষাদানে বদ্ধ পরিকর ॥
অনুরাগী হ'য়ে অনুরতা ।
চিরতরে হইয়া আশ্রিতা ॥
পুষ্পরাজি সদা প্রসুটিত ।
ক'রেছেন কুসুম শোভিত ॥
মিলাইয়া বাঁশরীর তান ।
সুস্বরেতে মোহময় গান ॥
ঝরে সদা নিৰ্ঝরের বারি ।
র'য়েছেন নিসর্গ-সুন্দরী ॥

মালা

হিমালয় ।

স্তরে স্তরে পর্বত-শিখর
কিশলয় তাহার উপর
রহিয়াছে সদা শৈলরাজি
নীহার-ভূষণে রহে সাজি
মেঘমালা রহিয়াছে ভূমে
প্রেমভরে ধরণীতে চূমে
তুষারেতে স্নাতিয়া মলয়
শীকর যে অনুভব হয়
তুষারে আবরি রহে দিক্
হেথা কভু নাহি ডাকে পিক্
যবে আসে পূর্ণিমা রজনী
ধবলিত শোভে নিশীথিনী
নাহি রহে সে মলিন ভাব
প্রকৃতির প্রেমের স্ভাব
রমনীয় মনোরম স্থান
করিতেন সুখে অবস্থান
অনুভবি হৃদয়েতে প্রাতি
সদা জাগে সেই স্মৃতি
ভ্রমিতাম সুখে নাথ সনে
রহিতাম প্রীতি-আলাপনে

শোভিতেছে সুন্দর কেমন ।
আবরিত কিবা সুশোভন ॥
গর্ভভরে করি উচ্চ শির ।
বিতরিছে সদা স্বাদু নীর ॥
মাখি গায় তুষারের রাশি ।
ছড়াইয়া হরষের হাসি ॥
বহিতেছে সম করকার ।
শীতলতা করিছে প্রচার ॥
সমাচ্ছন্ন রহে দিবানিশী ।
হিমালীতে ম্লান রবি শশী ॥
নীলাশ্বরে পূর্ণ চন্দ্রোদয় ।
তিরোহিত তুষার যে হয় ॥
নাহি রয় হিমালীমণ্ডিত ।
শশধরে করে আমন্ত্রিত ॥
মনোমত ছিল প্রাণেশের ।
লভিতেন শান্তি জীবনের ॥
প্রকৃতির এ দৃশ্য হেরিয়া ।
জাগে মনে স্মৃতির সে ছায়া ॥
ভ্রমিতেন আমারে লইয়া ।
প্রেমাবেশে বিভোর হইয়া ॥

সোহাগেতে বাহুর বেষ্টনে
 কি উচ্ছ্বাস ফুটিত নয়নে
 ভ্রমিতাম নানা গিরিপরে
 আরোহিয়া কত উচ্চ স্তরে
 সৌধ মঞ্চে করি আরোহণ
 কভু করি ধরনী আসন
 সোহাগেতে ধরি মম কর
 উঠ প্রিয়ে ভূমি পরিহরি
 কহিতাম আমি উচ্ছ্বাসেতে
 অধিষ্ঠিত তুমি রহ তাতে
 হের নাথ চাহিয়া ক্ষণিক
 মানবেরে দিই শত ধিক্
 পাতিয়াছে নব দুর্বাদল
 কারুকার্য গালিচা সকল
 কহিলেন হাসি প্রিয়তম
 হৃদয়ের সব শিল্প মম
 সাধ মম লইয়া তোমারে
 রাখিব লো তোমারে সাদরে
 তুমি মম জীবনসঙ্গিনী
 তুমি মম কুটীরের রাণী

করে কর করি সংমিলিত ।
 হরষেতে প্রাণ উচ্ছ্বসিত ॥
 পুলকেতে পূরিয়া হৃদয় ।
 হেরিবারে প্রকৃতি লীলায় ॥
 শ্রান্তি দূর করিতাম বসি ।
 হাসিতাম মৃদু মৃদু হাসি ॥
 কহিতেন মধুর বচনে ।
 বসিবে এ হৃদয় আসনে ॥
 হৃদাসনে সতত আমার ।
 হয় তব স্থান রহিবার ॥
 অপূর্ব এ শিল্প বিধাতার ।
 অনুরূপ রচয়ে ইহার ॥
 সুবিস্তৃত করি উপত্যকা ।
 নহে মন তাহে অনুরতা ॥
 বনদেবী তুমি ফুলরাণী ।
 বিরাজিত তোমাতে লো ধনী
 প্রকৃতির এ প্রিয় ভবনে ।
 সাজাইয়া কুমুম-ভূষণে ॥
 তুমি শান্তি প্রেমের প্রতিমা ।
 বনদেবী মূর্তি মনোরমা ॥

মালা

হিমালয়

তুমি মম রাজরাজেশ্বরী
ঐশ্বর্যের তুমি অধিশ্বরী
তুমি মম জীবনতোষণী
তোরে ল'তে প্রীতি অনুমানি
নিরিবিলি রহিব দুজনে
প্রকৃতির শান্তি-নিকেতনে
নগরের জন-কোলাহলে
পূর্ণ তথা অশান্তি-হিল্লোলে
শান্তিপ্রিয় তুমি শান্তিময়
গেছ নাথ শান্তির আলায়
ফেলি মোরে অশান্তি মাঝারে
তীব্র জালা জ্বলিছে অন্তরে
কোথা সেই হৃদয়ের আশা
কোথা সেই প্রেম ভালবাসা
কোথা সেই প্রণয়-উচ্ছ্বাস
কোথা সেই প্রাণের উল্লাস
কোথা সেই ভরা মমতায়
প্রেমময় কোথা আছ হায়
সেই প্রেম ভালবাসা তব
ভুলিয়াছ নাথ সেই সব

রূপে কর এ হৃদয়ে বাস ।
আমি তব অনুগত দাস ॥
অধিষ্ঠাত্রী দেবী হৃদয়ের ।
স্বখে কাল যাপি জীবনের ॥
শান্তি-রসে ভরিয়া হৃদয় ।
ল'য়ে হৃদে শান্তি প্রতিমায় ॥
সাধ নাহি রহিতে আমার ।
অশান্তির বহে শ্রোতধার ॥
তাই ত্যজি অশান্তি-আগার ।
শান্তি যথা রহে অনিবার
জ্বালি হৃদে দারুণ অনল ।
যন্ত্রণায় পরাণ বিকল ॥
মোর সনে রহিবার সাধ ।
সাধিয়াছে বিধি তাহে বাদ ॥
কোথা সেই প্রাণে অনুরাগ ।
কোথা সেই আদর সোহাগ ॥
স্নেহময় হৃদয় তোমার ।
এ ছুঃখিনী ডাকে অনিবার ॥
অফুরন্ত সেই যে প্রণয় ।
সেই স্মৃতি হ'য়েছে বিলয় ॥

বলিতে সতত প্রিয়তম
 এখন এ দুঃখ হেরি মম
 কোথা আছ ওহে প্রাণাধিক
 ধিক্ মোরে দিই শতধিক
 ধিক্ বিধি তোমার বিচারে
 কেন রাখ ন্যায়দণ্ড করে
 বধি প্রাণে অর্দ্ধাঙ্গিনী জায়া
 এক প্রাণ ভিন্ন মাত্র কায়া
 করি তারে সবলে দলিতা
 রহে সে যে ভূতলে লুণ্ঠিতা
 হরি লয়ে জীবনসর্বস্ব
 কি উদ্দেশ্য কি রহস্য
 নগরাজ 'ওহে হিমালয় !
 কত শত যুগ আসে যায়
 হেরিয়াছ কত ভাগ্যবান
 ভাগ্যবন্তু কত ধনবান
 মম সম অভাগিনী আর
 হারাইয়া সর্বস্ব তাহার
 ভ্রমিতাম তব বক্ষোপরে
 ভুলিতাম বিশ্ব চরাচরে

কভু নাহি ছাড়িব তোমায়
 দুঃখ নাহি পাও তুমি হায় ।
 কোথা মম দেহের জীবন ।
 তোমা বিনা র'য়েছি এখন
 ধিক্ তব দয়াময় নাম ।
 একি ন্যায় কর অবিরাম ॥
 কাড়ি লও স্বামী দেবতায় ।
 ছায়া সম স্বামীর কায়ায় ॥
 ভাঙ্গ সেই সুখ তরু তার ।
 হারাইয়া আশ্রয় তাহার ॥
 ভিখারিণী করিয়া তাহারে
 নহে জ্ঞাত কেহ চরাচরে ॥
 হেরিয়াছ কত যুগান্তর ।
 সৃষ্টি স্থিতি হয় নিরন্তর ॥
 হেরিয়াছ কত ভাগ্যহীন ।
 সুখী দুঃখী কত দীন হীন ॥
 দেখেছ কি 'ওহে নগরাজ !
 রহে কেন এ জগৎ মাঝ ?
 নাথ সনে আনন্দিত মনে ।
 প্রকৃতির শোভা দরশনে ॥

আল্লা

হিমালয়

সাদরেতে করিতে আস্থান
বিতরিতে হে গিরি মহান্
বিতরিয়া নানা পুষ্প রাজি
সুশোভিয়া নানা সাজে সাজি
তব কাছে লইয়া বিদায়
মম প্রিয় ছিলে তুমি হায়
বহুদর্শী সুবিজ্ঞ প্রবীণ
যে ছুঃখেতে কাটে মম দিন
রহিতাম তব সন্নিকটে
শৈলরাজ কহ অকপটে

তব কাছে ছুটিত যে মন ।
আতিথ্যের পূর্ণ আয়োজন ।
বরষিয়া নিৰ্ব্বরের নীর ।
পরিচর্যা কর অতিথির ॥
আসিয়াছি এ জনম মর্ত ।
প্রাণেশের ছিলে মনোমত
এ আশীষ কর গিরিবর ।
অবসান হউক সত্বর ॥
নাথ সনে সুখে অহরহ ।
মিলি যেন প্রাণেশের সহ



বাসনা ত্যাগ ।

ত্যজিয়াছি সংসারের সকল বাসনা ।
 মায়া মোহ আশা তৃষা প্রণয় কামনা ॥
 ভুলিয়াছি জীবনের সুখ সাধ যত ।
 গিয়াছে সকলি চলি এ জনম মত ॥
 প্রেম প্রীতি ভালবাসা কিছু নাহি আর ।
 এ হৃদয় মরুভূমি সমান আমার ॥
 এ জীবন আজীবন নিরাশা-অনলে ।
 সতত হইবে দন্ধ প্রতি পলে পলে ॥
 পরিয়াছি শ্বেতবাস শাখাশূন্য কর ।
 ধরেছি বৈধব্য-ব্রত করিয়া কঠোর ॥
 করিয়াছি বিদূরিত চিকুর চাঁচর ।
 তাপুলে রঞ্জিত নাহি হয় ওষ্ঠাধর ॥
 সুরভী চন্দন অঙ্গে না করি লেপন ।
 কুসুমের সুবাসেতে তৃপ্ত নহে মন ॥
 সহিতেছি এত দুঃখ যাহার কারণে ।
 সে কভু ভ্রমেও ভুলে ভাবেনাক মনে ॥
 জ্বলিতেছি যার লাগি এই অনলেতে ।
 এখন আমারে তার নাহিক মনেতে ॥

যাহারে না হেরি দহে বিষাদে হৃদয় ।
এখন হয়েছে সে যে নিষ্ঠুর নির্দয় ॥
যার অদর্শনে মন সতত ব্যাকুল ।
দুঃখের সাগরে ভাসি নাহি তার কূল ॥
দিবানিশী যাতনার প্রবল পবন ।
আন্দোলিত আকুলিত করে মোর মন ॥
ঝরে অঁথি নিশীদিন অবিরল ধারে ।
প্রবল সে বন্যা-স্রোত কেবা রোধে তারে ?
শূন্যপ্রাণে ফিরি সদা হাহাকার করি ।
অবিরত ডাকি তারে দিবা বিভাবরী ॥
কোথা নাথ কোথা নাথ ডাকি অনিবার ।
তাপিত এ প্রাণে শান্তি নাহিক আমার ॥
যাহার সাস্থনা বাণী শুনিলে শ্রবণে ।
সুশীতল হইতাম তাপদঙ্ক প্রাণে ॥
করেনা এখন মোরে আশ্বাস প্রদান ।
হইয়াছে হৃদি তার পাষণ সমান ॥
পাষণে গঠিত হৃদি করিয়া এখন ।
ভুলিয়াছে দুঃখিনীরে জনমমতন ॥
কভু ভাবি দিব মন ঈশ্বর-চরণে ।
ভুলিবনা আর সেই মোহ প্রলোভনে ॥


ভক্তিভরে ভগবানে করি আরাধনা ।
 প্রশমিত হবে ভাবি হৃদয়-যাতনা ॥
 অনাহারে অনিদ্রায় দেহ করি ক্ষয় ।
 ঈশ্বরে সেবিতে প্রাণ দিব সমুদয় ॥

• জগৎ-নাথের পদে সমর্পিয়ে মন ।
 তপস্বিনী ভাবে আমি যাপিব জীবন ॥
 কিন্তু হয় এ বাসনা নাহি লয় মনে ।
 উৎসর্গ করেছি প্রাণ নাথের চরণে ॥
 নিবেদিত বস্তু লয়ে কিরূপে এখন ।
 পুনরায় বিভূপদে করি সমর্পণ ?
 নাহি হবে এ বাসনা পূরণ আমার ।
 নাহি হবে মোহ দূর এ জনমে আর ॥
 নাহি প্রাণ চাহে কভু ভজিতে ঈশ্বরে ।
 সতত কাতর প্রাণে ডাকি প্রাণেশ্বরে ॥
 কাঁদিতেছি দিবানিশী যাহার লাগিয়া ।
 সে নাম স্মরণে চিত্ত উঠে উথলিয়া ॥
 কাটিতেছে দিবানিশী দারুণ সন্তাপে ।
 সে নাম স্মরিবামাত্র এ হৃদয় কাঁপে ॥
 কাঁপিতে কাঁপিতে করি সে নাম স্মরণ
 প্রতি পলে করি আমি অশ্রু বরিষণ ॥

কখন সে নাম স্মরি পুলকে শিহরি ।
কভু বা উন্মত্ত ভাবে হাহাকার করি ॥
কত সুখ কত দুঃখ এই নামে রয় ।
কত যে গরলভরা-কত সুধাময় ॥
কতবার ধীরে ধীরে করি উচ্চারণ ।
কখন বা উচ্চৈঃস্বরে করি যে ক্রন্দন ॥
কভু বহে দীর্ঘশ্বাস সে নাম স্মরণে ।
কভু বা উল্লাসে হাসি হরষিত মনে ॥
কতই আনন্দ আর কত নিরানন্দ ।
কত সুখ কত দুঃখ বিধির নিৰ্বন্ধ ॥
যার জন্ম জ্বলে প্রাণ সদা কেন হয় !
উন্মত্ত হৃদয় কেন তারে সদা চায় ?
সতত জ্বলিছে বহি না হয় নিৰ্বাণ ।
তথাপি তাহার কাছে ধাইতেছে প্রাণ ॥
কেন রে উন্মাদ মন কেন এ বাসনা ?
যে তোমারে ভুলিয়াছে ভুলিতে পার না ?
হায় রে উন্মত্ত মন একি মোহ তোর ?
এ জনমে পারিবে না ত্যজিতে এ ঘোর ॥
আয় স্মৃতি রাখি তোরে হৃদয়ে যতনে ।
স্মরিব এ স্মৃতি আমি জীবনে মরণে ॥

এ জীবনে সেই স্মৃতি ভুলিবার নয় ।
 রহিবে সে চিরদিন ভরিয়া হৃদয় ॥
 করিয়া সংযত চিত্ত হ'য়ে একমন ।
 দিবানিশি সেই দেব করিব ভজন ॥
 তপস্বিনী সাজি রব তার আরাধনে ।
 সন্ন্যাসিনী হইয়াছি যাহার বিহনে ॥
 করিব কঠোর তপ যাবত জীবন ।
 লভিবারে মম সেই বাঞ্ছিত চরণ ॥
 সেই নাম মূল মন্ত্র হইবে আমার ।
 সে রূপ স্মরণে ধ্যানে রব অনিবার ॥
 বিভূতি করিব অঙ্গে সেই সুখা হাসি ।
 জটাজাল হবে মম প্রণয়ের ফাঁসি ॥
 কমণ্ডলু পূতবারি নয়নের নীরে ।
 করিয়া পূজিব আমি মম প্রাণেশ্বরে ॥
 মৃগচক্ষু সমাসীন নিরাশা আসনে ।
 গালবাঘ হাহারব করুণ রোদনে ॥
 আহাৰ্য্য যে হবে মম সেই নাম-সুখা ।
 প্রণয় পীযুষ পানে নিবারিব ক্ষুধা ॥
 লইয়াছি প্রেম-ব্রত প্রেমের সাধনা ।
 প্রেমময়ে লভিবারে এ প্রেম-কামনা ॥

প্রেমের তপস্যা করি এ সারা জীবন ।
প্রাণনাথে আরাধিব করি প্রাণপণ ।
প্রেম-ধামে বিচরিব প্রেম-ভিখারিণী ।
প্রেমে তার মগ্ন রব দিবস রজনী ॥
প্রেমের তপস্যা সদা করি কায়মনে ।
জন্মান্তরে লভিবারে সে অভীষ্ট ধনে ॥
সাধনার ধন সেই আরাধ্য দেবতা ।
লভিবারে এ সাধনা, এ ঘোর ব্যগ্রতা
জন্মজন্মান্তরে যেন সেই গুণনিধি ।
মিলান এ ছুঃখিনীরে দয়াময় বিধি ॥



পরাজয় ।

হৃদয়ের সহ আজি করিব সংগ্রাম ।

- দিবানিশী কেন তারে ভাব অবিরাম ॥
যে তোমারে ভুলিয়াছে এ জনমমত ।
তাহার কারণে সদা কেন ব্যাকুলিত ?
যে তোমারে ফেলিয়াছে মরুভূমি মাঝে ।
তোমার দুঃখের কথা প্রাণে নাহি বাজে
দুরন্ত অশান্তি হায় দিয়াছে ঢালিয়া ।
হৃদয় হইতে দেছে বাসনা মুছিয়া ॥
সুখভরা যেই হৃদি ছিল অনিবার ।
এখন ক'রেছে সে যে দুঃখ-পারাবার ॥
প্রাণ হ'তে মুছিয়াছে অরুণের রাগ ।
তাহাতে ভরিয়া দেছে বিষাদের দাগ ॥
প্রাণের পাখীর গান দিয়াছে থামায়ে ।
জীবনের যত আলো দিল সে নিভায়ে ॥
টাঁদের কিরণমাখা ছিল যেই প্রাণ ।
করিয়াছে তারে হায় জ্বলন্তু শ্মশান ॥
ফল ফুলে যে হৃদয় ছিল সুশোভিত ।
ক'রেছে এখন তাহা ভস্মে পরিণত ॥

উষার রক্তিম-ছটাভরা যে হৃদয় ।
ভরিয়াছে সেই স্থান দুঃখ তমসায় ॥
অরুণের নব রাগে আলোকিত ছিল ।
ঢাকিয়া দুঃখের জালে আঁধার করিল ॥
প্রস্ফুটিত ছিল সদা হৃদি কুঞ্জবন ।
সুখ আশা ছিল তাহে ভ্রমর গুঞ্জন ॥
প্রণয় পীযুষ ভরা ছিল যে হৃদয়ে ।
বিচূর্ণ করিয়া তারে দিয়াছে দলিয়ে ॥
নয়নেতে ছিল যাহা সাধের অঞ্জন ।
বিষাদ তাহাতে আহা করেছে লেপন ॥
সতত বহিত প্রাণে সুখের তিলোল ।
দিবানিশি উঠে তথা দুঃখের কল্লোল ॥
হৃদয়ে বহিত সদা সুখের নিব্বার ।
প্লাবিত করিত মম তাহাতে অন্তর ॥
ভাবিতাম সুখভরা হায় এ ধরণী ।
সুখোচ্ছ্বাসে ভাসিতাম দিবস রজনী ॥
কিন্তু হায় হইয়াছে জগৎ এখন ।
অশান্তির বাসভূমি দুঃখ-নিকেতন ॥
প্রকৃতির আয়োজন ছিল যত হায় ।
অধিকার করিয়াছে সকলি হৃদয় ॥

করায়ত্ত করিবারে সবে নাহি পারি ।
 বিদ্রোহী হইয়া তারা রহিয়াছে ঘিরি ॥
 অধিকার করিয়াছে হৃদয় আমার ।
 আধিপত্য করিতেছে প্রাণে অনিবার ॥
 হৃদয়ের সহ আজি সংগ্রাম করিব ।
 বিজয়িনী হব কিবা হারিয়া রহিব ॥
 আশা সাধ ভালবাসা লইব কাড়িয়া ।
 কামনা বাসনা যত দিব ত'ড়াইয়া ॥
 প্রেমের সে অনুরাগ না রাখিব মনে ।
 প্রণয়ের সুখ-স্মৃতি ভুলিব যতনে ॥
 ভুলিয়াছে যে আমারে হইয়া নিদয় ।
 তাহার কারণে মন কেন মত্ত হয় ?
 সুখের সে স্মৃতি হায় হব বিস্মরণ ।
 পাষাণে গঠিব হৃদি পাষাণেতে মন ॥
 দেখিব যুঝিয়া আজি হৃদয়ের সহ ।
 দূরিবারে পারি কিনা অতীতের মোহ ॥
 মুছিবারে পারি কিনা ছায়া সে স্মৃতির ।
 ভুলিবারে পারি কিনা ভাব প্রকৃতির ॥
 একাগ্রতা সেনাপতি সম্মুখে রাখিয়া ।
 অতীতের যাহা কিছু লইব জিনিয়া ॥

হায় হায় কি করিছু আসি যুঝিবারে ।
মানিলাম পরাজয় নিরাশ অন্তরে ॥
দৃঢ়রূপে অধিকার করিল হৃদয় ।
এ জীবনে তাহা কভু ভুলিবার নয় ॥
আধিপত্য করে সদা হৃদয়েতে আসি ।
অতীতের সেই স্মৃতি প্রাণে রহে মিশি ॥
সেই প্রেম ভালবাসা প্রণয়-বন্ধন ।
শতগুণ হ'য়ে প্রাণ করিছে বেষ্টন ॥
ভাবিলাম পরাজিব বিদ্রোহীহৃদয় ।
তাহাতে বিফল হ'য়ে মানি পরাজয় ॥
চিরদিন এ হৃদয়ে যার অধিকার ।
সেই স্মৃতি বিদূরিতে কি সাধ্য আমার ?
উন্মত্ত উদ্ভ্রান্ত মন হায় ভ্রমবশে ।
বিপাকে পড়িছু যে গো যুঝিবারে এসে ॥
ওহো কি দারুণ তৃষা উঠিল জাগিয়া ।
হৃদয়ের তন্ত্রী গুলি উঠিল কাঁপিয়া ॥
হৃদয়ের স্তরে স্তরে ধ্বনিল সে নাম ।
ব্যাপিয়া সে রূপ রাশি জিনিল সংগ্রাম ॥
ভুলুক সে ভুলিয়াছে ক্ষতি নাহি তায় ।
আমি যে বাসিব ভাল সতত তাহায় ॥

ভুলিব না ভুলিব না সে মধুর স্মৃতি ।
 তাহার মধুর প্রেম স্মরি দিবারাতি ॥
 মানসে লভিব প্রীতি পূজিয়া তাহারে ।
 দিবানিশী সেই রূপ ভাবিব অন্তরে ॥
 ভুলিয়াছে ভালবাসা ভুলেছে আমায় ।
 আমি যে যাপিব কাল তাহারি আশায় ॥
 প্রীতি প্রেম-অনুরাগ করি একত্রিত ।
 হৃদয়ে করিব সেই দেবতা পূজিত ॥
 উপেক্ষার অনাদর না ভাবিব মনে ।
 যত দুঃখ সহিতেছি এ পোড়া জীবনে ॥
 প্রণয়ের তরুমূলে সাধনার বারি ।
 সিঞ্চন করিব আমি দিবা বিভাবরী ॥
 বাসনা কামনা ল'য়ে সদা তার নামে ।
 যাপিব তাহার ধ্যানে জীবন-সংগ্রামে ॥
 চাহিনাক প্রতিদান চাহিনা সোহাগ ।
 না চাহি প্রণয় প্রীতি প্রেম অনুরাগ ॥
 বিস্মৃতিরে সমাদরে করিয়া গ্রহণ ।
 আশা পথ চাহি তারি রব অনুক্ষণ ॥
 সঁপেছি এ মন প্রাণ যাহার চরণে ।
 উৎসর্গ হৃদয় যার প্রীতি সম্পাদনে ॥

নীরবে এ পূজা মম করিব প্রদান ।
জীবনান্তে সেই পদে লভিবারে স্থান ॥
হৃদয়-ঈশ্বর ওহে জীবনের সখা !
জীবনের পরপারে দিও মোরে দেখা ॥
স্মরিও এ অভাগীকে সেই শেষ দিনে ।
আবার মিলিব মোরা সে সুখমিলনে ॥
ভুলিব এ দুঃখ জ্বালা বিরহ বেদনা ।
চরণেতে দিবে স্থান করিয়া করুণা ॥
বিস্মৃতির অনুযোগ না রহিবে আর ।
চিরসুখে রব মোরা সেই পরপার ॥



শুনেছি ।

- শুনেছি শুনেছি শ্রবণ ভরিয়া
কি নাম শুনেছি তাহা ।
ললিত ললিত ললিত বলিয়া
কেমন মধুর আহা !
- ললিত ললিত শ্রবণে বাজিছে
বাজে গো প্রাণের মাঝে
ললিত রূপেতে হৃদয়ে রাজিছে
সতত ললিত সাজে ॥
- কত আনমনে ফুটে ওঠে মুখে
ললিত ললিত নাম ।
কত নাম স্মরি ভরে মন সুখে
কত ভাল বাসিতাম ॥
- কত ভালবাসি এখন ও নাম
কত ভালবাসি তারে ।
সে লালিত্যে ভরা এ হৃদয়-ধাম
সে নামে নয়ন ঝরে ॥

ললিত রাগিণী কি ললিত তানে

সতত এখন বাজে ।

স্বললিত স্বর ফুটিত বদনে

সরমে জড়িত লাজে ॥ •

গোপনেতে আমি রাখিতাম লিখি

ললিত নামটি তার ।

সে ললিত রূপ নয়নে নিরখি

ভুলিতাম এ সংসার ॥

খেলিতাম যবে খেলা লুকোচুরি

ললিত বলিয়া ডাকি ।

সে ললিত নামে কতবা মাধুরী

কতবা ছলনা ফাঁকি ॥

যাইতাম ছুটি আকুল উচ্ছ্বাসে

প্রণয়ে পরাণ ভরা ।

হইয়া জড়িতা সেই ভুজপাশে

হতাম আপনানাহারা ॥

ললিত নামেতে ললিত রূপেতে

মজিল নয়ন.মন ।

সে ললিত স্মৃতি মম জীবনেতে

জাগিতেছে অনুক্ষণ ॥

কবে এ অভাগী লভিবেক পুন

ললিত লাবণ্য ছ্যতি ।

হবে পরপারে আবার মিলন

ললিতে মিলিবে জ্যোতি ॥

মন-বীণা ।

আমার এ মন-বীণায় গাহে, শুধুই দুঃখ-গান ।

ছিঁড়েছে তারের বেড়া যাবে না আর সে জোড়া

তারা গ্রামে সে সুর চড়া, তুলিবে না তরল তান ॥

আর সে ডুবি তানে মানে বাজে না ললিত তানে

গাহেনাক আকুল প্রাণে উচ্ছ্বাসেতে প্রেমের গান ।


হৃদয়ের ছিন্ন তারে গাহে সে কাতর স্বরে

বাজে না আর মোহন সুরে গলে না কাহার প্রাণ ॥

হ'য়েছে নীরব বীণা পুলকে আর বাজে না
ভুলিয়াছে সুর সাহানা ভৈরবীতে প্রাণের টান ।
বীণার এ তারগুলি আবরিয়া শোক-ধূলি
হায় গোপনেতে নিরিবিলি রহিয়াছে ত্রিয়মান ॥

সপ্তকেতে সুর বাঁধা আলাপে না হয় সাধা
আহা গাঁথা দুঃখ ডোরে সদা কাঁদিতেছে অবিরাম ।
ভাঙ্গা এই বীণা যন্ত্রে বাজিবেক মোহ মন্ত্রে
সদা সেই নাম রক্কে, রক্কে, ধ্বনিতেছে অবিশ্রাম ॥

কবে সে আকুল প্রাণে গাহিবে আপন মনে
সুখে জীবনের শেষ দিনে পাবে সেই পদে স্থান ॥




হৃদয় শ্মশান ।

কোথায় রয়েছ নাথ কোথায় হে তুমি ।
শূন্য করি এ হৃদয় কোথা আছ প্রাণময়
• এ জীবন মরুময় শুষ্ক হৃদিভূমি ॥
নাথ হে তোমা বিহনে কি কাজ ছার জীবনে
 জীবনের শেষ দিনে পাব শান্তি আমি ।
হৃদয়ে অনল জ্বলে নাহি নিবে অঁখি-জলে
 সতত বসি বিরলে ডাকি দিবাযামী ॥
উত্তপ্ত অনল রাশি দহে প্রাণ দিবানিশী
 দরশন সুধারাশি দেহ চিতগামী ।
হৃদয় শ্মশান সম হইয়াছে এবে মম
 নানা শোভা মনোরম ছিল যেই জমি ॥
শ্মশানের ভস্মরাশি রহিয়াছে প্রাণে মিশি
 সেই ভস্মে রব মিশি চিরতরে আমি ।
ভস্মরাশি স্তরে স্তর আবরিত এ অন্তর
 বিদূরিত তারে কর হে প্রাণের স্বামী ॥
এস এস প্রাণসখা ক্ষণ তরে দাঁও দেখা
 রেখো না ফেলিয়া একা সঙ্গিনী যে আমি ।
রাখহে মিলনে চির তব পাশে নিরন্তর
 জীবনের পরপার সেই শান্তি-ভূমি ॥

ভৎসনা ।

- (গো) পীনাথ ! রূপা কর তাপিত জীবনে ।
(পি) পাসা মিটাও মম শান্তি-সুধা দানে ॥
(না) হি হেরি কুল হরি বিহনে তোমার ।
(থ) র থর কাঁপে কায় আতঙ্কে অপার ॥
(রা) ধানাথ রাখ মোর ও চরণে মতি ।
(ধা) ইতেছে প্রাণ সদা যথা প্রাণপতি ॥
(না) হি হরি প্রাণ ধরি রহিতে এখন ।
(থ) ল জল নভোস্থল শূন্য ত্রিভুবন ॥
(হে) ললিত হে সুন্দর ওহে জগৎপতি !
(রা) থ রাখ ও চরণে মিলাইয়া জ্যোতি ॥
(ধা) য মন হায় সদা প্রাণনাথ কাছে ।
(র) হিতে না পারি আর প্রাণ দহিতেছে ॥
(ম) দনমোহন রূপ দেখাও দাসীরে ।
(ন) যনের বারি ধারা মুছি ক্ষণতরে ॥
(দি) ওনা দিওনা আর নিদারুণ জ্বালা ।
(ও) হে তুমি চিরদিন নিদয় যে কালা ॥
(না) হি মমতার লেশ নিষ্ঠুর নিদয় ।
(আ) মারে দহিছ বলি না মানি বিশ্বয় ॥

- (মা) ধব ছলনা তব বুঝিতে না পারি ।
 (রে) খে ছিলে শ্রীরাধারে বিরহে মুরারি ॥
 (আ) সিলে না হে কেশব শূণ্য বৃন্দাবনে ।
 (র) ছিলেন শ্রীরাধিকা সদা তব ধ্যানে ॥
 (বি) ষম বিরহ লয়ে শত বর্ষ হয় ।
 (র) ছিলেন কমলিনী তব প্রতীক্ষায় ॥
 (হ) ও তুমি ওহে শঠ পাষণ্ডহৃদয় ।
 (বে) দনা জান না কত বিরহিনী সয় ॥
 (দ) যা নাই তব মনে দয়াময় নাম ;
 (ন) ছিলে এ জ্বালা নাহি দিতে গুণধাম ॥



কোথায় হে !

কোথায় হে জগৎস্বামী ডাকি আমি কোথায় আছ লুকায়ে বল ?
তোমার ভুবনভরা স্নেহের ধারা ঢালহে নাথ প্রাণে ঢাল ॥
আমি তোমার তুমি আমার চিরসখা চিরদিন চিরমিলনে ।
কিবা সুখেতে দুঃখেতে এ শোক তাপেতে অথবা জীবনে মরণে ॥
আমি তোমার দেওয়া হৃদয় ল'য়ে তোমার পানে চেয়ে রই ।
তুমি নিজের পূজা নিজেই কর আমি তো নই তোমা বই ॥
আমি তোমার গঠা হৃদয় ল'য়ে করি তোমার আবাহন ।
তুলি তোমার সৃষ্ট কুসুমগুলি সাজাই তোমার শ্রীচরণ ॥
তোমার মধু হাসি প্রাণে মিশি যে দিকে চাই দেখতে পাই ।
কত আকুল প্রাণে তোমার পানে সতত যে ছুটে যাই ॥
তুমি প্রাণের মাঝে মাঝে থেকে ডাক্ছ ব'লে মনে হয় !
শেষে ভুলিয়ে মোরে ব্যাকুল ক'রে পালাও পাছে দয়াময় ॥
তোমার চরণ জ্যোতি ল'য়ে চোকে খুঁজি তোমায় সকল ঠাই ।
তুমি হৃদয়মাঝে বিরাজ কর তবুও তোমায় দেখতে পাই ॥
তোমায় ধরি ধরি মনে করি দাওনা ধরা হৃদয়-চোর ।
ওই আড়াল থেকে ভুলিয়ে রেখে মোহিত কর নয়ন মোর ॥
হৃদয়নাথ হে হৃদয় 'পরে বিছিয়ে তোমার আসন খানি ।
তোমার বাহুর পাশে স্নেহের বশে জোর করে নাথ লওগো টানি ॥

জ্যোতিষ্ময় হে জ্যোতির হৃদে ঢাল তোমার প্রেমের ধারা ।
 মিলিয়ে জ্যোতি ওই চরণে হ'য়ে থাকুক পাগলপারা ॥
 বিনয়েতে মিলিত হয়ে মিশিয়ে রব তোমার পায় ।
 শিথিয়েছ প্রেম হে প্রেমময় প্রেমে যেন পাই তোমায় ॥

নীরবতা

নীরব নিঝুম এই নিভৃত নির্জন,
 নিস্তব্ধে নিরাশ প্রাণে করি বিচরণ,
 নীরবে পথিকগণ
 যায় নিজ নিকেতন
 নীলিম নভোমণ্ডলে নাহিক তপন ॥
 নীরবেতে সারাদিন নিজ কাজ সারি,
 নীরবেতে অস্তাচলে যান তিমিরারি,
 নীরবেতে নিয়মেতে যাপিয়া শব্দরী,
 প্রভাতেতে জনগণে দিবেন কিরণ ॥
 নেহারি তিমিরারির অস্তাচল বাস,
 নীলিম আভরণে নিশি সুপ্রকাশ,

নীরবে নিরজনে,
নিজ পতি দরশনে,
নিরালা নীরবেতে স্বামী সহবাস ॥

নিভূতের নীরবতা বড় ভালবাসি,
নীরবে নয়ন মুছে বিভু প্রেমে ভাসি,
নীরবেতে সদা বিভু নাম
নীরবে নয়ন মুছে জপি অবিরাম ।

নীরবেতে নেহারিয়া বিভুর চরণ,
নীরবে হৃদয় মাঝে করি আরাধন,
নির্জনে বিভুগুণ গানে হয় প্রাণ উদাসী ।

নীরবে এ হৃদয়ের ভার,
সদা বহি অনিবার,
নীরবে নয়ন জলে ভাসি :
নীরবে এ মরম-যাতনা,
সহি নীরবে বেদনা,
নীরবে অনল প্রাণে জলে দিবানিশি ।

নীরবেতে হৃদয় মন্দিরে
নীরবেতে প্রিয় প্রাণেশ্বরে
নীরবে পূজিয়া করি নীরবে প্রার্থনা ।
নীরবে মিলিয়া নাথ সহ,

নীরবেতে যেন অহরহ,
 নীরবে ত্যাজি শোক মোহ,
 নীরবে করি এ কামনা ।
 নীরবে এ প্রাণের জ্বালা,
 ভুলি হইয়া বিভোলা,
 নীরবে হেরি বিশ্বলীলা নীরবে রহি সর্বক্ষণ ।
 নীরব বিহনে কিছু না হয় কখন,
 নীরবে ও পদে হায় সমর্পণ,
 পাছে জন কোলাহলে,
 তব নাম যায় ভুলে,
 এই ভয়ে ভীত হয়ে মুনি ঋষিগণ,
 নির্জনে নির্ভয়ে করে ও পদ স্মরণ ।
 আজীবন জীবের যে নীরবে সকল,
 সাধিত জীবনলীলা হয় অবিরল ।
 নীরবে মাতৃগর্ভে ক'রেছ প্রেরণ,
 নীরবে চিতা বন্ধে করাও শয়ন,
 নীরবে চিতাভস্ম যাবে রসাতল ।
 নীরবেতে মিলিত দম্পতি,
 নীরবে হয় প্রেম প্রীতি,

নীরবে দোঁহাকার নিগড় বন্ধন ।
নীরবে নিরবধি রহে আজীবন ॥
নীরবেতে সদা মাতৃস্বনে,
পয়োধারা ঝরে নিশীদিনে,
নীরবে সন্তানেরে করিতে পালন
নীরবে বক্ষঃরক্ত করি নিঃসরণ ;
নীরবেতে প্রকৃতি সুন্দরী,
তব রচনার বাহাছুরি,
নীরবে তবপ্রেম ভাবে অনুক্ষণ ।
কিবা বিশ্ব বিরচন ॥

অভ্রভেদী চূড়া হিমালয়,
নীরবেতে স্মরে তব গুণ গরিমায়,
নতশিরে মহীধর করিছে স্তবন ।
নিস্তব্ধেতে মহীকুহগণ,
করে শাখা পত্র সঞ্চালন,
নীরবে লতা দলে দেয় আলিঙ্গন ।
নীরবে তব প্রেমে সুমন্দ পবন,
কুসুম-সুবাস-ভার করে বিতরণ ॥
কিবা ঝরঝর রবে নির্ঝরিণী,
ঝরে তব প্রেমে দিবস রজনী,

তব প্রেমে ধারা ঝরে নাহি নিবারণ,
ভেদিয়া পাষণ-বক্ষ হ'তেছে পতন ॥

শুনিয়া আপনা হারা হই,
যুঁহু রব নিব্বারের ওই,

গাহে যেন মর্ম্মগাথা নীরবেতে সই ।
হৃদয়ে ভাব যাহা রয়েছে গোপন ॥

নীরবেতে বহে যে তটিনী,
করি কুলু কুলু ধ্বনি,

নীরবে দিবানিশি করিছে গমন ।
নীরবে বিভূপদে লইতে স্মরণ ॥

নীরবেতে রবি শশীগণ,
গ্রহরাজি তারা অগণন,
নীরবে করে তব আঞ্জা সমাপন ॥

নীরবে ভ্রমে ঋতু ছয়,
প্রভু তোমার আঞ্জায়,

নীরবে করে ধরার মঙ্গল সাধন ॥
নীরবে প্রভাতেতে বিহঙ্গমদল,
মধুময় কলনাদ করে অনর্গল,
তব নাম সঙ্কীর্তন জানি সে সকল ।

তুচ্ছ নর ভ্রমে দলে,
তব নাম নাহি বলে,
শিখুক পাখীর কাছে নীতি স্তম্ভল ।
নীরবে বিভূনাম গাহিতে কেবল ॥
শুনিয়া ও মধুময় কলকণ্ঠ তান,
বিস্ময়ে বিভোর হয় তব প্রেমে প্রাণ,
বিহঙ্গিনী সঙ্গিনীরে করি যে আহ্বান ॥

সাধ তারে বসায় নিকটে,
মন ছুঁখ কহি অকপটে,
নীরবেতে সখী সাথে গাহি ছুঁখ গান ।
মিলাইয়া ওহে বিভূ-নাম ॥

নীরবেতে কুসুমনিকর,
প্রস্ফুটিত হইয়াছে কিবা স্তরে স্তর,
লইবারে তব পদে স্থান,
কুসুমের বাসনা প্রধান,
নরকরে নিপীড়িত আতঙ্গে কাতর,
শুকাইয়া পড়ে ঝরি হয়ে ত্রিয়মান ॥

নীরবে নীলিম গগন,
স্ববিস্তৃত রহে অনুক্ষণ,
নীরবে পাতিয়াছে বিভূর আসন ।

নীরবেতে মেঘগণ যত,
উর্দ্ধে নিম্নে ভ্রমে অবিরত,
কভু তব প্রেমাবেশে মনের আবেশে ।
নীরবেতে হয় ভূতলে পতিত ॥

কিবা তুষার ধবল জীমূতের দল,
করে মনোমত শয্যা ধরাতল,
কভু আশে পাশে মনের উল্লাসে ।
দিগন্ত ব্যাপিয়া বরণ ধূমল ॥

ভূমে পতিত কখন কভু উর্দ্ধে বিচরণ,
নীরবে করে কভু বারি বরিষণ,
হেরি জলদের খেলা ।

নীরবে সৌদামিনী ধরি প্রিয়-গলা,
নীরবে প্রিয় কোলে দেয় আলিঙ্গন ।

কভু তব প্রেম ভাবে অবসন্ন ভাবে,
আহা কি নিম্পন্দে ভূমেতে নীরবে,
ধরং 'পরে এই অভিনব ভাবে,
হয় অপরূপ শোভা দরশন ।

হেরি প্রভু তব প্রেমের মহিমা,
করুণার ধারা নামের গরিমা,

ত্রিভুবনে কেহ দিতে নারে সীমা ।
নীরবেতে ভাবি হোয়ে ভ্রাস্তমনা ॥

তুমি হে সুন্দর সকলি সুন্দর,
নীরবে সৃজন এ বিশ্ব তোমার,
নিয়মেতে প্রজা পাল নিরন্তর,
নীরবে নিয়মে কর কর্ যে গ্রহণ ।

নীরবেতে মম কৰ্মফল,
নীরবেতে দহে অন্তস্থল,
অদৃষ্ট-চক্রেতে সদা করিছে পেষণ ।
নীরবেতে আসে নিবিড় রজনী,
নীরবেতে মম কাটে নিশীথিনী,
নয়নের নীরে নীরবে মেদিনী ।

নীহারের রূপে ঝরে অনুক্ষণ,
নীরবেতে ঝিল্লি নিনাদন করে,
নীরবতা ব্যাপ্ত করি চরাচরে,
নীরবে খণ্ডোত তম নাশ করে মরি কি নয়নরঞ্জন ।

প্রহরীবেশেতে যত শিবাগণ,
নীরবেতে করে নিশি জাগরণ,

প্রহরে প্রহরে মিলি পরস্পরে করে প্রভু তব নিয়ম পালন ॥

ভূচর খেচর কিংবা জলচর,
 তব আঞ্জা সব পালে নিরন্তর,
 জলে স্থলে অন্তরীক্ষে মিলি সর্বক্ষণ ॥

বসি নিভৃত নির্জনে শয্যাগৃহ-বাতায়নে ।
 চাহি অনন্তুরি বিভু করিহে স্তবন ।

নীরবে চাহি শূন্য প্রাণে,
 নীরবে ভাবি মনে মনে,
 কর পূর্ণ মম হৃদি তব করুণা সিঞ্চনে ।

নীরবে এ ছুঃখিনীরে দেহ দরশন,
 সতত তব প্রেমে যাপিব জীবন,
 শোভা প্রকৃতির হেরি,
 আহা কি শিল্প-মাধুরী,
 নীরবে ধীরে বহে সাক্ষ্য-সমীরণ ।

স্বভাবের শোভা হেরি বিমুগ্ধ নয়ন ॥

ভুলি এ মনোবেদনা তর রচনা-নৈপুণ্য,
 বিস্ময়ে বিভোর হ'য়ে হেরি অনুক্ষণ ।

কিবা এ স্বদেশ কিবা দূরদেশ,
 তুমি যথা রও সেই নিজ দেশ,

হৃদে কর বাস ওহে হৃদয়েশ শান্তিবারি কর সিঞ্চন ॥

তুমি জগদীশ ওহে জগৎপতি,
এই ভিক্ষা করি সক্রুণ স্তুতি,
যেন সর্বক্ষণ এ পদ স্মরণ করিবারে রহে আমার শক্তি ।

নীরবেতে প্রভু করিহে প্রার্থনা,
নিবার এ জ্বালা এ ঘোর যাতনা,
তাপিতা মাগিছে তোমার করুণা লহ তারে প্রভু সে চিরবসতি ।

ওহে দীনবন্ধু দীননাথ হরি,
তোমার চরণে নিবেদন করি,
নীরবে গোপনে যেন শেষ দিনে তব শ্রীচরণে লয় হ'তে পারি ।

নীরবেতে যেন ভব-পারাবার,
নির্ভয়ে নিঃশঙ্কে হ'তে পারি পার,
না হবে তুফাণ বাণ চালে প্রাণ নাহি ডুবে যেন হাবু ডুবু করি ॥

হাঙ্গুর মকর কুম্ভীরাদিগণ,
আছে জলজন্তু জলে অগণন,
মোহ লোভ আদি রিপু ছয় জন আছে যথা দেহে আধিপত্য করি :

বিনাশিয়া যত শত্রু ছুনিবার,
পার করিবেক ভব পরপার,
তখন কি ভয় রহিবে আমার ভয়ভঞ্নের সম্মুখেতে হে !

জীবনতরী সন্মুখেতে মম,
তব পদ-কূলে যাবে অবিরাম,
বহিবে নীরবে তুমি অবিশ্রাম আপনি ক্ষেপণি শ্রীকরে ধরি ।

নীরবে মুদিয়া যুগল নয়ন,
তব শ্রীচরণ করিয়া স্মরণ ।

স্বামি-স্মৃতি করি পাথেয় গ্রহণ জীবলীলা যেন সমাপন করি ॥

নীরবে সে অমর-পুরে,

নীরবে লইয়া নাথেরে,

নারবে সদা প্রাণ ভরে নীরবে করিব ভজনা ।

নীরবে ভুলি শোক জ্বালা,

নীরবে হইয়া বিভোলা,

নীরবে স্মরি তব লীলা নীরবে রব দুই জনা ॥



দয়াময় নাম ।

দয়াময় নাম তব সকলেই কয় ।

মম প্রতি কেন তবে হ'য়েছ নিদয় ?

নিষ্কপিয়া শিরোপরে দারুণ অশনি ।

কাড়ি নিলে অভাগীর পতি গুণমণি ॥

অঁধার করিয়া হায় আলোক-জীবন ।

অকালে লইলে হরি উজ্জল রতন ॥

ছিল প্রাণ আলোকিত যাত্রার ছটায় ।

সে রত্ন হরিয়ানি নিলে কেমনেতে হায় ॥

যে হৃদয় ছিল হায় নন্দনকানন ।

মরুভূমি সম এবে রহে অনুক্ষণ ॥

সুখ-পারিজাত পুষ্প ছিল প্রস্ফুটিত ।

ছিল ভিন্ন হইয়াছে হৃদয় দলিত ॥

হরিয়াছ জীবনের সার রত্ন নিধি ।

এই কি তোমার দয়া হে দারুণ বিধি ॥

বাণবিদ্ধা কুরঙ্গিনী সম সদা হায় ।

ছট ফট্ করে প্রাণ বিষম জ্বালায় ॥

জর্জরিতা রহে প্রাণ বিরহের বিষে ।
 জীবন ভরিয়া রহে বিরহ হতাশে ॥
 নাহি কি দয়ার লেশ ওহে দয়াময় ।
 দেখিয়া এ দুঃখ তব দহেনা হৃদয় ॥
 হারাইয়া শিরোমণি ফণিনী যেমন ;
 আছাড়ি বিছাড়ি তাহা করে অন্বেষণ ॥
 খুঁজিতেছি দিবানিশী আকুল হইয়ে ।
 কোথা মম শিরোমণি রেখেছ লুকায়ে ॥
 পাষাণে বাঁধিয়া প্রাণ হইয়া পাষাণ ।
 দয়াময় নাম ধর এ কোন বিধান ॥
 নাহিক তোমার মনে করুণার লেশ ।
 নাহিক মমতা কিছু ওহে পরমেশ ॥
 গলেনা হৃদয় তব এ দারুণ তাপে ।
 আসন চঞ্চল হ'য়ে নাহি কিগো কাঁপে ॥
 ঝরেনা নয়ন কিগো কভুও তোমার ।
 শ্রবণেতে কাতরতা নাহি যায় আর ॥
 পাষাণেতে ঝরে দেখ নির্ঝরের ধারা ।
 তিরপিতা করিতেছে তাপিতা এ ধরা ॥
 কাহার দয়ার সেই দেয় পরিচয় ।
 করুণার ধারা রূপে প্রস্রবণ বয় ॥

মম প্রতি কেন হয় হ'য়ে প্রতিকূল ।
হৃদয়ে হানিছ মম বিরহের শূল ॥
জীবন-সর্বস্ব ধন লইয়াছ হরি ।
দারুণ যাতনা আর সহিতে না পারি ॥
কোন কাজ নাহি আর অভাগী-জীবনে ।
কেন বা রেখেছ মোরে কোন প্রয়োজনে
নাহিক সম্বন্ধ কিছু জগতের সহ ।
জ্বলিছে অনল মম প্রাণে অহরহ ॥
পরমেশ বল মোরে কত কাল আর ।
বহিব দুঃখেতে ভরা এ জীবন-ভার ॥
কর্মফল আর কত সহিব নীরবে ।
দুঃখিনীর প্রাণে আর কত জ্বালা সবে ॥
ওহে বিভু কর মোর নিয়তির শেষ ।
ল'য়ে যাও পরপারে সেই মহাদেশ ॥
জানি না সে কোন স্থান কত দূরে রয় ।
তুমি না বলিলে প্রভু যেতে পাঠি ভয় ॥
রাখিয়াছ যথা মোর হৃদয়-দেবতা ।
দয়াময় দয়া ক'রে লও মোরে তথা ॥

আলেখ্য দর্শনে ।

• নীরব নিষ্পন্দ কেন পলকবিহীন,
নিশ্চল র'য়েছে কেন নয়ন তারকা ।
আধ নিমীলিত অঁাখি রহে লক্ষ্যহীন,
অঁাকিয়াছে ল'য়ে কেবা মোহন তুলিকা

কি লাবণ্য সুললিত কিবা মনোরম,
মনোহর কিবা রূপ বিরাজিত রহে ।
শান্ত স্নিগ্ধ সৌম্য ভাব মধুময় কম
হেরি ও মূরতি বুঝি ত্রিভুবন মোহে ॥

সৌন্দর্যের শ্রোত যেন পড়িছে উছলি,
জগতের যত শোভা ও মূরতি মাঝে ।
অঁাকিয়াছে শিল্পী বুঝি ল'য়ে মন-তুলি,
করিয়াছে প্রতিকৃতি অনুরূপ সাজে ॥

অনিমিষে চাতি রহ কার মুখ পানে,
কি মোহ মদিরা-বশে অলস নয়ন ।
লাবণ্যপূরিত ওই সুচারু বদনে,
সুধা বাণী নাহি শুনি বল কি কারণ ?

প্রস্ফুটিত রহিয়াছে বদন নলিন,
সুধায় পূরিত যেন করে ঢল ঢল ।
স্থির নেত্রে চাহি রহ দৃষ্টি সীমাহীন—
কোন্ ভাবে রহে অঁখি হইয়া বিভোল ?

নয়ন উপরে ওঠ মেঘ ভেসে যায়,
সুমন্দ মলয় যায় নীরবে বহিয়া ।
রবি শশী বিরাজিত আকাশের গায়,
নীলাকাশে তারামালা রহে উজলিয়া ॥

কাননে কুসুমরাজি সুষমা অতুল,
ফলভরে অবনত রহে তরুবর ।
হেরিবারে নহে তব নয়ন ব্যাকুল,
উদাস দৃষ্টিতে চাহি রহ নিরন্তর ॥

বরষ চলিয়া যায় মাস যায় আসে,
কভু নাহি দৃকপাত তাহাতে তোমার ।
বসন্ত শরৎ ঋতু অভিনব বেশে,
পাশ দিয়া যায় তব আসি বার বার ॥

নাহি কি হেরিতে সাধ প্রকৃতির শোভা ?
নহে অঁখি আকাজিকত দিবসের জ্যোতি ?

নহে কিগো ধরণীর কিছু মনোলোভা ?
স্নিগ্ধ শান্ত সুবিমল শশধর-ভাতি ॥

শ্রবণে কি নাহি পশে বিশ্বের কল্লোল ?
অনুভূতি হয় না কি মুরলীর ধ্বনি ?
স্থির ভারে রহে সদা শ্রবণ যুগল,
কাহার ধ্যানে মগ্ন দিবস রজনী ?

ব্যথিত না হয় হৃদি কোন বেদনায় ?
উচ্ছ্বাস উল্লাস নাহি হয় প্রবাহিত ।
সুষুপ্ত জাগ্রত কিবা নাহি জানা যায়,
কি মোহ-মদিরা-বশে র'য়েছ সতত ॥

শব্দ নাই গন্ধ নাই, নাই স্পর্শ-জ্ঞান,
নাহি নিদ্রা জাগরণ আহার বিহার ।
নিশ্চল কামনাহীন হৃদয় মহান,
বিচলিত নহে কভু হেরিয়া সংসার ।

নাহিক বাসনা কোন নাহি অনুভূতি,
জীবনে নাহিক কোন মায়ার বন্ধন ।
হে সংযমী দৃঢ়চিত্ত অসীম শক্তি,
সতত নীরবে কেন করহ যাপন ?

বীতরাগ হইয়াছ কেনবা সংসারে ?
কেন বা রহ গো তুমি এক স্থানে স্থির ?
সুরম্য এ হর্ম্য তব প্রাসাদ আগারে,
ভ্রমিবারে সাধ তব নাহি হয় ধীর !

হে নির্লিপ্ত ! হে উদাস ! হে বিশ্বপ্রেমিক !
রহিয়াছ কার প্রেমে সদা হ'য়ে ভোর ?
নয়ন তারকা মেলি চাহ হে ক্ষণিক,
অভাগিনী প্রতি চাও ওহে চিত্তচোর !

কোন্ অপরাধে দাসী দোষী তব পায়,
প্রকাশিয়া বিবরণ বল গুণমণি !
ক্ষমা ভিক্ষা দেহ মোরে ওহে প্রাণময় !
যদি কোন দোষে দোষী হয় এ ছুঃখিনী ॥

হইয়াছে লয় কিগো পূর্ব-স্মৃতি সব ?
যে স্মৃতি হৃদয়ে মম দিবানিশী জাগে ।
কেন বা ভুলিয়া হায় রয়েছ নীরব ?
ভরা যে হৃদয় তব প্রেম-অনুরাগে ॥

নয়ন পল্লব কেন অনিমিষ রহে ?
নাহি বহে কেন নাথ সুরভি-নিশ্বাস ?

তোমার এ মৌনভাব প্রাণে নাহি সহে,
সহিতে না পারি তব এ ভাব উদাস ॥

কথা কও প্রাণনাথ ! বদন বিকাশি,
পিপাসী হৃদয়ে ঢালি ধারা অমৃতের ।
হৃদয়ের এ আঁধার নাশ গুণরাশি !
জাগিয়া উঠুক আশা সুপ্ত জীবনের ॥

সুমধুর সুধাবাণী করিয়া শ্রবণ,
মাতিয়া উঠুক প্রাণ চকোরীর মত ।
গগনেতে শুনি যথা মৃদু গরজন,
উল্লাসে আকুল সে যে রহে অবিরত ॥

চাঁদের কিরণ সুধা মাখিয়া অধরে,
সুমধুর মৃদু হাসি হাস হে ঋণিক ।
প্রতি অঙ্গ কাঁদে তব প্রতি অঙ্গ তরে,
ঋণমাত্র হেরি সাধ চাহি না অধিক ॥

আকুলিত এ হৃদয় ওহে প্রাণেশ্বর !
ললিত সুঠাম ওই হেরি প্রতিকৃতি ।
হৃদয়ে রাখিতে সাধ হয় নিরন্তর,
ওই যে পাগল করা মোহন মূরতি ॥

হৃদয়ে সতত রহে উদ্দাম বাসনা,
ব্যাকুলিত এ অন্তর চাহে অনুক্ষণ ।
হেরিব ও রূপে সদা করিব সাধনা,
হৃদয়ে রাখিব আমি করিয়া যতন ॥

উদ্ভ্রান্ত উন্মত্ত হ'য়ে কভু যাই ছুটি,
বাঁধিবারে বাহুপাশে আকুল উচ্ছ্বাসে ।
কাঁদিয়া তখনি তব চরণেতে লুটি,
নিরাশার অশ্রুজলে এ হৃদয় ভাসে ॥

জানিনাক কতদিনে এ ভগ্ন হৃদয়,
সুগঠিত হবে তব মিলন-পরশে ।
জীবনের পরপারে মিলিব উভয়,
সুখে রব চিরদিন মনের হরষে ॥



নিদাঘে ।

কি ভীষণ ভয়ঙ্কর হইয়াছে খরতর
 নিদারুণ তাপ নিদাঘের ।
 তেজোময় দিবাকর প্রদানিছে রুদ্রকর
 শত মূর্তি যেন ভাস্করের ॥
 ছড়ায় অনলরাশি দগ্ধ করে দশদিশি
 রবি তাপে দগ্ধ এ ভুবন ।
 প্রাণী মাত্রে হাহা করে সদা বারি বিন্দু তরে
 পিপাসিত সবার জীবন ॥
 চাতক ফটিক জল যাচিতেছে অবিরল
 শূন্যপথে ফিরে নিরন্তর ।
 পিপাসিত তার প্রাণ বিনা বারি বিন্দু দান
 বারি বিনা রহে সে কাতর ॥
 ডাকিতেছে জলদেরে বিমানে সদা বিচরে
 উর্দ্ধমুখে হইয়া আকুল ।
 হইয়া সে ব্যাকুলিত যাচিতেছে অবিরত
 হইয়াছে বিধি প্রতিকূল ॥
 ভীষণ এ গ্রীষ্ম-তাপ সহে কেবা তার দাপ
 রহে সবে কাতরহৃদয় ।

বহিছে অনল সম সদা বায়ু অবিরাম

প্রভাকর শত প্রভাময় ॥

প্রকৃতি মলিন বেশে রহে সদা নাহি হাসে

দহিতেছে রবির কিরণে ।

বিশুদ্ধ হয়েছে কায় সজীবতা নাহি হায়

রহিয়াছে বিষাদিত মনে ॥

তড়াগ সরসী ঝাঁল নদ নদী খাল বিল

শুকায়েছে রবির উত্তাপে ।

শুষ্ক তরু শুষ্ক পাতা শুকায়ে কুসুম লতা

শুষ্কধারা নিদাঘের তাপে ॥

স্নানমুখে রহে ধরা হৃদয় অনলে ভরা

নাহি আছে শীতলতা-লেশ ।

শতত দহিছে হৃদি এ অনলে নিরবধি

সহিতেছে নিদারুণ ক্লেশ ॥

নাহি বেশ রমণীয় শাস্তি স্নিগ্ধ কমণীয়

নাহি শাস্তি ধরায় এখন ।

নাহি নব দুর্বাদল সুবিস্তৃত ধরাতল

সুশোভিত হরিৎ বরণ ।

সহসা যে নভোদেশে ধূমল ধূসর বেশে

কাল মেঘ দেয় দরশন ।

দিব্ দিগন্তর ব্যাপি মুহূর্ত্তে পড়িল ঝাপি
অবিরল নীলিম গগন ॥

নাহি শোভা নীলাশ্বরে শতদৈত্য যেন ফিরে
ছাড়িতেছে পবন হুঙ্কার ।

মহীরুহ ভাঙ্গি পড়ে ভীষণ প্রবল ঝড়ে
করি দেয় সব চুরমার ॥

ঝঞ্জাবাত ভয়ঙ্কর যুঝে মত্ত করিবর
বিধ্বস্ত করয়ে ধরাতল ।

সসৈনোতে গ্রীষ্মরাজ আসিয়া এ ধরামাঝ
প্রকাশিলা নিজ বাহুবল ॥

ভীম রবে অনুক্ষণ করিতেছে গরজন
ঘন ঘন অশনি পতিত ।

ঝরি পড়ে ফুল দল কাঁপিছে সাগর-জল
ধরণী যে ধূলিধূসরিত ॥

নীলাশ্বর মাঝে আর না শোভে তারার হার
গগনেতে নাহি শশধর ।

আবরিয়া সুধাকরে কাল মেঘ রহে ঘিরে
ঘিরিয়াছে নিশ্চল অশ্বর ॥

জ্যোৎস্না-ধবলিত নিশী নাহি চালে সুধা রাশি
নাই সেই মধুর মলয় ।

মৃদু মন্দ বহি ধীরে জুড়াইত প্রকৃতিরে
বিমোহিত করিত হৃদয় ॥

অবস্থার বিপর্যয়ে রহে যে মলিনা হয়ে
নাহি প্রাণে সুখের উচ্ছ্বাস ।

বিধবার মত হায় ধূলিধূসরিত কায়
করে সদা ছুঃখে বসবাস ॥

দলিতে প্রকৃতি সতী শুন ওহে গ্রীষ্ম-পতি
এ বাসনা কেন বা তোমার ?

ছিন্ন ভিন্ন চূর্ণ করে বিধবার সম তারে
সাজায়েছ একি ব্যবহার'?

নির্দয় নিষ্ঠুর সাজ তুমি ওহে গ্রীষ্ম-রাজ
ভীমবেশে আসি দেখা দাও ।

নিয়তি-পর্যায়ক্রমে আসি এই ধরাধামে
সুখ শাস্তি সব হরি লও ॥

যবে তুমি যাবে চলি এ তাপ যাবে সকলি
এ অনল হইবে নির্বাণ ।

নবীন বরষা-জলে ভাসিবেক কুতূহলে
জুড়াইব তাপ-দগ্ধ প্রাণ ॥

কিন্তু হায় বিধবার না নিবে অনল আর
সমভাবে জলে চিরদিন ।

সদা রহে শূন্যপ্রাণে হারাইয়া পতিধনে
শুষ্ক হয় হইয়া মলিন ॥

বিরহ-অনল হয় দহে বিধবার কায়
নাহি শান্তি এ জগতে আর ।

নিরাশার অটুহাস করে সদা উপহাস
কালমেঘ অদৃষ্ট তাহার ॥

বহে সম প্রভঞ্জন সতত দুঃখ-পবন
ছিন্ন ভিন্ন করি দেয় সব ।

বাসনা কামনা যত যায় যে জনমমত
সুখ-সাধ সকল বৈভব ।

কাল মেঘ অকস্মাৎ করি শিরে বজ্রাঘাত
কাড়ি লয় পতি প্রাণধন ।

বিষম কালের ঝড়ে যবনিকা ঝাঁপি পড়ে
অঁধারেতে ঢাকিয়া জীবন ॥

জিনিয়া নিদাঘ তাপে শত গুণ এ উত্তাপে
দিবানিশী দহয়ে শরীর ।

জ্বলে মন জ্বলে প্রাণ না হয় কভু বিরাম
এ অনল বিধবা নারীর ।

বরষায় ।

আইল বরষা ধরায় আবার,
উথলিছে বারি অবনীতলে ।
উথলিছে হৃদে শোক-পারাবার,
বিচ্ছেদ-ভরঙ্গ প্রাণে উথলে ।

ঘোর ঘটাচ্ছন্ন বিমল গগন,
বরষিছে সদা ভীষণ বারি ।
হৃদয়-গগন সদা সর্বক্ষণ
বিরহ-মেঘেতে রাখে অঁধারি ।

প্রবল বেগেতে বহিছে পবন,
সদা সর্বদাই ভীষণ বেগে ।
ছ ছ স্বন্ স্বন্ রব কি ভীষণ,
শুনিয়া আতঙ্কে শিতরে সবে ।

সতত বহিছে জীবনেতে মোর,
হৃৎখের ঝটিকা আকুল হয়ে ।
বিষাদেতে ঘেরা হৃদয়-অম্বর,
মলিনতা রহে ব্যাপি হৃদয়ে ।

সুনীল গগনে দিয়াছে ঢালিয়া,
ঘন গাঢ়তর কালিমা রাশি ।
ক্ষণপ্রভা খেলে নাচিয়া নাচিয়া,
উজলিয়া দিক্ ভ্রমিছে হাসি ।

মানসেতে মম পড়েছে কালিমা,
আবরি হৃদয় সদাই রয় ।
কি ঘোর অঁধার নাহি তার সীমা,
অঁধারে জীবন হইবে লয় ॥

ঘন ঘন ঘন গরজে গগন,
হেরিয়া বিজলী জলদ মাঝে ।
শোভে সৌদামিনী নয়নরঞ্জন,
জলদের কোলে মোহন সাজে ।

সুখ-স্মৃতি আসে ক্ষণিক হাসিয়া
বিজলীর মত চপলা বাল। ।
পূর্ব-স্মৃতি মনে উঠে চমকিয়া,
শত গুণ হয় প্রাণের আলা ।

রিম্ রিম্ ঝিম্ সারা নিশী দিন
বরষিছে সদা বরষা-ধারা ।

কভু ঝম্ ঝম্ হয় বরষণ,
প্রবল বেগেতে ভাসিছে ধরা ॥

বহে নয়নেতে ধারা অনিবার,
সতত হৃদয়-প্লাবন করি ।
রোধে তার গতি হেন সাধ্য কার,
ঝরিবে যে হয় জীবন ভরি ।

নবীন বরষা হেরিয়া ধরায়,
পুলকে পূরিছে সবার মন ।
সাজিয়াছে ধরা অতি শোভাময়,
নদনদীগণে শোভা কেমন ।

বরষা-বারিতে হয়েছে পূরিত,
সরোবর ঝিল ঝিল তটিনী ।
সাগরের বারি হয় উদ্বেলিত,
বহে অবিরত দ্রুতগামিনী ॥

ধারা প্রস্রবণ প্রপাত নির্ঝর,
বহে খর বেগে উচ্ছ্বাসভরে ।
নাহি সে সুস্বর মনোমুগ্ধকর
মৃদু মধু স্বর ললিত সুরে ॥

নব নব যত লতা পাতাদল,
 বারিসিক্ত হয়ে শোভিতা হয় ।
 ধূলিধূসরিত নাহি সে সকল,
 নবীন নীরেতে ভাসিয়া বয় ॥

হেরিয়া অম্বরে শোভা জলদের,
 নাচে ওই শিখী শাখীর পরে ।
 শিখিনীর সহ হরিষ অন্তর,
 প্রেমে ভরা প্রাণ গরবভরে ॥

করে কেকারব থাকিয়া থাকিয়া,
 নব জলধরে হেরিয়া ওই ।
 উন্মত্ত ডাঙ্ক ডাঙ্কী লঠিয়া,
 সুখনীরে ভাসে প্রিয়ারে লই ।

ভ্রমে হংসবর হংসী সাগে মিলি,
 পশি জলাশয়ে মাতি ক্রীড়ায় ।
 করে সম্ভরণ হয়ে কুতূহলী,
 সুখনীরে রহে ভাসায়ে কায় ॥

নবীন নীরেতে পূরিত ধরণী,
 নবীন বাসনা হৃদয়ে জাগে ।

যেন প্রেমাবেশে নবোঢ়া রমণী,
প্রেমে ভরা প্রাণ প্রেমানুরাগে ।

এই বারি বিনা প্রকৃতি সুন্দরী,
পিপাসিতা আহা ছিল যে হয়ে ।
মিটিল পিপাসা পানে ওই বারি,
শীতল হইল তাপ ঘুচিয়ে ॥

হেরি ধরা মাঝে বরষার শোভা,
জলে দিবানিশি দারুণ জ্বালা ।
না ভোলে নয়ন নহে মনলোভা,
করে মম মন প্রাণ উতলা ।

কোথা মম নাথ ! কোথা প্রাণেশ্বর !
কোথায় এখন বারেক বল ?
পিপাসিত প্রাণে নব জলধর,
সম ঢাল প্রাণে শান্তির জল ।

প্রাণে জাগে তব দরশন-আশা ।
সতত যে মন ব্যাকুল হয় ।
চাতকিনী সম দারুণ পিপাসা,
আকুল হৃদয় তৃষিত রয় ॥

উত্তপ্ত হৃদয়ে ঢাল সুধা শান্তি,
 বরিষণ করি বচন-সুধা ।
 সুললিত সেই কমনীয় কান্তি,
 হেরিবারে প্রাণ চাহে যে সদা ।

নবীন নীরদে হেরিয়া গগনে,
 হেরিয়া ধরায় বরষা-ধারা ।
 বরষা রাগিণী শুনিয়া শ্রবণে,
 করিতেছে মোরে পাগলপারা ।

জাগিছে অন্তরে সতত আমার,
 প্রাণাধিক তব মধুর স্মৃতি ।
 স্মরিয়া এখন করি হাহাকার,
 সেই ভালবাসা প্রণয় প্রীতি ॥

কত বা সোহাগ কত অনুরাগ,
 বহিত সুখের লহর প্রাণে ।
 ফুটিত হৃদয়ে নব নব রাগ
 জলদেরে হায় হেরি গগনে ।

উথলিয়া যথা কূলে কূলে বারি,
 হয়ে উচ্ছৃঙ্খিত বহিয়া যায় ।

এ হৃদয় ভূমি প্লাবিত যে করি,
সতত উচ্ছ্বাস কতই হয় ॥

নব জলধর গরজি গগনে,
করিত যখন গভীর নাদ ।
ভয়াকুল চিন্তে রহি ভীত মনে,
লুকাতাম মুখ গণি প্রমাদ ।

হাসি হাসি তুমি আসি প্রিয়তম !
লইতে আমারে হৃদয়ে টানি ।
হইত তখন ভীতি দূর মম,
সে বাহুবন্ধনে অভয় গণি ॥

তব প্রীতিকর এই মেঘমালা,
তব প্রীতিকর ঋতু বরষা ।
তব প্রীতিকর দামিনীর খেলা,
তব প্রীতিকর ধরা সরসা ।

তব প্রীতিকর এ বাদল দিন,
লুকায়িত রবি গগনপথে ।
মেঘমালা-ঘেরা চন্দ্রমা মলিন,
লুকোচুরি খেলা জলদ সাথে ।

কোথা সেই দিন গিয়াছে চলিয়া,
রাখিয়া আমার হৃদয়ে স্মৃতি ।
এ বাদল দিনে উঠে উথলিয়া,
অভাগীর প্রাণে দুঃখের গীতি ।

আজি জ্বলে প্রাণ বিহনে তোমার,
নহে প্রীতিকর নিকটে মম ।
শূন্যময় হেরি এ পূর্ণ সংসার,
তোমা বিনা হয় হে প্রিয়তম !

তুমি পূর্ণ নাথ ! এই শূন্য প্রাণে,
কূলে কূলে সদা ভরিয়া রহ ।
মিলনের আশা সদা জাগে মনে,
তব সঙ্গিনীরে ডাকিয়া লহ ॥

করি এ মিনতি জলধর প্রতি,
মম এ ভারতী প্রাণেশে কহ ।
বার্তাবহ হয়ে তথা কর গতি
নাথ সহ মোরে মিলায়ে দেহ ।

যাও হে সত্বরে সে অমরপুরে,
কহিতে আমার দুঃখের কথা ।

বিমান বিচরি যাও পরপারে,
জানাইবে মম হৃদয়-ব্যথা ॥

রহিলাম আশে বসিয়া হেথায়,
জীবনের পারে যাইব বলি ।

মম প্রাণনাথ রহেন যথায়,
তথা প্রাণ হায় ধায় কেবলি ॥

জুড়াইব জ্বালা যত জীবনের,
শান্তিময় সেই জীবন-পারে ।
নিবারিব তাপ যত হৃদয়ের,
প্রাণে রাখি যাহা গোপন করে ।



শরদাগমে ।

বরষার শেষে ওই শরৎ আসিল ।
 অভিনব কি মাধুরী ধরণী' ধরিল ॥
 সজল জলদজালে করি বিদূরিত ।
 ধরায় শরৎ ঋতু হল উপনীত ॥
 মেঘমালা নাহি আর গগনেতে ঘিরে ।
 জলধর মাঝে নাহি দামিনী বিচরে ॥
 ভীমরবে নাহি হয় অশনি পতিত ।
 করকা বরিষে নাহি হয় ঝঞ্জাবাত ॥
 প্রবল বারির স্রোতে নাহি ভাসে ধরা ।
 জলাশয়ে স্রোত নাহি বহে খরতরা ॥
 বহিতেছে মৃদু মৃদু সুমন্দ মলয় ।
 মৃদুল হিল্লোলে দোলে তরু লতাচয় ॥
 নিশ্চল গগন মাঝে হাসে শশধর ।
 বিতরিয়া সুধাধারা ধরণী উপর ॥
 নীলাম্বর মাঝে ওই পাতিয়া আসন ।
 বিরাজিত রহিয়াছে রজনীরঞ্জন ॥
 ধবলবরণ শশী সুবিমল ভাতি ।
 উজলিয়া দশদিশি শরতের রাতি ॥

করে সকলের প্রাণে পুলক সঞ্চার ।
জ্যোৎস্না-পুলকিত নিশী ঢালে সুধাধার ॥
শোভিতেছে তারামালা বিমল অশ্বরে ।
শারদ-গগনে ওই সুধাকরে ঘিরে ॥
ভালবাসে সবে এই শরতের শশী ।
ভালবাসে সকলেতে তারাগণ-হাসি ॥
কুমুদিনী সুখে সরে রহে প্রস্ফুটিত ।
শারদ-গগনে হেরি শশী সমাগত ॥
লয়ে অতুলন রূপ শোভার ভাণ্ডার ।
কাহার চরণে যেন দিবে উপহার ॥
দিবাকর লুকাইয়া রহে মেঘজালে ;
নাহি সে কালিমা আর প্রভাকর-ভালে ॥
মেঘমুক্ত হইয়াছে শরতের রবি ।
সে উজ্জ্বল প্রভাময় হেরি দীপ্ত ছবি ॥
আলোকিত দশদিক্ রবির কিরণে ।
শরতেরে সমাগত হেরিয়া ভুবনে ॥
সরোবরে সুখ ভরে হাসে সরোজিনী ।
শরতের নীলাকাশে হেরি দিনমণি ॥
লইয়া হৃদয়ভরা নব পরিমল ।
পূজিবে কাহারে মনে বাসনা প্রবল ॥


হরষিত সবে এই শরৎ সময় ।
 হইয়াছে ধরাতল আনন্দিতময় ॥
 পথ ঘাট মাঠ কিবা নব দৃর্বাদলে ।
 আবরিত রহিয়াছে কিবা সুকৌশলে ॥
 পাতিয়া রেখেছে ধরা হরিৎ আসন ।
 সুশিল্পীর কারুকার্য করি প্রদর্শন ॥
 কাহারে বসিতে দিবে ভাবিয়া সে মনে ।
 বিছাইয়া রাখিয়াছে অতীব যতনে ॥
 ফুটিয়াছে নানা জাতি সুরভি কুসুম ।
 সুবাসেতে মোতে প্রাণ শোভা মনোরম ॥
 কাশ কুসুমের শোভা কাননে অতুল ।
 রক্ত জবা নাগেশ্বর পারুল বকুল ॥
 অতসি অপরাজিতা করবী সেফালি ।
 কুন্দ কুসুমের শোভা শিরীষ বান্ধুলি ॥
 গন্ধরাজ চাঁপা গঁদা ফুটে কৃষ্ণকলি ।
 দোপাটির পরিপাটি হেরি যে কেবলি ॥
 লয়ে এই সুরভিত কুসুমসস্তার ।
 কাহার চরণে যেন দিবে উপহার ॥
 হাসিতেছে সকলেতে হরিষ অন্তরে ।
 হাসিছে প্রকৃতি সতী শরতেরে হেরে ॥

উৎসাহেতে রহে সবে উৎসুক হইয়া ।
যেন কি বাঞ্ছিত দ্রব্য লভিবে বলিয়া ॥
পূজিবারে যেন কোন অভীষ্ট দেবতা ।
হইয়াছে সকলের প্রাণে একাগ্রতা ॥
প্রফুল্লিত সকলেই শরৎ-শোভায় ।
সৌন্দর্যের বাসভূমি যেন বসুধায় ॥
হইয়াছে ধরাতল রম্য নিকেতন ।
প্রকৃতির লীলাভূমি সুন্দর শোভন ॥
হেরি এই অতুলন শোভা মনোরম ।
বিষাদেতে ব্যাকুলিত এ হৃদয় মম ॥
উঠিতেছে দিবানিশি প্রাণে হাতাকার ।
নয়নেতে ঝরিতেছে ঝরি অনিবার ॥
বিষময় জ্ঞান হয় এ বিমল শোভা ।
কিছুই আমার কাছে নহে মনোলোভা ॥
এই দীপ্ত তেজোময় ভানুর কিরণ ।
এই নব দৃক্বাদল হরিৎ আসন ॥
নীলাশ্বরে শোভা করে এই তারামালা ।
মাঝে মাঝে রহে তাতে বিজলীর খেলা ॥
সুনীল গগন পটে শশধরে হেরি ।
হৃদয়ের জ্বালা আর নিবারিতে নারি ॥

এই তরুলতারাজি এই নদী-জল ।
 মণ্ডিত হয়েছে রবি-কিরণে সকল ॥
 ওই যে মনের সুখে পাখী করে গান ।
 অবিরত তটিনীতে উঠে কলতান ॥
 নিরানন্দ সুখহীন সকলি দেখায় ।
 ছুঃখপূর্ণ হেরিতেছি সুখের ধরায় ॥
 হৃদয়েতে নাহি ফুটে হরষের ফুল ।
 সুখের উচ্ছ্বাসে মন না হয় আকুল ॥
 জীবনের কালমেঘ দূর নাহি হয় ।
 বিহনে সে হৃদয়ের আলো জ্যোতিষ্ময় ॥
 বিনা সেই প্রাণেশ্বর এ দেহের প্রাণ ।
 হৃদয় হয়েছে যেন অশান্তির স্থান ॥
 কোথা মম প্রাণনাথ কোথায় এখন ।
 কাঁদাইয়া অভাগীরে হয়ে বিস্মরণ ॥
 এস এস ওহে নাথ নিকটে আমার ।
 শরতের শোভা যত দিব উপহার ॥
 হৃদি-পদ্ম প্রদানিব তোমার চরণে ।
 প্রণয়-চন্দন তাহে মাথায় যতনে ॥
 মানস-কুসুম লয়ে দিব গাঁথি মালা ।
 বাসনার উপচারে সাজাইব ডালা ॥

সাজাইয়া দিব আমি সাধনার সাজি ।
এসহে হৃদয়-নাথ হৃদয়েতে আজি ॥
বিছাইয়া দিব প্রাণ হরিৎ আসন ।
ফলে ফুলে সুশোভিত দিব রিপুগণ ॥
হইবেক হৃদয়েতে প্রেমের ঝঙ্কার ।
পাখীর কাকলি তাহা হবে প্রাণাধার ॥
সুখের হিল্লোল প্রাণে বহিবে তখন ।
শরতের শান্তিময় মুছ সমীরণ ॥
চিদম্বরে প্রেমচন্দ্র তুমি প্রেমময় ।
প্রকৃতির শোভা তুমি সকল সময় ॥
দিব জ্যোৎস্না ঢালি পদে প্রণয়ের ধারা ।
প্রেমের কিরণে শোভা হবে মনোহরা ॥
দিব তবে ঢালি পদে নয়নের নীর ।
শরতের সুবিমল বারি তটিনীর ॥
মেঘমুক্ত হবে মম এই হৃদাকাশ ।
উজ্জ্বল রবির রূপে হইয়া প্রকাশ ॥
এস এস হৃদয়েতে হৃদয়রাজন !
হৃদয়ের পূজা মম করহ গ্রহণ ॥
এসহে হৃদয়সনে হৃদয়-দেবতা ।
লহ হৃদয়ের পূজা লহ একাগ্রতা ॥

সর্বদাই প্রকৃতির এ মন-ভবনে ।
মিলিয়া আত্মায় মম, রয়েছ গোপনে ॥
লইতেছ পূজা সদা সাদরে সম্ভাষি ।
নিরিবিলি হৃদয়েতে রহি দিবানিশী ॥
হে আরাধ্য দেব মম হৃদয়বল্লভ ।
বাঞ্ছিত রতন তুমি মূর্ত্তিমান্ দেব ॥
জীবনের অধীশ্বর হৃদয়ের রাজা ।
আজীবন হৃদয়েতে করিব হে পূজা ॥
পূজান্তেতে উপহার দিব এই প্রাণ ।
জীবনান্তে দিও য়োরে তব পদে স্থান ॥



হেমন্তে হেরিয়া

আবার আইল দারুণ হেমন্ত
এসেছিল ও যে হইয়া কৃতান্ত
হরি লয়ে মম গেছে প্রাণকান্ত
শোকের ধূমেতে আবারি মোরে ।

সঙ্গে এনেছিল উত্তুরে বাতাস
পরশিলে অঙ্গে উপজয়ে ত্রাস
চিরতরে মোরে করিয়া নিরাশ
কাড়িয়া লয়েছে মম নাথেরে ॥

যেন মহাকাল ফুকারিছে শ্বাস
কিবা বিভীষিকা শীতল নিশ্বাস
হিমে মাথা সেই শীকর বাতাস
কালান্তক রূপে এল ধরায় ।

সতত বহিত সম করকার
দিবানিশী এই বায়ু অনিবার
কাঁপাইয়া তাহা দিক্ চরাচর
আপনার মনে চলিত হয় ॥

রাশি রাশি হিম ঢালি ধরামাঝ
পরিয়া সতত হিমময় সাজ
আধিপত্য করে হিম ঋতুরাজ

জল স্থল নভে আসন পাতি ।

হিমেতে অঁধার গগনমণ্ডল
হিমেতে ব্যাপ্ত রহে ধরাতল
হিমময় যত জলাশয়ে জল

হিমাংশুরে ঢাকে সে হিম পতি ॥

দিবাকরে সদা ঢাকি হিমজালে
আবরি রাখিত গগনের থালে
নাহি উজ্জ্বলতা সে নভোমণ্ডলে

নাহি ছিল তাপ তপন-কায় ।

মুকুতার সম শিশিরের কণা
সহস্র ফণীতে যেন ধরে ফণা
প্রবেশি হৃদয়ে দংশি মনোবীণা

নিজ কাজ সারি চলিয়া যায় ॥

নীহারভূষিত নব দুর্বাদল
রবি করে তাহা হয়না উজ্জ্বল
যেন ম্লান মুখে কাঁদে অবিরল

অশুভ কামনা করিয়া মনে ।

নাহি ডাকে পাখী বসি শাখীপরে
আকুল উচ্ছ্বাসে কলকণ্ঠ সুরে
চমকিয়া উঠে সভয় অন্তরে

কহে মনোব্যথা শোকের গানে ।

হেমন্ত-নিশীতে আসি কুঞ্জবনে
গোপাঙ্গনাগণ বাঁশরির তানে
মিলিত হতেন মুরারির সনে

প্রেমেতে বিভোলা গোপিকাচয় ।

এ হেমন্ত হায় অসি লয়ে করে
এসেছিল যে গো অবনা-মাঝারে
বধিবারে মোরে নিদারুণ শরে

শোকাকুলা করি মম হৃদয় ॥

তেরশ উনিশ হেমন্তে অঘ্রাণ
কি করাল বেশে হল অধিষ্ঠান
লয়ে হিমরাশি অসি খরসান

হানিল আমার হৃদয়মাঝে ।

হিম-অঙ্ককারে আবারি নয়ন
হিমেতে আচ্ছন্ন করিয়া জীবন
হরি লয়ে মম গেছে প্রাণধন

হিমরাজ মোর হৃদয়রাজে ॥

চিরস্মরণীয় এই কাল হায়
কি শোকের স্তম্ভ প্রোথিলে ধরায়
হেমন্তে অত্নাণ জাগিবে হিয়ায়

সপ্তদশ দিনে অষ্টমী তিথি ।

যতদিন রবে রবি শশী তারা
যতদিন এই রবে বসুন্ধরা
চির দুঃখময় এই শান্তিহরা

হয়ে শান্তি হারা রহিল পৃথী ॥

কি দারুণ এই হেমন্ত সময়
নিশ্চয় নিষ্ঠুর পাষণ্দহৃদয়
আবার ফিরিয়া আসিল ধরায়

না আসিল ফিরে প্রাণেশ আর ।

একা এল পুন এ মর ভুবনে
লয়ে গিয়েছিল মম প্রাণধনে
রাখিয়া নাথেরে অমর-ভবনে

এই কি হইল তার বিচার ॥

বলি সকাতে শুন্ ও হিমালী
রাখ দুঃখিনীর এই দুঃখ বাণী
লয়ে চল মোরে যথা গুণমণি

করিয়া বসতি রব তথায় ।

আল্লা

হেমন্তে হেরিয়া ।

এ শূন্য ভবনে রহিতে যে আর
কাতর পরাণ না চাহে আমার
প্রাণনাথ বিনা সব অন্ধকার

শোক-সমাচ্ছন্ন হেরি ধরায় ॥

না সহিত সেই কোমল শরীরে
হিমের প্রতাপ ডুবায়ে নৌগারে
নবনীত কায় আবারি তূষারে

লইয়া গিয়াছে তোমারে কোথা ।

ক্ষণ অদর্শনে রহিতে না পারি
কোথা আছ নাথ মোরে পরিহরি
হরিল হেমন্ত কালবেশ ধরি

দিয়া মম প্রাণে দারুণ ব্যথা ॥

শোক-তাপময় পাপ-তাপ-ভরা
হিংসাদ্বৈতপূর্ণ এই বসুন্ধরা
জ্বালাময় সদা কলুষিত ধরা

না হইল তব আবাস-স্থান ।

চির শান্তিময় তোমার অন্তর
শীতলতা তাহে পূর্ণ নিরন্তর
ছিল সে হৃদয় শান্তির নির্ঝর

তাপ-বিরহিত ছিল সে প্রাণ ॥

বুঝি মনোমত হল এই কাল
নীহারের মাঝে জীবন মিলাল
সুরভি কুসুম অকালে নাশিল

হিমে আবরিয়া ঢাকিল কায় ।

নিদাঘের তাপে হইতে তাপিত
রবিকর-তাপ প্রাণে না সহিত
তাই কি হেমন্তে করি মনোনীত

তাহার সহিত গিয়াছ হায় ॥

আসিল যে ফিরে হেমন্ত আবার
কই তুমি ফিরে এলে নাকো আর
শূন্য এ হৃদয় শূন্য এ আগার

এই যে হেমন্ত কৃতান্ত সম ।

হায়রে কি কাজ করিলিরে বল
ও হেমন্ত ঋতু এত তুই খল
ভরা ছিল তোর হৃদে হলাহল

ভূলাতিস্ নানা ছলনা করি ॥

মিত্র জ্ঞানে তোরে করি সমাদর
তোর আশাপথ চাহি নিরন্তর
তব আগমনে প্রফুল্ল অন্তর

হইতাম সুখী তোমারে হেরি ॥

ভাল প্রতিফল দিলে হিমরাজ
হানিলে শিরেতে কি দারুণ বাজ
মিত্রদ্রোহী মত করিলে যে কাজ

করিলে শতধা হৃদয় মুগ

অনুকম্পা করি লয়ে যাও মোরে
সেই দূরস্তুর জীবনের পারে
তব নিষ্ঠুরতা ভুলিব সহরে

মিলিত হইয়া সে প্রিয়তম



শীতরন্ত্রে ।

আসিয়াছে শীতকাল আবারি নীহার-জাল
 ঘেরিয়াছে গগনের গায় ।

বিষাদে প্রকৃতি সতী বিবর্ণা বিশীর্ণাকৃতি
 বিষাদিত সকলি ধরায় ॥

শুভ্র বাষ্প-জালে ঘেরা স্ফুর্ভিহীন স্তব্ধ ধরা
 লতা পাতা সকলি মলিন ।

শীর্ণ বৃক্ষশাখা যত নাহি তাহা সুশোভিত
 হইয়াছে ফল-ফুল হীন ॥

কুঞ্জাটি বসন খানি বদনে দিয়াছে টানি
 আকুলতা পড়িছে উছলে ।

ঝরিছে তুহিনরাশি রোদনের ছলে মিশি
 অভিষিক্ত করে ধরাতলে !

হেরিয়া দারুণ শীত বিহঙ্গ গাহেনা গীত
 কোকিলের নাহিক ঝঙ্কার ।

সরোবরে সরোজেরে মধুপ না রহে ঘিরে
 নাহি তাহে পরিমল আর ॥

কার তরে শীর্ণ কায়া কোন্ অতীতের ছায়া
ঘিরি রহে ধরণী হৃদয়ে ।

দুঃখিনী মলিন বেশা বিষাদে হয়ে বিবশা
রহিয়াছে কাতর হইয়ে ॥

হাহা রবে বায়ু বহে যেন সে কাহারে কহে
সুধাইছে কাহার বারতা ।

কাহার আশার আশে ভ্রমিতেছে দেশে দেশে
ফুকারিয়া কত কাতরতা ॥

আমি এ নিরাশ প্রাণে সেই স্মৃতি স্মরি মনে
স্তব্ধভাবে হইয়া হতাশ ।

গেছে সাধ গেছে আশা গিয়াছে সুখ লালসা
এ হৃদয় অশান্তির বাস ॥

পড়ে মনে নাথ সনে কিবা সুখ সন্মিলনে
যাপিতাম সুখে এই কাল ।

ভ্রমিতাম নানা স্থানে গিরি গুহা উপবনে
প্রবাসেতে জলধি বিশাল ॥

নানারূপে জলে স্থলে রহিতাম কুতূহলে
লভিতাম কিবা সুখ মনে ।

হরিৎ ধাত্তোর ক্ষেত্র দৃষ্টিমাত্র সুখী নেত্র
প্রকৃতির শোভা দরশনে ॥

প্রকাসে কি গৃহবাসে যাপিতাম কি হরষে
নাথ পাশে প্রফুল্ল অন্তর ।

প্রমোদে কাটিত বেল! সারা দিন হাসি খেলা
বহিত যে সুখের লহর ॥

পশ্চিমে হেলিত রবি লোহিত বরণ ছবি
লুকাতেন সে অস্ত-শিখরে ।

হয়ে উল্লসিত মন করিতাম দরশন
অস্তমিত দেব দিবাকরে ॥

সোহাগে ধরিয়া কর কহিতেন প্রাণেশ্বর
মম হৃদে তব বাসস্থান ।

হৃদয়ে টানিয়া লয়ে রাখিতেন লুকাইয়ে
পুলকেতে পূরিত যে প্রাণ ॥

প্রীতি-অনুরাগ-ভরে সোহাগ যতন করে
বাঁধি মোরে বাহুর বন্ধনে ।

মাথিয়া তুহিন রাশি সুধাকর হাসি হাসি
উদিত যে পশ্চিম গগনে ॥

আহা কি প্রেমের ভরে মৃদু হাসি সে অধরে
প্রকাশিয়া কহে প্রিয়তম ।

আমার হৃদয়াকাশে তুমি জ্যোতির্শ্ময়ী বেশে
উজলিছ এ জীবন মম ॥

সরম তুহিনরাশি আবরি ও মুখ শশী
 রহিয়াছে সরমেতে মাখা ।

দ্বিগুণ বাড়িছে শোভা করে মম মনলোভা
 কমনীয় ও বদন রাকা ॥

পিপাসী চকোর আমি তব প্রেম দিবা যামী
 যাচি সদা হইয়া পিপাসী ।

কোরনা কুপণপনা বিতরিতে প্রেম-কণা
 আমি তব প্রণয়প্রয়াসী ॥

এইরূপে নানা ছলে ফেলিয়া প্রেমের জালে
 গলে দিয়া প্রেমের বন্ধন ।

প্রাণে দিয়া কত আশা বাড়ালে প্রেমের তৃষা
 ভালবাসা কোথায় এখন ॥

একা রাখি ক্ষণতরে রহিতে না স্থানান্তরে
 ছায়া সম রাখিতে যে পাশে ।

ফেলিয়া আমারে একা কোথা আছ প্রাণসখা
 রহিয়াছি আর কোন্ আশে ॥

নিস্তরু এ ধরাতল ঝরিতেছে অঁথি জল
 হারাইয়া তোমারে হে নাথ !

মোর দুঃখে কাঁদে ধরা নীহারে হৃদয় ভরা
 কি দুঃখেতে কাটে দিন রাত ॥

কাঁদি প্রকৃতির সহ তোমা বিনা অহরহ
শুকায়েছে হৃদয় আমার ।

সংসারের চারিধার শুষ্ক হেরি প্রাণাধার
শূন্য প্রাণ হয়েছে সবার ॥

হারায়ে এ রত্ন নিধি মন দুঃখে নিরবধি
বিষাদিত প্রকৃতি সুন্দরী ।

নাহিক বদনে হাসি মম প্রাণে প্রাণ মিশি
সহে দুঃখ দিবা বিভাবরী ॥

কবে এই দুঃখ শেষ হইবে মোর প্রাণেশ
হবে প্রাণে বসন্ত উদয় ।

তোমার মিলনে পুনঃ সরসিবে শুষ্ক মন
সুখী হবে মম এ হৃদয় ॥

জীবনের পরপারে মিলন সুখের নীরে
ভাসিব যে লইয়া তোমারে ।

শুষ্ক দেহ কুঞ্জবনে মুঞ্জরিবে সে মিলনে
গুঞ্জরিবে সুখের ভ্রমরে ॥

দরশন করি হায় তব মুখ চন্দ্রমায়
হৃদয়ের ঘুচিবে অঁধার ।

মুছ হাসি বিশ্বাধরে তাহাতে পীযুষ ঝরে
তিরপিবে তিয়াস আমার ॥

বসন্তে ।

আজি, বসন্ত পবনে সুনীল গগনে
পরাণ চাহিছে কাহারে ।

ওই, বসন্ত-প্রভাতে কোকিলের সার্থে
হৃদয় আমার বন্ধারে ॥

আজি, বসন্ত-সমীরে দোলে ধীরে ধীরে
কুঞ্জে কুসুম মৃদুল ।

ওই, মধুকরকুল হঠিয়া আকুল
জগৎ করিল ব্যাকুল ॥

আজি, মানস উদ্যানে কাহার লাগিয়া
বাসনা কুসুম ফুটিছে ।

ওই, বসন্তে হেরিয়া প্রাণের আবেগে
কার কাছে মন ছুটিছে ॥

আজি, হৃদয় উদাস করি কার আশ
কার লাগি প্রাণ কাঁদে গো ।

ওই, কুসুম-সুবাসে কোন্ পরিমল
বহিয়া হেথায় আনে গো ॥

আজি, সরস ধরণী বসন্তেরে হেরি
 হরষে বিবশা হয়ে সে ।

ওই, মধুর পবনে উঠিল শিহরি
 মধুর মিলন আবেশে ॥

আজি, সুনীল আকাশে দিবাকর হাসে
 প্রভাত কিরণে উজলি ।

ওই বকুলের শাখে বসিয়া যে পাখী
 করিছে মধুর কাকলি ॥

আজি, কাহার লাগিয়া হৃদয় আমার
 উঠিতেছে হায় ফুকারি ।

ওই, পাখীদের মত আপনার মনে
 গাহে দুঃখ-গাথা মুখরি ॥

আজি মন উপবনে বিরহ-বেদন
 উঠিছে কেবল ফুটিয়া ।

ওই, সুষুপ্ত বাসনা কাহার লাগিয়া
 উঠিল গো আজি জাগিয়া ॥

আজি, কার তরে প্রাণ হইয়া অধীর
 চাহিতেছে হায় কাহারে ।

ওই, মলয়ের মত হইয়া উন্মত্ত
 ভ্রমিয়া বেড়ায় সংসারে ॥

আলা

বসন্তে ।

আজি, পরাণ আমার কোন্ জন লাগি
ভরিয়া উঠিল হতাশে ।

ওই, সুখদ সমীরে জ্বালিল অনল
আমার নীরস মানসে ॥

আজি, আমার হৃদয়ে জ্বলিতেছে আলা
এ সুখ বসন্ত মলয় ।

ওই, হেথা সমীরণ বহে অনুক্ষণ
ঢালিতেছে যেন অমিয় ॥

আজি, মম এ হৃদয় করিয়া আকুল
কহিল কাহার কাহিনী ।

ওই, মৃদুল সমীরে কার প্রণয়ের
বাজিল ললিত রাগিণী ॥

আজি, কার স্মৃতি লয়ে সতত আমার
ছড়াইয়া দেয় হৃদয়ে ।

ওই, বকুল কুমুমে রয়েছে যেমন
বকুলের তল ব্যাপিয়ে ॥

আজি, উঠিয়া প্রভাতে হেরিনু ধরাতে
বসন্ত-পবন বহিছে ।

ওই, বাসন্তী গগনে কার গুণ গানে
কার নামে প্রাণ ভরিছে ॥

আজি, হৃদয় আমার : কুসুমের মত
কাহার পরশ মানসে ।

ওই, ফুটিয়া উঠিল ঝরিয়া পড়িল
আকুল হইয়া হতাশে ॥

আজি, এত প্রেম আশা প্রাণের পিপাসা
উথলে আমার পরাণে ।

ওই, প্রমত্ত মলয় বহে নাকি হায়
গিয়া প্রাণেশের সদনে ॥

আজি, শোভিছে যেমন বসন্তে ধরণী
তথা কি তেমন শোভে না ।

ওই, হাসিতেছে হেথা বিমল রজনী
ঢালিয়া ধবল জোছনা ॥

আজি, তার কথা মোরে কহিতেছে আসি
মোর কথা তারে না কহে ।

ওই, মৃদু ঝরি ঝরি মৃদুল মধুর
সমীরণ তথা না বহে ॥

আজি, এ পোড়া পরাণে অনলের রাশি
জ্বালিল কেন সে আসিয়া ।

ওই, বসন্ত রাগিণী না গাহিবে যদি
নাথের নিকটে যাইয়া ॥

আজি, আমার হৃদয়ে রয়েছে যতক
ভরিয়া দারুণ বেদনা ।

ওই, বিমান বিচরি বিচরিয়া তথা
এ কুঃখ আমার কহনা ॥

আজি কাহার লাগিয়া হৃদয় আমার
করিয়া রেখেছি উন্মুক্ত ।

ওই হৃদয় মন্দিরে বাসনা কুমুমে
হবে কোন্ দেব পূজিত ॥

আজি বসন্তের মত সাজায়ে রেখেছি
হৃদয় করেছি শোভিতা ।

ওই লয়ে প্রেম আশা প্রীতি ভালবাসা
পূজিব হৃদয়-দেবতা ॥

আজি বাজিবে সোহাগে জীবন রাগিণী
করিব প্রীতির আহ্বান ।

ওই নীরস জীবন হইবে সরস
পূজিয়ে হৃদয়রাজন ॥

আজি নয়নের তৃষা পরাণের আশা
তাহার চরণে ডারিব ।

ওই উদ্দেশ্যে তাহার সাধনা আমার
উদযাপন ব্রত করিব ॥

আজি কামনা কুসুমেরে বিরচিত মালা
 গলে দিব তার পরায়ে ।

ওই নয়নের নীরে অভিষিক্ত করি
 গাঁথিব বিরলে বসিয়ে ॥

আজি, হৃদয় নিকুঞ্জেরে পূজিব নাথেরে
 পাতিয়া রেখেছি আসন ।

ওই, হৃদয়ের মধু দিব প্রাণ বঁধু
 তোমারে হৃদয়রতন ॥

আজি, তোমারে পূজিতে নানা আয়োজন
 রেখেছি হৃদয়-মন্দিরে ।

ওই, পূজার সস্তার লয়ে প্রাণাধার
 মিলিব অমর নগরে ॥



